

甘肅全省新通志

卷肆拾貳  
肆拾肆

76587

地180

38

部=132

甘肅新通志卷之四十二

塞防 附蒙土番回部族

甘疆地臨邊塞扼險設防最關緊要秦築長城漢置障塞尉為塞防所由昉自是代有規畫以迄於明固原既設三邊總制而甯夏甘肅諸衛復有正副總兵鎮之制云善矣我

朝大一統治率土皆臣黃河無復防秋之事然版圖式廓形勝是規亦鎖鑰干城之任也茲輯塞防於蒙土番回原始要終詳其部族見邇安遠肅有自來云

蘭州府

舊邊城在皋蘭縣黃河北岸東自鹽場堡起西至沙岡墩止共五千六百二十丈

新邊城在皋蘭縣北明萬曆二十七年築東自靖遠蘆塘交界永

甘肅新通志

卷四十二

兵防志 塞防

一

秦川起西至扒沙交界雙墩子止通計九十里

舊志萬曆二十六年以松山平定議

築新邊牆同知馮詢等踏看得松山雙墩子以東至紅水河西四十里有水可以築牆紅水河以東三十里俱石山無土不堪挑築應砌石自鹹灘墩至永安堡索橋三十里川險間斷或築牆或挑濠各相便宜 又五邊考新邊自靖遠衛界黃河索橋起至莊浪界土門止共長四百里而蘭靖莊浪千四百里之衝邊始安第蘆塘三眼井等處土疏易圯時費修築若按明初舊址自鎮番直接甯夏中衛通樹長邊則外鑰尤壯矣

永安堡在靖遠縣東北一百二十里明隆慶五年建城周三里三

面距山一面臨河河外即邊徼為邊防極衝要地管隘口十二有

邊牆五十里無牆處斬坡邊一百餘里康熙三十三年總督佛倫

題請丈量應修一萬二百八十四丈四十一年黃河泛漲衝壞邊

牆三百一十八丈按年修築

明許用中建設永安堡碑記永安堡蓋為戴節度王晉菴翁新命名云國

初僅設一堡於河上禦寇曰迭烈遜嗣因魯犯不能守正統間復請堡之南創建靖遠衛堡之東重修打拉赤以禦之督撫關中者每每講求相度始得永安險隘築堡屯守夫永安東之要害凡七日大廟曰哮喘溝曰馬尾曰劉家寺兒曰大碾子曰八泉曰急三

灣西之要害凡九日小紅溝日稍水日紅蟒牛日七里口日紅柳樹日李智壩日李哈刺日一碗泉日迭列遜即其堡前所廢者乃裴家川跨諸壘害中距河四十里計雪山枕其南劉家溝口接其北東與埠坪川白崖子亂古堆鎖黃川剡施相聯絡不絕川許騰草木蒼蔚古渠壩塍疇尚在塞人以小河套刺刺稱之鄰擇犁大小松山蘆塘湖諸慎蚤歐脫塞人目之為套鹵云今建一長城計三十里許名曰永安堡以金計二千有奇以穀計三千有餘以夫計萬餘人天險固而地利興均出節度王公西石戴公晉菴之碩畫云至贊其成則有中丞楊公南泉左侍郎張公元洲兵憲王君桃溪總帥呂公兩槐云自六月念一日鳩工起至十一月初三日止通計凡二十有五甲子而工告竣實隆慶五年改元也戴節度奏之天子制嘉乃丕績賜金幣有差節度命余紀其事余謹按龍韜文王翼編曰股肱國人主任重持難修溝塹治壁壘以備守禦又按周宣王命樊侯仲山甫築城而尹吉甫作詩送之曰王命仲山甫城彼東方又曰衰職有闕惟仲山甫補之然則諸公之功與山甫先後一轍豈曰古今人不相及哉王公名之誥石首人戴公名才滄洲人楊公名思忠平定州人張公名翰仁和人呂公名經甯夏人王公名公用成安人

蘆溝堡在靖遠縣東一百八十里明萬曆二十四年建城周三里

與甯夏中衛比鄰至邊五十里隘口七處邊牆一十八里明楊恩建設

溝碑記昔南仲城朔方而中原底甯營平屯金城而西羌遠遁今古讓美宇宙垂光非天下第一流人物曠辦此哉靖遠介朔方金

# 甘肅新通志

## 卷四十二

兵防志 塞防

二

城間逼近虜巢外則蘆塘爲此芻牧之場內則蘆溝爲其出沒熟道腹地屢遭荼毒當軸竊懷殷憂萬曆癸巳大司馬魏公具疏上請於蘆溝扼隘設堡砦屯戍卒爲折衝禦侮計方命下之日值西夏變故之秋越數年無有敢肩之者及少參鍾所劉公至甫月餘檢往牒見蘆溝建堡有議即親往閱其形勝度其工程毅然身任日以靖遠之兵食足靖遠之供億正遊二營軍馬歸回固原靈州二倉錢糧抵補何工不成何兵不足何事不饒劑量調停乃圖說於軍門李公撫臺呂公咸可其事於是鳩工聚財器使才能區畫周悉以提調則靖遠參將麻君濟邦以督工則原任參將鄧君鳳以分理庶務則千總薛君棟以收支糧饌則衛經歷張君澤始於萬曆丙申二月落成於是年八月因事呈能各奏膚功城垣高厚環堵有數樓臺濠塹有數重門闔闔有數公署祠宇有數倉廩營房率伍馬步有數井然有條炳然可述以百戶戴君鵬爲守備行都指揮事餘皆序功旌賞委千戶薄君崇古爲坐堡百戶吳君登福爲中軍分管堡務適觀厥成是堡之建也財不甚費民不甚勞功不日成兵不外徒食不外增一區畫間屹然爲腹地保障居民晏然噫嘻然則我公亦今之南仲營平也已今夏四月李君時節以守備來守茲土恐歲月之易邁致成功之無紀將取氏名爵秩工程財貨鐫堅珉與是堡相永久命中軍党君師尉坐堡王君性善俱來請紀爲之具道如此公諱兌字澤夫直隸新城人鍾所其別號云

蘆塘堡在靖遠縣北二百二十里黃河外新疆內城周二里本松

部著力禿牧地萬厯二十七年築新邊牆欄墩柵創建大小蘆塘  
二堡設參將屯兵千餘隘口二十一邊牆五十里小蘆塘堡在縣  
北二百一十里城周一百八十步北至邊牆三里隘口二邊牆二  
十里

平灘堡在靖遠縣西九十里明正統間建黃河自此入境城周一  
里三分舊為蘭州地萬厯五年改隸靖遠衛臨河踞勝四面天險  
東西沿河五十里俱無邊牆惟斬土石作坡坂而已

迭烈遜堡在靖遠縣北七十里明萬厯間築城周三百六十步有  
邊牆七十里初設巡司戍兵置船通涼莊路

董時彥詩落日蕭條木葉殘黃河一片挂  
嶺旣惟應明月關山滿轉向秋風鼓角寒左臂斷時通瀚  
海朔方城後屬樓蘭依然古戍三垂在不見嫖姚出塞難

徒城堡在靖遠縣北五十里有邊牆十里

哈思吉堡在靖遠縣北一百七十里明隆慶六年建城周一里三

甘肅新通志

卷四十一

兵防志 塞防

三

一面陡峻東連永安北達蘆塘控制要衝有隘口三無牆處斬坡邊  
三十里

沙古堆堡在靖遠縣北一百三十里明嘉靖四年建因山崖斬削  
而成城周一百六十丈有隘口二邊牆三十里

天廟堡在靖遠縣北一百五十里萬厯三年建城周一百七十六  
丈地接塔兒灣為永安堡門戶其哮囉溝馬尾溝羊房窩鋪西接  
劉家寺東連喜鵲溝榆樹峴皆險隘要害之地所管隘口七邊牆  
十里無牆處斬坡邊六十里

邊防要路靖遠境之路一自花馬池過邊由鎖黃川至打拉池青  
沙峴入安會自定邊乾溝梁家泉入鎖川一自塔兒灣乘冰渡河  
由鎖黃川入環固由青沙峴入安會一自迭烈遜老龍灣乘冰渡  
河由旱平川白崖子打拉池入安會一自煙洞口經營房灘入安

會一自哈思吉入一自三角城入

大通堡在河州北一百八十里河北面有邊牆自大通河至迭遜溝止長八十里

固原直隸州

邊牆舊通志固原州境邊隘北自下馬關左右剗剗險隘修築大邊東西長五百餘里明宏治十八年總督楊一清創修四十餘里唐龍接修四十里王瓊修一百三十里王憲繼修五十七里嘉靖十六年總督劉天和修乾溝乾澗六十餘里挑砦濠隄各一道謂之橫城大邊復自徐斌水迄鳴沙州黃河崖修一百二十五里增葺女牆甚險峻謂之梁家泉新邊總督張珩添修敵臺墩鋪防禦益固其境東接榆林西連甘肅北負甯夏延袤千有餘里守禦爲最急云

### 甘肅新通志

### 卷四十一

兵防志 塞防

四

徐斌水堡在固原州西安所北一百餘里舊邊在堡西南新邊在堡東北爲固原西路之要

邊牆在平遠縣東城外明宏治閒火篩及小王子常連兵入寇平固民不得耕作三邊總制楊一清創築邊牆唐龍王瓊踵成之袤五百餘里復設敵臺墩鋪虜遂不敢犯

涇州直隸州

涇州塞涇州志漢高帝與匈奴和親冒頓渡河南始以安定朝那爲塞唐張籍涇州塞詩行到涇州塞惟聞羌戍輦道邊雙古堠猶記向安西

佛空坪堡在鎮原縣西北宋慶厯中修築捍北邊戎馬來路

鞏昌府

邊防要路岷州熟番七十餘族生番一百七十餘族一路關惡占藏等族生番去城四百里由著古灘素子溝入至莫遮攔洮平諸

處一路刺答等十餘族生番由肚兒山溝入至紅崖寨板橋兒班哈等堡一路煙刺勿杓等族生番去城一百五十里由中寨駱駝巷大溝山後通本州西路鐵窠門等堡一路鐵占等七族生番去城一百餘里由馬葉倉鹿兒壩入至鹿兒壩等寨一路麻子川屬番甸引打喇等族生番自分水嶺通本州一路自西灣寨西通海東通臨鞏一路官洛惡藏等族屬番自著古灘鎖溝潛入爲盜

邊牆洮州自舊洮堡南峪口石崖起至答家閘門三十里答家至甘卜他閘門三十里甘卜他至官洛閘門十五里官洛至惡藏閘門十五里惡藏至土橋閘門六十里土橋至邊古塚七十餘里邊古塚至上八角山頂石墩河州交界三十里

邊防要路洮州一路自丹巴川由札竜三空至榨堵牆透官洛惡藏通本廳一路自九條嶺通本廳一路自馬蓮灘透馬旗堡入犯廳窺岷一路自黑石背透道接寺通岷州一路自搭連川透土門堡通臨洮一路自白松嶺大草灘大山口通臨洮皆極衝要

### 階州直隸州

邊防要路階州境番夷入寇者四路一自角弓峪通西和禮縣生番一自三岔口黃楊坪通木竹慈竹或至城下一自大石河入境其地平曠無險恣意出入一自大竹坪林壑險峻

邊防要塞西固境西寨平定黃水灣靖邊堽頭橫岩沙川南峪新興平羌兩河口殺賊橋消冰溝安家埭鹿川沙壩共十五寨最爲要害

邊防要路西固境一路自消冰溝通兩河口沙川寨等處一路山後坡平道兒等族生番自核桃坡通橫岩近郊一路自黃水灣錯落平透澗溪溝通平定寨等處一路自西坡寨有邊牆一道堵之

一路自柳壩通西禮階岷

邊防要路文縣境之路一自哈南寨入一自陽湯寨入一自松坪寨入一自東屯寨入東屯爲四路適中之地東望玉壘南鎮虎穴舊置守備於此

### 慶陽府

金湯峯在安化縣東北二百里宋范仲淹築北接榆林甯塞自此分路東南入延安西南入慶陽爲邊關要路慶陽東路入犯有三自清平鎮靖甯塞犯保安金湯第二將荔原以達慶陽自金湯分路東南犯延安洛川等處自走馬城定邊槐安五交業樂等鎮直達慶陽抵於涇邠要害爲最

### 甯夏府

西長城在甯夏境長四百一十一里起自靖遠蘆溝界池北接賀

## 甘肅新通志

### 卷四十二

兵防志 塞防

六

蘭山山地北接北長城至大河河池而南逾河而東有東長城至定邊界凡周一千一百七十里

北長城在甯夏境長三十里自西而東接黃河黃河一百三十里自北而南

東長城在甯夏境長三百六十里自橫城馬頭接延綏界

邊防要路按朔方志云夏之邊左河右山而鎮遠關鎖其交東西長城絡其端誠天險也明巡撫楊守禮疏略謂平虜城百七十里有鎮遠關在山河之交最爲要地南五里故有黑山營西沿山四十里有打磴口東西聯屬烽火嚴明賊難輕入宏治前饜缺卒通關營不守打磴口山水俱從此出竟致衝塌迹尙可考正德間大賊奔入或從旁乾關棗兒溝桃坡等口入或渡河而過雖有平虜城軍馬不足實難戰守以故於平虜城北十里許自山至沙湖築

城東西約五十里盡西又設臨山堡居人始敢樵牧

威鎮堡在平羅縣東北十五里城周一里明嘉靖九年築其東北邊牆一道有東西二閘門立市與夷人交易

清水營堡在靈州東北七十里北去邊牆閘門一里明正統開建城周二里隆慶五年設馬市於此

紅山堡在靈州東北六十五里北至邊牆閘門一里城周二里橫城堡在靈州東北七十里北至邊牆閘門一里城周二里舊設

兵戍守堡西三里即黃河渡處堡在河東岸即紅城子也出閘門三十里有夷漢市場

邊牆靈州境河東故牆自黃河背至花馬池長三百八十七里成化間巡撫余子俊奉築巡撫徐廷璋總兵范瑾贊成之河東新牆

自橫城至花馬池長三百六十里明趙時春重修邊牆記國家威制四夷巖岨封守而陝西屯四

甘肅新通志

卷四十二

兵防志

塞防

七

鎮強兵以控邊北虜花馬池尤為襟喉域其北而益之墉樓櫓臺燦鋪墩守哨之具星列棊布式罔不備成化以來其制漸渝點面乘利稍益破壞以便侵盜而大將率綺紈縱弁子莫或者禦朝議益少之始務遴臬將以功首級差相統制而巡撫都御史居中畫其計督監司主饋饌更請置總制陝西三邊軍務以上卿居之士衆知爵賞可力致則颯起而諸將奏功相繼虜頗懼伏北引矣嘉靖十年總制兵部尚書兼右都御史王公瓊始興復之虜尙屯結洞喝未克即敘時用唐公龍來代博采羣獻惟良是是凡厥邊保悉恢故制甯夏夾河西迤互數百里類垣塹池於崇於濬嘉靖十四年秋工乃告竣請給官費僅二萬兩役不踰數千人無敢勞怨行者如居掠斂用息是役也相其謀者則巡撫甯夏都御史楊公志學張公文魁繩其任者則巡按御史毛君鳳韶周君鐵督其事者則按察司僉事劉君恩譚君閻至於擁衛士衆遏絕軼突則總兵官都督王效威協共王役贊襄洪猷是用勒銘以永後範銘曰奠高墉兮縉紳維踞尊收兮環虬螭鎮狃貉兮伏猱獠揚威稜兮世承熙國朝楊芳燦詩野日荒城外邊牆入望遙風高原散馬雲迴塞盤離蒸土頽垣在沈沙折戟銷登臨無限感戰壘認前朝郭楷詩一帶縹垣峙維邊制四鄰黃沙今夜月白骨古時人飲馬窟猶在鳴才蹟已陳時清烽戍滅耕牧樂斯民俞訥詩斥壤烽煙靜沿壕長綠莎高臺躡健鶴荒蹟卧明駝地利宜耕牧邊垣息鎧戈驅車經廢堞懷古漫悲歌侯士驤詩古堞儼周遭黃雲補斷壕客心沈戎角邊日照征袍野闊牛羊小天空鷹隼高康時本無外設險笑徒勞秦崙源詩野霧冷冥冥斜陽下古亭客愁侵夜拆戍火亂秋星土銜眠難穩村醪醉易醒他年談舊事曾向



塞垣經 楊承憲詩縱目長城外黃雲幾萬層霜高秋試馬風勁客呼鷹自有四夷守休誇一障乘數聲邊角動平楚暮煙凝

西關門在中衛縣西四十里舊設驛於孤山長流水等處經行番部且二百里節使經臨屬國職貢過往信宿路由關門商旅亦接踵往來遂成孔道

塞垣中衛縣城地北邊牆一道自甯朔大壩交界起至西南越黃河抵蘆溝堡山沿長四百八十二里邊口二十九處一曰減井鬼關門南臨河岸北接沙山東距縣城三十里關門以西舊爲蒙古遊牧之所雍正七年巴里坤用兵自長流三塘至營盤池西安設塘驛遂成通涼莊皋蘭孔道又有井溝口曰木頭井曰大佛寺曰黃河外口曰崇慶口曰小關兒口曰大寺口曰靖湖口曰燕子窩口曰甯安口曰向陽口舊俱設防兵五名曰紅井口曰北城兒口曰水泉兒口曰石砌界口曰車往溝口曰鎮賊口曰三岔溝口各牆西北接壤蘭涼爲沿邊要路

西甯府

北石峽口在西甯縣北一百里有邊牆一道延二十里

關門在西甯縣西六十里頁峽關門八十里喇課關門縣西北六十五里小山峽關門縣西南五十五里小康纏關門六十里大康纏關門第四溝關門大班沙爾關門六十五里乾河關門縣東北一百二十里溪石峽關門縣南三十五里南川西關門四十里南川東關門五十里小班沙爾關門縣北七十三里北川西關門七十五里北川東關門

哈喇只溝在西甯縣東北七十里邊濠一道長五百丈明隆慶元年巡撫石茂華議督挑

甘肅新通志

卷四十二

兵防志 塞防

八

〔邊牆〕貴德廳境自暖泉溝至黃河岸止長八里中設閘門二明洪武七年建上閘門通暖泉腦一百二十里至巴失塘爲蒙番界下閘門通撒通山一百五十里至沙溝亦蒙番界俱撥兵駐防俱番戎住牧界連青海有戍樓

撒兒山口在碾伯縣東北六十里有邊牆延二十里

〔西閘門〕在大通縣東南三里又東閘門在東南六里俱極要隘涼州府

〔邊牆〕鎮番縣東邊牆自涼州高溝寨紅寺兒堡迤邐西北斜抵鎮番紅崖堡界西邊牆自永昌甯遠龔家等堡迤邐東北斜抵紅崖堡界紅崖堡其勢漸開至北邊則東西環接迤東自蔡旗堡許家溝抵青松堡楊洪莊計七十餘里自楊洪莊至中沙墩計四十里

甘肅新通志

卷四十二

兵防志 塞防

九

通長共一百一十餘里計一萬九千八百丈渣筏中邊一道自蔡旗堡俞家明沙東至河南閘門墩五十里自河南閘門墩至中沙墩計四十里通長共九十餘里計一萬六千二百丈又鎮番本川邊自河南閘門墩自東北隅紅寺兒墩計五十里自楊洪莊至西北隅城西北墩計四十里北邊一道計四十里南邊係涼州暨各堡寨往來大路

〔閘門〕上閘門在永昌縣北四十里又北五十里下閘門又北五十里中間門又東北一百二十里中口閘門皆出境外要口

〔邊牆〕永昌縣邊垣崖樅共一萬二千餘丈計六十餘里又西北二路紅羊圈古城窰並甯遠等堡皆沿邊境其間各隘實爲海夷遊牧番人出沒之地斬崖鑿塹表延迤邐一百八十里自古稱設險之地

〔邊牆〕古浪縣大靖北邊一道迤東五里接平番裴家營界迤西七十五里連土門堡界土門堡長邊一道東自黃沙坡分水嶺起接連大靖界西南至定甯寨界接連古浪汎地北至邊牆接連邊外〔邊牆〕平番縣邊牆東裴家營自阿壩界大沙溝起西至大靖界止共長二千四百四十二丈又阿壩東自紅水界起西至裴家營界止共長四千一百六十二丈南苦水灣東自白土坡峴界起西至新屯界止共長四十六里重牆二千三百五十二丈又重牆一道七百八十九丈紅城子東南自新屯兒界起西北至大沙溝止長五十三里山崖三千三百八十二丈重牆四道共長一千二百一十一丈邊濠長六千二百二十六丈西北武勝堡東南自漢屬郎起西北至大馬營溝界止長四十五里橫邊一道長一百八十七丈空口堡東自大馬營溝界起西至打柴溝界止長四十九里重牆一道長四百六十七丈邊濠一道長二千六百二十八丈鎮羌堡東南自打柴溝界起西北至烏稍嶺界止長四十一里沿邊濠一道長三千八百七丈東自上古城舊邊起西至雪山腳東西兩段共長一千六百一十丈沙井堡東自安甯堡鹹水溝界起西至苦水白土坡界止邊牆共長一千七百三十丈山崖濠塹共長四千四百一十四丈隨邊閘門二座重牆六百三十四丈邊牆平番縣之西大通境邊牆東北自雙墩子界起西至冰溝界止長六十里邊濠九百二十五丈隨濠牆長八十丈濠崖一道長一百二十丈

甘州府

〔邊牆〕舊通志甘州府城西北東南四路板橋堡起至明沙堡止邊牆濠榨二千八百一十二丈計一十五里二百二十四步明都御

史廖逢節題修

古張掖塞在撫彝廳城北三十里羊臺口走龍荒道也

古居延塞在山丹縣西北二十五里龍首山口晉三門關明鐵門

關之北口內走龍荒大道亦通涼州甯夏陶葆廉辛卯侍行記云漢張掖郡之居延縣世

皆謂在甘州西北千五百里亦集乃地蓋據元史亦集乃路有居延故城之說也竊嘗疑之漢武闢河西自姑臧至敦煌僅一千八

百餘里已設四郡三十餘縣張掖一郡何以有千餘里外之屬縣况張掖之北為匈奴温偶駱王地成帝時王根使人求之不得漢

武關境未踰合黎山所得焉支祁連匈奴已累歲來爭詎能設縣於更北千數百里之亦集乃乎可疑一史記匈奴傳驃騎將軍過

居延索隱引韋昭曰張掖縣衛將軍傳踰居延遂過小月氏攻祁連山漢書霍去病傳濟居延遂臻小月氏攻祁連山揚武于躒得

接小月氏躒得祁連皆張掖地尋釋史漢原文居延縣應在張掖郡城東若謂在亦集乃則漢兵豈深入西北繞向東南乎可疑二

亦集乃即今額濟納當甘州西北肅州正北使居延縣在彼實足屏蔽張掖酒泉二郡乃太初三年路博德築居延是年匈奴即入

張掖酒泉可知居延塞不在郡西北路博德終身屯居延漢武用法嚴峻城居屯為二郡門戶而縱寇深入有不罹法網者乎可疑

三地里志驪得有羌谷水東北至居延武帝紀注云居延匈奴地名張掖之居延縣以安置所獲居延人而置據此則匈奴有居延

甘肅通志

卷四十二

兵防志 塞防

十一

地漢創居延縣二者本別後漢書明帝紀注居延縣在今張掖東北更為確證甘州府志山丹西北二十五里龍頭山北有居延古城等蓋即路博德所築也後漢匈奴衰弱安帝置居延屬國別領一城此時始擴地於合黎山北獻帝建安末曹操立西海郡設居延縣於彼是前漢居延縣及塞距邊牆不遠後漢居延縣則在亦集乃論者混以為一無惑乎稽古之多濬也

玉泉口在山丹縣東北一百十里又縣東北一百二十里木槽兒

口一百八十里圍湖兒口北三十里靈羊山口獨峰山口青山口

北六十里刺答口一百八十里雞關小口三百里青苔泉口西北

二十里白土口二十五里龍頭山口三十里白路兒山口及大口

子明嘉靖二十七年巡撫楊博自玉泉口至大口子皆築牆浚壕

秦邊紀略云山丹大口子在城東北一百三十里連山忽斷大道中通車轍馬迹直走朔漠山丹縣志云距城六十里有寺溝口即

秦邊紀略山丹大口子按此與舊志距離里數互異附以備考

邊防舊通志山丹縣東路教場起古城窰界碑止邊濠崖柁疊水

石梯疊木一萬九千九百九十五丈計一百一十一里三十步明

廖逢節題修

肅州直隸州

邊牆舊通志明都御史廖逢節題修肅州東南西北四路嘉峪關

起鎮夷止邊牆崖樅一萬三千六百三十丈計七十五里二百六

十步

按東華錄所載邊牆地連三邊不專指一處然亦不能分載各處謹附見於此東華錄康熙三十三年春正月乙丑九

卿議覆四川陝西總督佛倫奏臣奉旨查閱三邊查陝西自肅

鎮嘉峪關北邊以至甯夏賀蘭山起處俱係土築邊牆自賀蘭山

之勝金關起至賀蘭山盡之平羅營原無邊牆以山為界自平羅

營以至延綏漢地之黃甫川亦係土築邊牆至於甘肅涼莊一帶

南山原無邊牆俱係剷山掘壕為陡崖作界其間陡崖壕塹甚多

殘缺又肅甘涼等處南山及甯夏之賀蘭山隘口原有石壘木樅

堵塞年久倒廢人可越度又西甯鎮汎之西石峽鎮海西川一帶

原有邊牆南山直抵河州北山直抵莊浪原無邊牆皆係剷山為

界亦有年久倒頽可以越度者或平坦無迹者三邊牆垣歷年久

遠坍塌已多若不亟為修理必致倒廢但邊牆遙遠不能剋期修

理勒限完工請於明年漸次修補令提鎮及專城之副將遊擊等

量給步戰守兵工食督其修理各隘口應堵石壘木樅之處亦令

提鎮等酌量堵塞其倒壞邊牆

沙淤壕塹應令兵丁修挖從之

甘肅新通志

卷四十一

兵防志 塞防

十二

臨水堡在肅州東北四十里明置土城三百六十丈並置臨水驛

於此今略合河口在堡西北去州三十五里即討來川紅水二河

合流處明宏治中創築邊牆東西延三十里歲久頽壞嘉靖二十

三年重修又接築二里許

邊牆在肅州之金塔城外圍繞如環周三十里

九壩堡在高臺縣西北四十里西至胭脂堡二十里南至黑水一

里北至邊牆二里又縣西北十里曰七壩堡二十五里曰八壩堡

東北十里曰六壩堡十八里曰五壩堡又縣北十里曰鶯窩山口

掃帚溝口十五里石關口破煙墩口二十里紅山口三十里老鴉

泉五十里雙尖山口一百二十里水窰山口明嘉靖二十六年巡

撫楊博修築六壩至九壩邊牆

按採訪八壩九壩二堡今屬撫彝

沙盤堡在高臺縣西北八十里明初置在黑河北平川土城周三

百丈分管邊牆長十五里萬曆十八年設防

胭脂堡在高臺縣西北六十里明置在黑河北平川土城周二百四十丈分管邊牆自張家灣起至沙盤墩長二十五里邊外賊來由水頭二處沙井子去邊八十里大黃山去邊一百二十里俱通兀魯乃湖狼心山諸處

鎮夷堡在高臺縣西北一百二十里明置土城周四里三分分管土邊牆長六十里山濠長八十里邊外賊來水頭四處距城三百五十里哨馬營五百里狼心山八百里兀魯乃湖一千里亦集乃湖俱套虜往來要路

邊牆舊通志明都御史廖逢節題修東西二路板橋堡起鎮夷峽止邊牆岸榨一千八百八十四丈鎮夷東路濠頭塘長城頭起黑河西岸止邊牆濠榨五千一百七十四丈共六千六百五十八丈

### 甘肅新通志

### 卷四十二

兵防志 塞防

三

合計三十六里三百五十六步

安西直隸州

邊牆頭墩在安西州之柳溝衛北五十里

紅泉口在玉門縣東南套部由此至嘉峪關南長城盡處出沒

### 附蒙部

蒙古爲元裔明中葉徙漠南者爲內蒙古留漠北者爲外蒙古環青海居者爲青海蒙古賀蘭山之陰爲阿拉善其額濟納部亦外蒙古也

國朝平定青海區蒙古爲二十九旗以黃河爲界河北二十五旗河南四旗而河南蒙古與野番錯處地狹人衆數被擾掠嘉慶九年移察漢諾們罕一旗住河北沙拉圖空地諾們罕者舊住河南貴德之大喇嘛不統於各旗者也乃甸番搶攘至各旗不遑安處內

徙邊境道光初仍逐回貴德原牧各旗亦漸復舊地焉其簡稽軍實巡視邊防則青海大臣經理之其互市置於丹噶爾其朝覲貢道由西甯分爲三班

國家每有戎事亦屬橐前驅以捍衛內地然今則戶口凋零民弱財蹙有不克自保之勢惟阿拉善以鹽池美利稱富強云至於統治之制則札薩克者其旗長也政權財權胥歸掌握佐理旗務者爲協理臺吉分掌旗務者爲管理章京爲副章京爲參領爲佐領佐領掌耕牧戶籍所謂親民官也其下則驍騎校也茲考其

賜牧封爵之由來疆理之毗連凡界在甘肅邊境者青海阿拉善以及額濟納鄂爾多斯並著於篇而哈密土魯番諸旗附之

### 青海蒙古

和碩特部二十一旗系出元太祖弟哈布圖哈爾薩十七世孫博

貝密爾咱始稱額魯特汗其孫曰顧實汗與土爾扈特同時投誠遊牧在西甯洮岷西邊外及四川松潘之北雍正三年設二十旗乾隆十一年增設一旗

西前旗札薩克親王品級多羅郡王游牧東至烏圖起爾沙托羅蓋接北末旗界南至希拉庫圖爾接玉樹番界西至察漢烏蘇呼魯恭納接班禪額爾德尼商上堪布住牧界北至布哈河邊納合希楞接甘州府邊外界

前頭旗札薩克多羅郡王游牧東至拉布楞希拉德布沙接南右翼中旗界南至和托果爾希里克接土爾扈特南前旗界西至巴爾鄂博巴彥烏拉接南左翼中旗界北至額爾德尼布拉克烏魯勒卜達巴接貴德廳界

前左翼頭旗札薩克多羅郡王游牧東至阿布達賴臺接西右翼

前旗界南至固爾班他拉之北沙拉圖接北右翼旗暨東上旗界  
西至齊擦擦呢布楚勒接甘州府邊外界北至巴彥布拉克接涼  
州府邊外界

西後旗札薩克多羅貝勒游牧東至希勒鹽海子查漢托羅蓋接  
南左翼次旗暨達賴喇嘛商上堪布住牧界南至合約爾巴爾吉  
接土爾扈特中旗界西至布隆吉爾河源接左翼後旗界北至果  
庫圖爾接喀爾喀南右翼旗界

北右翼旗札薩克固山貝子游牧東至沙拉哈吉爾接東上旗界  
南至庫克諾爾齊津接綽羅斯南右翼頭旗界西至吹吉烏立圖  
阿拉爾接綽羅斯北中旗界北至烏蘭和碩接前左翼頭旗界  
北左翼旗札薩克固山貝子游牧東至哈喇諾爾接北右末旗界  
南至科爾魯克接西右翼中旗界西至窩果圖爾接嘉峪關界北

甘肅新通志

卷四十二

兵防志 附蒙部

五

至依克柴達木接肅州邊外界

南左翼後旗札薩克輔國公游牧東至吉噶素臺鄂蘭布拉克接  
喀爾喀南右翼旗界南至和洛海接土爾扈特南中旗界西至布  
都克圖烏蘭和碩接北末旗界北至青海界

北前旗札薩克輔國公游牧東至科依特托羅蓋接南左翼後旗  
暨綽羅斯北中旗界南至柴吉希巴立太接南左翼後旗界西至  
車吉接北末旗界北至哈達圖接甘州府邊外界

南右翼後旗札薩克輔國公游牧東至賀爾接西甯府邊外界南  
至哈沙兔接南右翼末旗界西至哈拉素布魯漢接東上旗界北  
至庫克諾爾接前左翼頭旗界暨西右翼

旗界

西右翼中旗札薩克一等臺吉游牧東至木罕河接西右後旗  
界南至諾木罕木魯接玉樹番界西至陶賴接嘉峪關界北至希



勒沿接北左翼旗界

西右翼前旗札薩克一等臺吉游牧東至察漢阿爾吉永安接西甯府大通縣界南至約呼賴口接南左翼末旗界西至柴達木察漢巴彥托羅蓋接前左翼頭旗界北至希立永安接涼州府邊外界

南右翼中旗札薩克一等臺吉游牧東至庫克烏松接循化廳界南至齊格特尼諾爾接土扈特南前旗界西至僧格圖木齊接南左翼中旗界北至庫克烏松山接貴德廳界

南左翼中旗札薩克一等臺吉游牧東至巴漢圖魯根接前頭旗界南至阿爾坦果爾接阿里克番界西至依克圖魯根接阿里克番界北至巴漢圖魯根接察漢諾們罕游牧界

北左末旗札薩克一等臺吉游牧東至柴吉齊沁接北前旗界南至鹽海接玉樹番界西至哈唐和碩接西前旗界北至和特克接甘州府邊外界

甘肅新通志

卷四十二

兵防志 附蒙部

六

北右末旗札薩克一等臺吉游牧東至色爾柯克達巴接甘州府邊外界南至察漢札羅蓋接西左翼後旗界西至薩爾魯克接北左翼旗界北至庫爾魯克接肅州邊外界

東上旗札薩克一等臺吉游牧東至阿拉賴達巴木魯接南右翼後旗界南至柴吉接綽羅斯南右翼頭旗界西至青海界北至烏爾肯希巴立臺接前左翼頭旗界

南左翼次旗札薩克一等臺吉游牧東至沙拉圖接達賴喇嘛商上堪布住牧界南至海達克接土爾扈特南中旗界西至力孫山鄂昔齊接西後旗界北至烏蘭墨爾河接綽羅斯南右翼頭旗界左翼末旗札薩克一等臺吉游牧東至襄吉立圖巴爾布哈接西

甯府丹噶爾界南至圖祿根河接輝特南旗界西至哈克圖北山木魯接東上旗界北至哈克圖河接西右翼前旗界

南右翼末旗札薩克一等臺吉游牧東至窩蘭布拉克接輝特南旗界南至黃河舒爾古勒渡口接察漢諾們罕游牧界西至希拉

珠爾格西山木魯接達賴喇嘛商上堪布住牧界北至巴彥布拉克接南右翼後旗界

西右翼後旗札薩克一等臺吉游牧東至希昔接西左翼後旗界南至諾們罕木魯接玉樹番界西至烏拉斯臺接西右翼中旗界

北至柴達木接北左翼旗暨北右末旗界西左翼後旗札薩克一等臺吉游牧東至巴彥托羅蓋接班禪額

爾德尼商上堪布住牧界南至桑托羅蓋接玉樹番界西至烏爾圖接西右翼後旗界北至瑪尼圖沙納圖接北右末旗界

# 甘肅新通志

## 卷四十二

兵防志 附蒙部

七

綏服蒙古記青海古西海郡在西甯府三百餘里其水周七百餘里羣山繞之瀦而不流蒙古語曰庫克淖爾又謂之察漢托羅海環海居者皆番族分左右二境下界海岸上界湟水其地西回疆南衛藏北玉關表延二千餘里至京師五千餘里本漢時鮮水諸羌也唐以前為吐谷渾唐末並入吐番於是崇佛成俗始隸於衛藏明置西甯河州諸衛領以番酋授以國師禪師之號不相統屬以渙其勢其後一並於套酋俺答再並於厄魯特固始汗於是始變為蒙古和碩特者舊本四厄魯特之一也準噶爾治伊犁杜爾伯特治額爾齊斯河土爾扈特治雅爾和碩特自烏魯木齊徙治青海然青海分部而處亦雜有四厄魯特之衆惟和碩特設札薩克二十有一為元太祖弟哈薩爾之裔與內札薩克科爾沁等八部同族十九傳至明末固始汗自西域入據青海分部衆為二翼子十人領之除分附察哈爾一旗及分牧阿拉善山一旗外餘入家皆為青海和碩特蒙古其土爾扈特四旗準噶爾綽羅斯二旗輝特一旗則出元太師脫歡之後分牧西域國朝始置其降衆於青海惟杜爾伯特十四旗留科布多之東不居青海又有喀爾喀一旗大喇嘛察漢諾們汗一旗雖居青海而同牧別族其餘則統稱曰厄魯特云我太宗崇德中固始汗強盛擊敗唐古特藏巴汗遣使自塞外通貢並請發帑存問達賴喇嘛順治初又導達賴喇嘛入覲詔封遵文行義敏慧固始汗賜金册印弓矢甲冑順治十三年卒是為國朝通青海之始亦為青海厄魯特之始康熙五年青海各部蠡屯祁連山縱牧內地大草灘聲言將入寇河州臨洮西甯鞏昌涼州諸地提督張勇請自扁都口西水關至嘉峪關築邊牆以限內外六年復將入寇至十四年為王輔臣

所煽復犯河西皆奉達賴喇嘛諭而止獻駝馬牛羊謝罪出塞蓋於中國尚僅羈縻也十六年準部噶爾丹襲殺西套鄂齊圖汗青海和碩特諸臺吉懼挈帳數千避居大草灘漸為內附之始十七年噶爾丹將侵青海懼中國甘肅關外兵斷其後乃遣密使與諸臺吉議婚欲使貳中國而歸己二十九年大軍敗噶爾丹於烏蘭布通青海諸臺吉附達賴喇嘛表上尊號御之三十五年親征噶爾丹獲青海通噶爾丹使遣使宣諭諸部集盟於察罕托羅海告以鄂齊圖汗世仇約共禽噶爾丹時有善巴陵堪布蓋達賴所遣理青海蒙古事務者也與諸臺吉等集盟壇尋約青海和碩特八臺吉遣使賀捷三十六年春上視師甯夏命額駙阿刺布坦等宣諭青海青海諸臺吉約四月朝行在諸寺喇嘛通事咸請從私向使者問獅象狀且相謂我部初朝天子殆必獲見所未見額駙歸奏其情乃令秋後入覲京師十月大閱玉泉山陳軍容以示之詔封固始汗子達什巴圖為和碩親王餘授貝勒貝子公爵有差羣以緩服青海全部請上尊號不許自後青海始為近藩時策妄那布坦將圖西藏惡諸臺吉內附詭請討青海前助噶爾丹罪詔斥之三十九年唐古特拉藏汗襲殺弟巴與青海蒙古爭立達賴喇嘛各執一是互訐奏未定適報準部兵侵青海掠駝馬詔西安兵會青海左翼四川兵會青海右翼嚴備並集諸臺吉定盟而策妄那布坦兵已襲西藏察罕丹津謀誘其兵至青海迎擊之賊不敢至五十六年撫遠大將軍皇十四子允禩統兵西甯集兩翼王公臺吉宣諭各率所部送裏塘達賴喇嘛入藏五十九年蒙古兵從大軍大敗準噶爾於西藏新達賴登位詔留兵二千屯青海以備準夷及雍正元年王師平羅卜藏丹

甘肅新通志

卷四十二

兵防志 附蒙部

六

津之叛於是令土爾扈特綽羅斯特旗輝特旗喀爾喀旗察罕諾們喇嘛旗皆各自為部不得復屬和碩特藉以分厄魯特之勢又不設盟長以西甯辦事大臣蒞盟自後青海始同內地漸削弱矣而野番特強今日蒙古之畏野番猶昔日回民之畏厄魯特而青海之邊防又一大變

綽羅斯部二旗本準噶爾之姓出元臣孛罕後乾隆十九年平定

準部其族遂微存者仍牧青海雍正三年設

南右翼頭旗札薩克多羅貝勒游牧東至博爾巴齊他爾查漢鄂

博哈拉烏素接西甯府邊外界南至古爾半他拉恭噶諾爾接和

碩特南左翼次旗界西至窩爾登諾爾依科察漢哈達接喀爾喀

南右翼旗界北至青海界

北中旗札薩克固山貝子游牧東至吉爾瑪爾臺接和碩特北右

翼旗界南至布喀和碩特北前旗界西至希爾喀洛薩接和碩特

北右末旗界北至吉爾瑪爾臺接甘州府邊外界

〔土爾扈特部四旗〕爲元臣翁罕裔在黃河西岸雍正三年設

南後旗札薩克一等臺吉游牧東至莫古立源接南中旗界南至  
恭阿爾吉接西旗界西至庫克烏松木魯接班禪額爾德尼商上  
堪布住牧界北至登納吉爾呢接和碩特南左翼後旗界

南中旗札薩克一等臺吉游牧東至庫果圖爾接和碩特南左翼  
次旗界南至果庫兔爾山木庫爾接西旗界西至庫克烏松接南  
後旗界北至衮阿爾吉接喀爾喀南右翼旗界

西旗札薩克一等臺吉游牧東至衮阿爾吉接察漢諾們罕游牧  
界南至黃河接阿里克番界西至哈爾古爾希立接阿里克番界  
北至庫克烏蘇唐素楞接南後旗界

南前旗札薩克一等臺吉游牧東至古魯半博爾齊沙拉圖接和  
碩特南右翼中旗界南至黃河接阿里克番界西至宗科爾接和

甘肅新通志

卷四十二

兵防志 附蒙部

九

碩特南右翼中旗界北至哈克圖接和碩特前頭旗界

〔輝特部一旗〕姓伊克明安系出納木占附牧青海雍正三年設

南旗札薩克輔國公游牧東至巴彥諾爾東山木魯接西甯府界  
南至窩爾布拉克僧里鄂博哈立噶圖接和碩特前頭旗界西至  
博爾楚爾哈立噶圖接和碩特南右翼末旗界北至納蘭薩爾接  
和碩特南左翼末旗界

〔喀爾喀部一旗〕系出元太祖十六世孫格呼森札札賚爾璽臺吉  
在青海南岸雍正三年設

南右翼旗札薩克一等臺吉游牧東至察漢哈達接綽羅斯南右  
翼頭旗界南至南山木魯接和碩特西後旗界西至鄂爾布拉克  
接和碩特南左翼後旗界北至青海界 以上青海蒙古二十九  
旗自爲一盟牧地東至甘肅河州界西至西藏界南至四川界北

至甘肅安西州界延袤二千餘里

那彥成奏各旗蒙古全數出口請賞口糧疏竊查青海札薩克

蒙古住居河北者二十四旗與河南番族本係世仇而各札薩克王公臺吉等任性貪殘不恤其下因而導引野番搶掠其主又有內地奸民從而勾結教誘以致蒙番夥結擾及沿邊一帶是欲斷蒙番之內綫必先懲辦漢奸而欲禁野番北渡必先清查蒙古苟蒙古中無通番作賊之人則守望相助緩急可恃何至任聽番帳北移肆行蹂躪臣等仰承 聖訓先將漢奸巨盜麻木溝趙牙信等查拿淨盡察漢諾爾罕亦皆驅逐過河河北大患已除此時各蒙古欣喜感戴紛紛向口外遷移惟查各旗蒙古帳房內藏匿漢奸事所不免日後又復教引仍非長久之計因分派營員逐戶細查卽據搜出漢奸王潤月等六名已分別照例懲辦至拿獲蒙古賊犯問擬死罪者十九名遣徒者五名交旗鞭責管束者六十六名審明釋放者三十二名俱已分別奏咨擬結尙未審定者十三名現飭委員作速審辦惟各案未獲蒙古賊犯尙有三十餘名已嚴飭札薩克王公臺吉等按名擒獻乃日久未據獲送 臣等覆查該札薩克虐使屬下以致勾引野番渡河搶劫屢煩天兵爲之驅剿現在河北肅清野番等尙知感懼獻出所搶婦女馬匹及藏匿裏脅之漢奸蒙古多人而各案審出蒙古賊犯屢飭該札薩克捆獻猶復意存袒護延宕不交是野番尙有悔罪之心而蒙古轉無向化之實且自 本朝定鼎以來野番不過狗偷鼠竊未敢明目犯地界而蒙古羅卜藏丹津於雍正年間侵陵各部落兼并猖狂上煩 天討若不乘此時嚴加約束使之真知畏法則數年之後休養生息勢稍強盛偏弱偏強又難必其安靜臣等分飭將弁前往

甘肅新通志

卷四十二

兵防志 附蒙部

三

各旗將逸犯名字開單坐索責令擒獻現據丹木札等旗獻出賊犯曲古等七名餘俱呈遞限狀勒緝送交雖不能盡數成擒一無漏網而各屬下蒙古咸知一經作賊卽可指名坐索擒拿庶足以生其畏懼之心至各該旗近年以來因被野番搶劫紛紛避入內地其在口外者亦俱附近卡倫藉資倚庇現在野番掃數回巢蒙古自應各回牧界未便容留內地前已飭令沿邊營縣曉諭各蒙古遷移出口無任逗留其貧窮乞食者賞給炒麵俸資果腹仍俟天氣漸融酌賞行糧押送出口月餘以來節據肅州山丹張掖東樂永昌平番西甯大通永安文武官員將寄居內地蒙古查明戶口共一萬二千餘人業已陸續押送出口其貧窮無力者另册稟報共四千三百餘人亦經散給口食行糧各歸牧地正在查辦間有郡王車靈端多布等二十四旗札薩克前來西甯面見臣等口稱我等屬下被野番搶劫避入內地現得仰仗 天威斷絕口糧查拿漢奸業經野番盡行驅逐過河我們得以各安游牧又蒙念及貧窮蒙古賞給口食行糧恩施至重但是這些貧窮蒙古錮帳牲畜俱無蒙賞行糧不過餬口十餘日此後仍難度命且住在口內之貧窮蒙古雖蒙賞賜口外似此者仍復不少我們各旗約略計算共約有數萬人俱屬嗷嗷待哺我們愧無力量不能惠濟屬下只求轉奏 大皇帝賞借銀數萬兩以爲賑卹之用仍在我們應領俸銀內分年扣還卽是恩典等語臣等以青海各旗蒙古自來未曾格外出力而亦從無賞借撫卹銀兩坐扣俸銀之例當卽面加駁斥惟該札薩克所稱口外蒙古貧窮情形細加察訪均皆屬實若不量示撫綏則該貧窮蒙古數萬餘人悉成餓殍伏思作賊之蒙古法所必懲而被害之蒙古則情猶可憫惟 朝廷之恩

威並用斯遠人之感懼交孚檢查嘉慶五年舊案有前任西甯辦事大臣臺布因蒙古被野番搶劫查有貧窮無力者六百餘人奏蒙 聖恩動用甘省帑銀五萬兩西甯倉糧二千石分給貧窮蒙古為產畜口食之資現在蒙古被搶既久貧窮愈甚人戶數日較嘉慶五年間不啻倍蓰臣等再四籌商若賞給銀兩不獨為數不貲且蒙古王公等一聞賞銀必先捏報戶口以有力為無力 國恩既不可倖邀經帑亦不可濫費查甘肅沿邊州縣倉儲青稞多者十餘萬石少亦數萬石每石例價不過五錢除出借籽糧口糧外不能搭放兵糧似此倉儲甚多日久霉變將來總歸於減價難賣臣等愚昧之見可否仰求 皇上天恩賞給貧窮蒙古青稞三萬石以為賑卹之用如蒙 聖慈俞允臣等一面行文各旗札薩克王公臺吉令將貧窮蒙古據實冊報委員復查發給賑票一面酌量沿邊附近州縣將倉儲青稞運至卡倫設廠放領運腳廠費及陸續散放炒麵均核實支銷所有貧窮蒙古大口酌給青稞一石小口酌給給青稞五斗並派署西甯道屠之申及副參大員即在卡倫監放臣那彥成一俟河南番戶查清即趕回省城辦理奏銷秋審臣武隆阿至時親往稽查不敢遺濫倘有盈餘青稞仍歸倉存儲如此辦理則該蒙古等既無虞枵腹且一家數口日食所餘亦可向有力蒙古易換羊隻孳生繁息俾數萬羣黎均沾聖澤得以鼓腹含哺於光天化日之下而亦不致多糜帑項致有捏冒諸弊

大喇嘛察漢諾們罕一旗住牧貴德黃河南岸所屬蒙古分四佐

甘肅新通志

卷四十二

兵防志 附蒙部

三

領不屬各旗即令喇嘛轄之其封爵朝貢隸理藩院典屬司及柔

遠司附那彥成奏野番全數渡河及編查保甲酌將河南四旗蒙

番衆掃數渡河回巢當將河北肅清並酌移河南四旗蒙古以實

河北曠土各緣由會同西甯大臣松廷奏明在案道光三年正月

十五日准軍機大臣字寄奉 上諭那彥成等奏河北野番及察

漢諾們罕全數回巢並酌移河南四旗蒙古各一摺青海黃河以

北屢經番族佔踞察漢諾們罕一旗復向結漢奸夥同搶掠經那

彥成等設卡防堵斷絕糧茶並訪獲漢奸巨盜及偷挖金沙各犯

分別懲治現據察漢諾們罕稽顙乞命所屬蒙番全數押回河南

貴德原牧各旗野番勢已窮蹙自可寬其一綫惟河北不可復留

野番一人使漢奸蒙古無可假借方為正本清源之道其將該番

族比照玉樹番子之例立定貢馬章程於約束之中仍寓羈縻之

意著即妥議章程具奏至另摺奏河南四旗蒙古札薩克郡王達

什仲鼐等較河北各旗稍為富強因屢被野番賀爾族侵掠不遑

安處請遷居河北助勒蓋一帶等語該四旗蒙古游牧河南已久

此時若令移居河北是先示番賊以弱如移駐後該蒙古不能自

固藩籬或番賊復行渡河搶掠仍恐不能相安此事務當籌畫萬

全不可輕易更張致將來又滋流弊等因欽此仰見 皇上至聖

至仁無微不至於整飭邊務之中寓綏柔遠人之意跪讀之下曷

勝欽佩 臣等連日嚴催循貴文武委員將回巢之察漢諾們罕屬

下及野番各旗逐細編查並將請票易糧章程寫成番字告示給

散於編查後准其請票易買糧茶若有青海蒙古濶至河南者即

爲分出仍押交青海各旗札薩克具領節據該委員等稟稱該諾們罕屬下及野番各族由各渡口踰水渡河實在不下二萬人牛羊駝馬以億萬計循貴河濱三百餘里番帳相望該委員等自十一月中旬逐一清查戶數人按照奏定章程分立千戶百戶百總什總實緣該番族自知犯法於無人處所偷渡散漫山中迄今一月之久查辦甫及五六分於該諾們罕旗下及野番內已查出隨同住坐並被搶之蒙古共一百餘戶又阿里克番子二十三戶均分交青海各旗及阿里克百戶收領正在編查聞有野番汪什代克族頭人凝卡塔爾稟稱伊屬下人等會同漢奸搶得肅州馬廠官馬八十二匹伊恐被官兵查出致干重罪情願獻出又續據蘊德族頭人瓦落獻出歷次搶竊官馬七匹又其屬下番子獻出搶過客商馬三十餘匹又阿楚克族番子獻出搶過堪布貨物又汪什代克族頭人才夫且加獻出擄搶丹噶爾熟番婦人哈莫一口並據兵役於番地內查出漢奸馬得林馬尕漢等二名現均分別解到西甯傳齊肅州牧弁等及各事主認領其漢奸二名照例究辦並據該委員等將回巢各族著名頭人羣本末等二十八名先後帶至西甯謁見臣等宣揚皇上德威貸其重罪即將渡口交各該番頭目責令看守毋得縱放其族內匪徒復渡河北滋事該番等叩頭悔罪情願把守渡口自贖並照玉樹番子之例每歲納馬永爲盛世良番其畏服情形似屬出於至誠臣等因該番等均係有罪之人雖荷天恩寬貸若遽與河南千百戶等一律賞給頂戴未免過優是以止令承充戶總並未賞給頂戴亦未另予賞號俟看守渡口一二年後如果野番絕迹再行賞給頂戴該番等但求速得糧茶度命亦不敢再望賞號均各祇遵回巢

甘肅新通志

卷四十二

兵防志 附蒙部

三

臣等當派勤幹將備分往河北各路探查據稟僉稱並未見有番帳河北實已肅清惟回巢各番散處河濱誠恐該委員等查辦或有遺漏外錯復專派西甯鎮總兵穆蘭岱前往督辦並酌定貢馬守渡各章程事事期於切實周妥萬不敢粉飾草率敷衍目前自河北六旗蒙古退出牧地手有餘里鄰近河濱水草極盛爲番族日夜覬覦之地欲議防禦非屯田及移營不可於斯二者約略估計均需帑金數百萬 國家經費有常何敢冒昧請行前次爲萬不得已之計奏請河南郡王達什仲鼐等四旗蒙古移住河北以實曠土原不能責成其防堵野番不使潛渡但此曠土沃壤得四旗分處其間如有野番渡河該郡王等亦可報知營汛隨時驅逐且該郡王等在河南日與番族相仇以非樂土是以奏請遷移茲荷 聖明指示計及長久實非臣等愚淺思慮所及應欽遵 諭旨仍守舊章令該郡王等毋庸遷移以示撫綏臣等再四熟籌欲防野番不渡河北必先嚴查河南總在地方文武勿怠勿率實力稽查事事從實時時加謹乃得行之河久應請嗣後責成西甯鎮道於春秋二季輪往循貴點驗門戶總嚴追下落倘係潛渡河北卽詢明住坐所在飛報西甯大臣總督兩衙門嚴切辦理立往擒拿但得實力奉行不怠不欺庶不致漫無稽考復致多人偷渡謹將現在編查番族並遵 旨籌議緣由恭摺具奏 再臣查青海各旗蒙古近年以來因被野番等搶掠紛紛避入內地臣等分飭沿邊營縣確查戶口食俟春融後交各該旗具領仍令各卡將弁於窮無力者酌賞口食俟春融後交各該旗具領仍令各卡將弁於蒙古出口時點查人數稟報節據西甯甘涼各營員等稟稱內地住坐蒙古不下二萬餘人其貧窮無依者尚不過十之一二各屬

雖設有粥廠而該蒙古等不慣食粥已酌給炒麵以資果腹俟出口時再爲加賞行糧復向各蒙古等宣諭令其出口據該蒙古等僉稱我們因避野番搶劫移至內地蒙大皇帝不加驅逐今又大人們來懲辦野番斷絕糧茶又爲我們等盡漢奸自上年十月以後我們各旗蒙古從無被搶之事今野番等受餓不過俱已渡河回巢我們從此可以各安游牧實在感激情願即日搬移出口等語現據各卡逐日稟報每日出口蒙古自數百人至千餘人不等大約二月初旬連貧窮蒙古可以掃數出口俟野番戶口清查後亦將各旗蒙古戶口清查不使容留漢奸所有曾經搶劫行強之蒙古亦均令其按名交出蒙古內不留一漢奸不留一作賊之人方爲完善儘臣等愚淺智慮所及實力辦理邊務所關愈至末局愈加慎重萬不敢稍有草率欺飾理合附片奏聞

### 阿拉善蒙古

額魯特部一旗亦哈布圖哈薩爾裔也駐河套西博羅冲奇克地方康熙三十六年封巴圖爾額爾克爲多羅貝勒後其子阿寶晉封郡王孫羅卜藏多爾濟仍襲貝勒乾隆二十三年以功封爵封多羅郡王三十年晉封親王世襲掌本旗札薩克其牧地東至賀蘭山與甯夏府邊外接界南與涼州府甘州府邊外地接界西至

## 甘肅新通志

### 卷四十二

兵防志 附蒙部

三

古爾爾與額濟納土爾扈特旗接界北至瀚海與額爾喀札薩克

圖汗部接界

附魏源 國朝綏服蒙古記 賀蘭山厄魯特者俗所稱阿拉善蒙古也阿拉山即賀蘭山亦名阿拉善

山皆語音之轉地在河套以西東甯夏西甘州南涼州北瀚海袤延七百餘里至京師五千里山陽爲內地山陰爲蒙古游牧漢北地武威張掖三郡西北境爲唐吐番宋西夏明爲邊外地國初厄魯特種類蕃盛分牧套西者謂之套夷住牧青海者謂之西海諸臺吉其駐牧天山北路者謂之北厄魯特各有部長當青海盛時並屬於固始汗其後惟北厄魯特偏強猶夏自取侮亡其部衆先降者在青海則有游牧之綽羅斯特土爾扈特各旗在喀爾喀之西科布多之東者則有烏蘭烏蘇之厄魯特二旗拜達里克河之杜爾伯特十四旗皆北厄魯特之裔而青海套西二厄魯特尤密爾內地初固始汗兄子曰鄂齊圖汗游牧套西而固始汗季子巴延阿玉什生子十六其四人居青海其和羅理等十二人亦牧套西是爲二部分地之始順治初鄂齊圖汗遣使入貢且請助攻鄂爾喀其後康熙十六年準部噶爾丹娶鄂齊圖女旋以兵襲殺特潰散或投西藏或被虜歸伊犁而和羅理族避居大草灘廬帳萬餘守汎吏驅之不去並有準噶爾逃人數百從之騷擾近邊詔宥其飢困竄掠之罪和羅理求達賴喇嘛表請甘州東北之龍圖山蒙古謂之阿拉善山陰者賜其游牧以距邊六十里爲界詔許之是爲阿拉山厄魯特游牧之始二十七年噶爾丹侵喀爾喀和羅族人前陷準部中者乘準夷與喀爾喀戰挈千衆脫走來



降 詔徙之歸化城以避準噶爾和羅理擅留之三十年懼討分  
道叛遁先後為官兵擒斬三十二年和羅理悔罪乞降 詔仍牧  
阿拉山其族人屢為準噶爾誘唆輒蒙 赦宥和羅理以所部數  
離叛難約束請視四十九旗例編佐領廷議徙之烏喇界 上以  
治蒙古貴服其心不在地之遠近其仍游牧阿拉山地給札薩克  
印編一旗置佐領封郡王一鎮國公二自是永為不侵不叛之臣  
三十五年隨大軍敗噶爾丹於昭莫多明年 上視師甯夏復請  
從戎四十二年復有額濟納土爾扈特人來降 詔繼置一旗與  
阿拉善同牧雍正二年 王師定青海廷議以阿拉山屏蔽甯夏  
和碩特舊游牧山東近歲或徙山前請 勅札薩克郡王阿寶部  
衆歸牧山後自後遂與青海分部乾隆中大軍剿準回二部及討  
蘭州石峰堡逆回輒以所部為軍鋒故阿拉善兵稱號雄晉爵親  
王初河套有花馬鹽池鄂爾多斯部據之套西有吉蘭鹽池阿拉  
善王據之其法皆於兩地置官收稅聽蒙古漢人轉運不問所之  
暗符劉晏之法而套內之鹽不如套西鹹潔故甘肅民食花馬小  
池鹽者十之三阿拉善池鹽者十之六陝西民食亦居其三駱駝  
牛騾運負繹絡吏恐侵溢鹽引地止許運至皇甫川云 張承澤  
永昌縣北境漢蒙交界圖記永昌為涼屬劇邑其城郭村落山川  
道里誌有全圖所載詳矣惟縣之北境與阿拉善蒙古交界處未  
載焉案查縣北邊牆外二十里為甯遠堡堡東南與武威縣接壤  
東北與鎮番縣接壤正西與山丹縣接壤自堡西北六十里為寺  
兒溝墩墩居溝內上出山頂寺在墩北山凹間傾廢已久僅存頽  
牆半壁所繪佛像依稀可辨墩蓋因寺而得名也寺東三十餘里  
為朝水墩墩與鎮番之青臺山小青山相對焉寺之西北有溝五道

皆南北向又因寺兒溝依次而名之耳沿山有土拉墩小關營墩  
均不著名惟第五道溝以西十餘里為玉泉墩其名最著則與山  
丹縣之青羊口墩遙接焉立於各墩之上而引領南望峰巒重疊  
層出不窮其間徑路險巖亂石縱橫車難方軌杳無居人而百姓  
採樵牧放實咸賴於此墩外沿山以北皆蒙古游牧之地矣各墩  
矗立於山巔墩各有碣界限劃然但蒙漢毗連交易往來在所不  
免歷年既久蒙古間有越界游牧者而漢民亦有倩蒙古代為牧  
放資以牲畜者浸假而越界者插帳矣浸假而插帳者雲連矣甚  
至反客為主與民爭利其黠者慮及越界犯禁遂將各墩石碣潛  
移毀棄竟指內地為蒙古地以致恃強搶奪互控紛如揆之鄰境  
山丹鎮番情事與永邑略同其為患蓋數十年於茲矣官是邑者  
未能親自履勘分晰舊界又以事涉外藩難於拘究因循容忍莫  
可如何惟我涼兵備道憲富慨然念漢蒙之錯處不甯也界址之  
混淆莫辨也樵牧之紛爭未已也毅然命駕親莅山永鎮三縣之  
邊境踰越險阻遍觀形勢以舊案證之沿山界限瞭如指掌爰繪  
山永鎮三縣漢蒙交界圖具文申詳大憲咨部轉奏 特派理藩  
院侍郎巴倉場總督蘇隨帶阿拉善王沁班巴爾乘驛來甘會同  
大憲暨道憲前詣三縣漢蒙交界處所據案查勘實與道憲所勘  
無異於是會同奏定仍照舊例以山為界繪圖存案將越界插帳  
之蒙古押逐出境各歸原處又擇山之最高處堆立俄卜為記復  
飭地方官各於漢蒙出入要路設立卡房派兵役看守而各墩石  
碣之已毀者均行修整載明界址自此漢蒙永杜爭端各安其業  
是皆我道憲富軫念斯民不辭勞瘁不避怨讟為之計久長享樂  
利也而此意亦與山界並垂不朽矣訂期今歲春我道憲與甯夏

部郎會立各處俄人在寺溝之南約二里去歲 欽差指定之處也俄人之旁另有墩曰朝泉墩與俄人並峙山巔殆欲合遠邇共瞻云適余承乏永邑幸襄斯役因得追隨周歷永之北境其於蒙古交界處了然於目即了然於心奉命設卡立碣卡房二處一設於寺兒溝南之山徑間漢蒙出入要路也一設於西北之玉泉山墩下亦居要路立碣凡三處一寺兒溝墩一西北玉泉墩一東北之朝泉墩碣大小各二大嵌於墩上小者瘞於墩下慮其故智復萌潛移毀棄也事竣因縣誌全圖未載為另繪永昌北境漢蒙交界圖爰備錄始末於圖後乾隆五十六年夏四月既望也

### 額濟納蒙古

〔土爾扈特部一旗〕駐額濟納河之黨色爾騰地方康熙四十三年封阿拉布珠爾為固山貝子其子永旦於雍正七年晉封為多羅貝勒世襲掌本旗札薩克其牧地東與西套額魯特旗接界南與肅州邊外地接界西至瀚海與巴里坤接界北至瀚海與喀爾喀札薩克圖汗部接界

鄂爾多斯右翼中旗系出元太祖十六世孫巴爾蘇博羅特在河

## 甘肅新通志

### 卷四十二

兵防志 附蒙部

三

套內正西近南之什拉布拉圖池在鄂勒濟呼泊西南二百六十里東西距三百二十里南北距四百八十里東與北並至右翼後旗界西至喀爾喀界南至右翼前旗界漢朔方郡南境隋唐為豐州地元和中移置宥州於此明嘉靖間為鄂爾多斯所據

國初其臺吉隋琳沁來降後封為貝勒世襲掌右翼中旗札薩克事

〔哈密一旗〕在安西州西北境外千里康熙三十六年設

吐魯番一旗在西域天山南路闡展地方雍正十年設移駐嘉峪關外之瓜州乾隆二十一年移於魯古沁二十二年平定西域還駐吐魯番故地

土族

狄道州

脫鐵木兒蒙古人明初授陝西平章宣慰使司都元帥隨大將軍

徐達招撫十八族鐵城岷山等處賜姓趙更名安授臨洮衛土官指揮同知正統十年卒子英承襲英子鉉鉉子濟繼襲宏治間濟統領土軍防禦安定嗣守蘭州河橋嘉靖九年卒子梁襲統軍防禦西固梁卒子昆襲昆卒子永襲兼攝臨洮衛印務萬曆二十五年永卒子重琮襲天啟六年重琮卒子師範襲

國朝底定隴右師範率子樞勳歸誠仍令管理臨洮衛指揮使土司事務順治十六年師範卒樞勳承襲旋卒子煜尙幼弟樞勳護理土務康熙三十一年煜遂襲職雍正五年煜卒子延基襲乾隆十一年卒子激幼弟恆銳護理土務越三年激襲職後以疾休子春梓署理激卒乃襲職嘉慶閒春梓亦以疾休子正燉署理春梓卒襲職咸豐初正燉卒子壇襲職同治元年河回猖亂壇領土兵防守州城其兄養心代理土務二年壇赴洮州卓泥調撥鐵布番兵適州城失守自乾隆以來所頒

甘肅新通志

卷四十二

兵防志 土族

美

勅書號紙均燬無存四年回匪圍鞏昌壇赴陝甘大營請援兵行至董家堡遇害壇無嗣以兄子元銘爲繼光緒十六年其父養心卒暫護土務二十年遂襲職領兵部號紙二十一年河回復叛於閏五月初旬渡河攻城元銘在官堡鎮練團勇千名並拔土兵五百由抹邦河進剿至城南川適統領威定軍何建威拔狄亦至遂會軍抵州城何以元銘勇委帶威定前營駐劄城南黃家灘十月奉提督董福祥檄戰賊於邊家灣三家集羅神廟等處屢捷焉隨攻克高家集賊壘獲器械馬匹無算解河州城圍以功 賞加二品銜並給巴圖魯勇號趙氏世居檜柏莊又名東莊

國初移於官堡鎮之檜柏新城所轄番民上中下三啞土民檜柏等

一十五族曰 檜栢新城 納住醋那 豆巴包漆 金楊家 支  
 巴失達 田巴蘆 元古堆栢木 拉林石崖 磨  
 峽大馬 南峪枉子 下衙寺溝 腔峒 共四十八莊 檜栢山 麻  
 大灣 文何家 山南半嶺 深溝高山 醋那 支巴  
 家溝 豆巴里 包漆里 下漆家 金家山 楊家溝 支巴  
 里 失達里 田家河 巴蘆里 元古堆 上栢木灘 下栢  
 木灘 土門城 口家坡 馬家山 馬石崖 磨峽灘 第竺  
 寺 船崖山 大馬溝 上晒 中晒 下晒 納茹寺 安藏  
 溝 饒壽里 蒲家 王家 枉子溝 下衙里 寺溝里 大  
 灣里 年家灣 文家 何家 楊家 半嶺坡 趙家口 金  
 家大莊 賈家山 趙家溝 趙家 共戶四百三十九男一千一  
 百六丁女九百四十口皆務耕牧惟趙家北莊有回民九戶

河州

何負南河州右丞里人元授陝西平章宣慰使司都元帥明初衛  
 國公鄧愈統兵招撫遂歸誠賜姓何授河州衛土官指揮旋卒洪  
 武三十年其子銘授鎮國將軍本衛指揮同知守禦有功陞授都  
 指揮同知永樂閒征甘肅逆虜卒於軍子忠襲職忠卒子英承襲

甘肅新通志

卷四十一

兵防志 土族

三

調遣防守時有軍功正統閒授指揮僉事英卒子端繼備禦甘涼  
 回衛而卒子勳承襲嘉靖閒征洮州守碾伯繼征甘州卒於軍子  
 玃襲職卒乏嗣其弟珽繼之珽卒子權襲防禦甘涼屢有戰功天  
 啟四年卒子永吉承襲

國朝定鼎率衆歸誠隨河州副將出力討賊順治五年回變其子揚  
 威帶領部落剿除有功請給號紙世襲原職康熙四十一年子承  
 龍繼襲承龍卒子福慧在襁褓其妻祁氏管理土務康熙五十九  
 年卒福慧暫理土務雍正閒因番夷跳梁防守有功至乾隆四年  
 仍授世職卒子武繼襲撤回叛亂武同子大臣在老鴉南岔等關  
 防禦無虞四十九年石峰堡之變父子防禦盡職嘉慶四年教匪  
 由川入甘時武患病委子大臣在南界景古城瞎歌灘防堵五年  
 卒子大臣承襲道光元年卒子瑄襲職咸豐二年卒子其清承襲

同治二年卒子柄繼斯時兵燹蕩起柄率土兵把守北城微有勞績 賞給五品頂戴復因獲渠魁李法正有功 賞戴藍翎旋收撫洮州克復官堡亦有勞績 賞戴花翎光緒四年承襲祖職舊管番民四十八戶納倉斗糧六十石銀六十六兩

韓哈麻元明時領受河州衛土司之職守漠泥關隘口卒子完卜繼完卜卒子永泰繼永泰卒子世英繼乾隆十四年由河州張某發給外委土千戶委牌及卒子霆承襲四十六年撤回猖獗統兵固守毫無遺誤旋因修蓋佛寺有違例禁斥革職銜繼而鹽茶回變防禦有功總督福康安給外委土司劄付遵守供職五十四年卒子成理繼道光二十六年卒子喈以殘廢不能承襲嫡孫鈞承襲祖職同治初兵燹蕩起防禦關隘旋遇賊接仗中彈而亡子廷俊於同治十年在八峴山口前敵接仗身先士卒刀石弗避總督

甘肅新通志

卷四十二

兵防志 土族

三

左宗棠賞給養傷銀兩十一年告假回籍至今管理土務應襲父職

韓哈麻明初歸附內地永樂間賜安撫司之職至萬厯間大酋作亂其後韓完卜導引官兵屢立戰功於是授世襲指揮使

國朝定鼎其後韓千貫以劄印遺失世襲無憑呈明授爲外委土司雍正間其後韓世公因逆夷跳梁把守關隘毫無疏虞奉

旨

仍授指揮使乾隆十二年子雯襲三十年卒子成璘承襲四十六年

征討逆賊被傷而亡乏嗣胞弟成璋承襲兵部發給號紙嘉慶間川匪犯境帶領部落防禦景古城一帶二十年卒子玉鳳襲職咸豐元年卒子鎰襲十一年卒子廷佐繼襲世居韓家集管珍珠打刺二族番民戶共五百七十九納循化廳倉斗糧二十七石河州五石八斗

岷州

馬紀東漢伏波將軍後裔元至正間因防守哈達川九族授指揮使職立家岷州衛子珍明洪武間以功授世襲土官百戶珍子進良進良子都宗都宗子成成子應龍應龍子世福世福子存仁存仁子國輔國輔弟國安國棟並給劄管理土務

國朝順治二年國棟率衆投誠授原職康熙十三年以征剿捐助功部給署都司僉書劄付國棟子任遠由武舉立功題敘任文縣營守備土務不能分理以子天驥委替管番民五十五族戶九百三十三納倉斗糧二十四石三斗有奇天驥卒子繡襲繡卒子映星襲映星卒子乾襲乾卒子廣臣襲廣臣卒子榮襲榮卒子承烈襲承烈卒子繼賢襲世居宕昌城南距漢地一百二十里屬土民一十六族即隆族 野地喇哈族 馬安山族 瓦舍坪族 喬家陰坪族 肖二牟族 水泉坪族 上崖頭族 冉

甘肅新通志

卷四十二

兵防志 土族

完

家山族 祿仁族 力剛族 鐵立 守隘口十六東路沒地溝 哈族 油房族 火坪族 竹圍族 入樹溝老尖山 京 至磴子壩距禮縣界八十里南路上崖頭 乾江頭 溝 寫草壩子 至西固界六十里西路祿納寨 白水川 宕昌 大溝 何家鋪 甘溝坪至柏椽林距趙士司界四十里北路屯寨至麻竜間井距頭目趙士林后振興界九十里

后成明鎮守都指揮能之季子景泰間守禦洮州成子璋成化間往烏斯藏有功授世襲土官百戶璋子國用國用子良伏良伏子尙仁尙仁子繼臣繼臣子之隆惟尙仁於萬厯間襲職餘止給劄管理土務之隆子承慶

國朝定鼎爲外委百戶康熙三十年劄委任事乾隆九年承慶孫發葵始實授土百戶管土民四十一莊戶四百四十納倉斗糧一石三升有奇發葵卒子鼇襲鼇卒姪佐卿襲佐卿卒子緒統襲緒統

卒子朝鳳襲朝鳳卒子濫襲世居攢都溝距漢地八十里管土民二百九十名守隘口四東至柏林口隘口距洮州牛營番地界四十里南至水磨溝馬瓦山隘口距哈占灣界十里西至瓦任溝隘口距洮州石門口番地界六十里北至牛心崖隘口距洮州侯旗界七十里

趙黨只管卜岷州衛人明洪武間以功授世襲土官百戶管卜子鬧住鬧住子增輝增輝子威威子運臻相繼承襲

國朝定鼎運臻子應臣投誠為外委土官康熙二十一年授其子之鼎原職管番民三族戶五十一土民八莊戶二百二十九納倉斗糧七斗六升有奇之鼎子文運文運子世興世興子名俊名俊子

永清永清子呈瑞管理土務呈瑞卒子邦楨襲邦楨卒子士林襲世居麻竜里東南距漢地八十里管土民三族

甘肅新通志

卷四十二

兵防志 土族

三

隘口十東路

札細哈 沙住祿壩 哈泥刺哈 鐵住祿壩

至簸箕牌距馬土司界二十

里南路

札納哈 中粗住納

達至馬土司界四十里西路

徐力哈 沙達祿 巴沙哈 尖

背溝至趙土司界二十里北至漢地灣壩寺十里 以上三土司所

轄雖號土民究與漢民無殊銀糧命盜重案俱歸州治土司不過理其尋常詞訟而已

后祥巴古子岷州衛人明洪武二十八年以功授世襲土官百戶祥巴子達節達節子古納令住古納令住子恩恩子承祖相繼承襲承祖子希魁

國朝順治十二年授外委百戶希魁子國璽國璽子君寵乾隆六年君寵子榮昌實授土百戶管土民十一莊戶一百四十八納倉斗糧一斗五升有奇榮昌子汝元汝元姪建勳建勳子爾均爾均子裔盛裔盛子振興遞傳至光緒初改襲土把總所轄土民八十餘

戶改土歸流附屬閭井里世居閭井東距漢地一百二十里守隘

口十一東路撒落哈 清水溝 駱駝至那布溝距禮縣界三十

里南路張家林口至鹿兒族距馬土司界二十里西路鹿兒族 喇嘛溝

距紅崖界四十里北路帕都山距榜沙里界六十里

綽思覺革那族生番也明宣德閒以功授世襲土官副千戶思覺

子豁節豁節子趙俊趙俊子應福應福子居化居化子國臣相繼

承襲國臣子宏基

國朝順治十六年承襲因事革配康熙十四年其堂弟宏元於吳逆

之變恢復洮岷有功靖逆侯張勇題敘仍授世襲副千戶二十九

年宏元子廷賢承襲雍正初以與黃番煽亂遂廢趙氏舊居多納

族番地距城南四十里所轄土民四十八族番民四十三族詳番族

今俱屬歸安里已為漢民歸州編戶矣其舊轄界東至甘溝坪距

### 甘肅新通志

### 卷四十二

兵防志 土族

三

馬土司界八十里南至恰任族距黃番登燭堅錯界一百六十里

西至車力族距洮州楊土司界一百八十里北至吾麻溝距漢地

四十里附識備考

### 洮州廳

夢的洮州衛卓泥岷志作 看藏族番人明永樂二年率疊番達拉等族

獻地投誠十六年以功授土官指揮僉事子贊卜畢力承襲畢力

子札什亂什亂子哈節哈節子旺秀俱襲正德閒旺秀調京引見

賜姓名楊洪洪子臻臻子葵明葵明子國龍相繼承襲國龍子朝

樑於

國朝順治十八年投誠仍給劄管理土務為外委土司康熙十四年

吳三桂之亂助饑恢復有功授拜他喇布勒哈番准襲二次二十

年朝樑子威承襲以功授隨營遊擊四十五年威子汝松承襲汝



松子沖霄仍襲指揮僉事五十一年黑番爲亂助剿有功前山十八族後山十九族黑番俱給令管轄沖霄子昭於乾隆辛酉中式武舉未及襲卒子聲幼以祖母李氏護印務二十五年聲襲職四十五年聲子宗業襲職次年撒拉回變以功 賞三品頂戴及花翎領受兵部號紙四十九年鹽茶回變剿石峰堡有功 賞大緞二疋至嘉慶十九年宗業弟宗基承襲兼攝禪定寺世襲僧綱宗基子元於道光二十四年承襲二十六年隨青海大臣達洪阿剿捕黑錯番匪報捐軍餉同治中奉總督左宗棠檄剿循屬撒匪嗣收復洮州新舊二城歷獎至頭品頂戴加志勇巴圖魯光緒六年子作霖襲職亦以軍功得頭品頂戴領兵部號紙兼攝護國禪師日益誇大小弱者割地以鬻遂并有衆土司地作霖曾孫積慶於光緒二十八年承襲楊氏世居卓泥堡在洮州城西南三十里土

甘肅新通志

卷四十二

兵防志 土族

三

城不過百雉亦無樓櫓然三面環山前臨洮水自成形勢其地東至岷州歸安里交界六十里南至階文西固四川松潘龍安交界四百餘里西至洮州戶口六哨重庫交界一百三十里北至洮州作蓋交界一百一十里所轄旗四十八番族五百二十詳番族萬一千五百九十九舊納屯稅糧青稞十一石八斗有奇由土司協催應報部土兵二千名馬兵五百步兵一千五百原設守備一員千總二員把總四員外委七員守關門五隘口二十五 黑番

日日隘口 距洮城南五百餘里派番兵六名把守內住岔岡等十八族 喇那工哈隘口 距洮城五百餘里派兵四五百餘

里派兵四名把守內住大魚等四族 亂古木隘口 距洮城五百餘里派兵四名把守內住亂古等四族 阿夏麻

路隘口 距洮城五百餘里派兵四名把守內住當拜等七族 剛古路隘口 距洮城南五百餘里派兵六名把守

內住郭義等十族 達拉同蓋隘口 距洮城南五百餘里派兵四名把守內住答力等六族 加的山當

古刻隘口 距洮城南五百餘里派兵四名把守內住加的等十五族 中那山書那隘口 距洮城五百餘

里派兵四名把守內當多必若隘口距洮城三牙愛墩隘口距洮  
住和力等二十五族當多必若隘口距洮城三牙愛墩隘口距洮  
百餘里派兵四名把守內截古哈閘門距洮城西南三百餘里派兵二  
守內住牙愛等三族截古哈閘門距洮城西南三百餘里派兵二  
族以上隘口閘門俱在白水江以南此外俱係大山深林接松潘  
管境其東南為黑番接連西固階文及松潘札路哈地界些藏

隘口距洮城西一百五十里派兵扯已隘口距洮城西一百二十  
六名把守內住麻列等十族扯已隘口距洮城西一百二十  
住尖車哈占溝隘口距洮城西南七十里派兵四  
等四族哈占溝隘口距洮城西南七十里派兵四  
城西南入十里派兵四名迭當隘口距洮城一  
把守內住拉力等八族迭當隘口距洮城一  
十里派兵四名把守答峪隘口距洮城西南六十里派兵六  
內住麻兒等三族答峪隘口距洮城西南六十里派兵六

隘口距洮城南五十里派兵四納浪隘口距洮城東南七十五里  
名把守內住答札等七族納浪隘口距洮城東南七十五里  
浪等駝洛隘口距洮城東南八十里派兵四  
六族駝洛隘口距洮城東南八十里派兵四  
以上隘口俱在洮河

以南此外接連上下疊部其東南一帶接岷州歸安里交界峪  
古壕隘口距洮城西一百里派兵二名把  
守內住尤木著落等四族達加閘門距洮城西一百二  
十里派兵十一

名把守內住尤卜等十二族巴舍隘口距洮城西八十里  
外住善札迭當等二十族巴舍隘口距洮城西八十里  
距洮城西七十里派兵六名把守甘卜他閘門距洮城西八十里派兵十  
守內住古占等一十四族甘卜他閘門距洮城西八十里派兵十  
等二十甘卜他隘口距洮城西北七十五里派兵六  
四族甘卜他隘口距洮城西北七十五里派兵六  
以上隘口閘門

俱在舊城以上其西北各隘口外交連洮州廳管境官洛閘門  
距洮城西七十五里派兵十一名把守官洛隘口距洮城西六十五里派  
守內住包吾什他那等二十族官洛隘口距洮城西六十五里派  
惡等一土橋閘門距洮城西北七十五里派兵六名  
十六族土橋閘門距洮城西北七十五里派兵六名  
北一百三十里派兵六名把守以上隘口閘門俱在洮州西北各邊  
守內住上治關哈等九族以上隘口閘門俱在洮州西北各邊

此外接連洮州廳及河州管境  
晉南秀節洮州衛底古族西番頭目明洪武十一年率部落投曹  
國公十二年督修洮州邊濠城池十九年隨指揮馬煜征疊州以  
功授本衛世襲中千戶所百戶之職守隘招中南秀節子卜爾結  
於洪武二十年承襲二十五年同指揮李凱等招撫番夷等認納

甘肅新通志  
卷四十二  
兵防志  
土族

三

三

三

三

茶馬永樂三年賜姓咎宣德五年以護送侯顯功陞本衛實授百戶宣德七年隨都督李達招撫火把等族番夷收買茶馬八年招撫生番刺章等一百七族正統二年奉右軍都督勘合令協同土官正千戶咎亂秀管理五總甲番民卜爾結子敬於成化三年襲敬子誠於正德五年襲十二年以功授世襲副千戶誠子良德於嘉靖七年襲良德子震於嘉靖十五年襲萬曆三年以功授世襲指揮僉事震子國楨四十二年請襲國楨子凝和四十八年承襲凝和子承福於

國朝順治十年請襲奉洮州衛軍民指揮使司劄付責成厥職後於康熙十四年以功授遊擊銜次年承福子有光請襲三十二年有光子繼祖請襲奉文札委駐眼藏族三十五年呈明承襲繼祖子景瑜於雍正十一年襲景瑜子朝龍於乾隆二十七年襲四十六

甘肅新通志

卷四十二

兵防志 土族

三

年呈請改駐資堡族朝龍子盡臣於嘉慶二年承襲盡臣子慶榮於道光十年承襲慶榮姪衍禮於同治八年承襲衍禮嗣子天錫於光緒二十年承襲咎氏居資卜族在廳城東南二十里原設土守備一員千總二員把總二員經制二員外委二員報部番馬兵五十名步兵一百名所屬地址東至象元族五十里南至若竜若巴山七十里西至烏藏族八十里北至上達窩族一百里所轄番境七旗共七十六族

詳番族

管理閭門一

烏藏

隘口二

紅腰峴

番民

三百八十四戶舊納倉斗糧青稞三石一斗有奇由土司協催

永魯劄刺肖洮州衛著遜族番人永樂閒以功授土官百戶刺肖子彪彪子林相繼承襲林於正德閒以且加溝斬首功加世襲副千戶林子勳勳子壽壽子登高登高子維忠俱襲維忠子子新於國朝康熙閒襲職銜子新子世芳於三十五年承襲世芳子紹先於

乾隆閒實授原職紹先姪班爵於乾隆三十五年承襲班爵子國用於嘉慶十三年承襲國用弟國成於嘉慶閒承襲後以征黑錯寺功 賞給雲騎尉世襲國成子繡春於咸豐閒承襲繡春堂孫漸榮於同治閒繼嗣承襲漸榮子永隆於光緒二十五年承襲所管番民七族共三十戶番民應納青稞一石九斗有奇由土司協催報部土兵十名守隘口三著遜隘口在洮城西十五里青土坡莫都兒俱在城西三十里共步兵八名

西甯縣

祁貢哥星吉元裔初封金紫萬戶侯任甘肅省理問所官世守西土洪武元年歸附五年招撫西番授副千戶世襲以追剿西番亦林真卉於暖泉陣亡子鎖南襲職永樂十年從西甯侯宋琥追捕番酋老的罕等於討來川陞正千戶子賢襲職扈成祖北征敗賊

甘肅新通志

卷四十二

兵防志 土族

三

於三岔口陞指揮僉事世襲洪熙元年巡崑崙山腦西至雅令關遇賊有斬獲功遷指揮同知招降密羅族陞指揮使子英襲職宏治三年卒子贊襲職十三年隨都督彭清送哈密忠順王陝巴歸國正德二年卒子鳳襲職以剿賊繫馬椿功陞都指揮僉事授洮州守備子恩襲指揮使職無嗣弟德襲職授高臺守備病休子廷諫襲職崇禎十六年闖寇賀錦擾西甯廷諫率子興周與戰斬錦已而賊黨愈熾勢不支並被俘送西安

國朝順治二年英親王阿濟格至西安破走逆闖得廷諫 賞衣帽

鞍馬綵緞銀兩令回西甯安撫番族仍授本衛指揮使世襲並頒

勅印

十年病休與周先以戰功授大靖營參將至是襲職子荆璞襲職

會吳逆叛隨總兵王進寶克復蘭州臨鞏諸城後病休子大勳襲

職乾隆二年卒子憲邦先曾代大勳領土兵隨總兵黃喜林征青

海酋羅卜藏丹津頗著戰績至是襲職十九年卒子執中襲職撒  
回蘇四十三鹽茶回田五等先後作亂隨大軍進剿俱有功五十  
八年卒子雲鶚雲鸚子維藩維藩子徵古相繼承襲徵古無嗣弟  
敘古襲職同治元年撤回復亂防堵有功十一年爲土番拉莫丹  
所控革職母李氏代理指揮使印光緒十五年以巡防功仍令襄  
辦土務十八年復原職祁氏世居西甯縣南九十里寄彥才溝轄  
境東至紅土莊山岔頭爲界西至李土司屬紅水泉回民莊韭菜  
溝爲界南至大石山爲界北至駱駝堡下崖溝爲界東南至牛心  
山東哇山炭山陰窩西碾河爲界西南至沙爾灣西山嶺爲界東  
北至張侯莊雙岔路爲界西北至硝水泉山嶺爲界土民八百餘  
戶明時分四族

國初分八族共七百戶八族復判南北南族七東溝大族西溝大族

### 甘肅新通志

### 卷四十二

兵防志 土族

三

溝腦有唐隆  
臺回民莊

角加大族

界內有亂  
思觀營汛

卜端小族沙卡小族高羌小族

界內有新  
莊土舍地

下莊小族北族一朵思代大族散處各莊

朵思代莊  
白崖子莊

吉家臺莊  
喇娃莊

寫兒定莊  
貧倉莊

張家灣  
宗盛莊

額設土千總一員把總二員馬

兵五十步兵一百戰馬五十匹馱載六十四匹烏拉馬二十四匹土  
司月支俸銀五兩四錢糧七石二斗每石折銀九錢五分土弁土  
兵無饟遇有征調始給鹽菜口糧

陳義江南山陽人父子明元淮安右丞至正二十三年明常遇春  
兵至淮南率衆歸附洪武七年隨李文忠北伐有功授隨征指揮  
僉事十六年從征龍泉山寇陣亡義襲父職調任燕山右護衛靖  
難兵起從燕王轉戰有功陞山西潞州衛指揮同知永樂元年隨  
新城侯張輔征甘涼旋扈成祖征木雅失里逐北至紅山口遷指  
揮使又從耿炳文駐防甘肅授西甯衛世襲指揮使子斌襲職授

涼州守備調征北寇於亦不刺山獲馬五千餘匹賞紵絲表裏銀兩正統三年同都指揮魏榮剿賊白牙忽及亦不刺山獲勝景泰三年從總兵蕭傑敗賊煖泉追至蘇武山生擒賊目虎夕忽哩子鏞襲職鏞子策襲職奉檄赴蘇武山追剿邊夷進攻平沙嶺有功授上古城守備子治襲職正德中西甯南川山後賊番不靖奉檄往剿追至王溝峽陣亡贈都指揮同知懷遠將軍無嗣弟鳳襲職鳳子忠襲職授洪水守備擢陝西行都司僉書陞洮岷河參將奉檄訓練全湟馬兵三千隨大營剿賊康纏溝班沙嶺功最陞都指揮使授其弟孝及次子弼百戶弟魁試百戶子輔襲職授紅城子守備子三畏襲職畏子光先襲職授西大通守備崇禎初調征流寇陞遊擊守慶陽合水賊黨萬餘圍城力戰卻之加掌印都司隨總督洪承疇剿賊屢捷遷大靖參將十一年

甘肅新通志

卷四十二

兵防志 土族

三

大清兵入牆子嶺光先奉檄率兵行至蘭州遇賊來犯肅王留光先守城伺閒出戰賊敗遁王賞銀緞旋回任調莊浪左參將卒贈驃騎將軍子師堯隨洪承疇守松山陣亡贈昭勇將軍順治二年陝西總督孟喬芳收撫甘肅光先次子師文率眾歸附五年甘州回米刺印丁國棟反隨鎮羌參將魯典戰賊烏稍嶺有功奉

旨仍襲

西甯衛指揮使職補岔口守備九年病休子維新襲職吳三桂

黨陷蘭州臨洮隨大軍進剿有功授莊浪大松山守備子夢熊襲職夢熊子琮璟因病未襲琮璟子玉範襲職撒拉回反奉檄守小峽鹽茶回反守玉帶河橋俱有功于榮襲職道光二年頒給西甯衛指揮使木質鈐記子志貴志貴子興恩繼襲同治元年撤回作亂總督沈兆霖率師進剿興恩守札思觀有功光緒四年卒子迎春襲職陳氏世居西甯縣北五十里陳家臺轄隘口二

龍口門  
閻王溝

土民一百一十二戶散處

渾水溝 陳家莊 馬圈川 陳小莊 鮑家寨口 宋家莊 南川 張家莊

額設土千總一員把總一員馬兵五步兵二十土司歲支俸銀七十餘兩納倉斗糧一十石四斗有奇

李文西番人父賞哥

西甯府志作李英從子原案作賞哥嫡長男似為數實

元都督指揮同

知明洪武初歸附授原職洪熙元年文隨都指揮僉事李英追安定賊踰崑崙山至雅令闕大敗之宣德二年授陝西行都司都指揮僉事時都指揮穆肅誣西番盜馬幾致亂文劾之逮肅下吏西陲以安累官都指揮使進都督僉事未幾充總兵官鎮大同寇二千餘騎犯威遠文率師敗之封高陽伯四年秋孛來大舉入寇文按兵不戰降都督僉事旋立功延綏進都督同知成化中哈密為土魯番所併詔文與右通政使劉文往甘肅經略之無功而還宏治初卒正德初贈高陽伯子鏞授百戶以戰功陞指揮僉事鏞子

甘肅新通志

卷四十二

兵防志 土族

三

璋降襲百戶後以分水嶺棒林兒戰功遷副千戶子禎襲職十四年剿賊靈州白塔兒川有功遷正千戶又以回回墓功陞指揮僉事七年敗賊於他刺都川擢指揮同知子繼勳襲正千戶剿賊紅嘴兒河陞指揮僉事子世顯襲職剿賊南川徧道清陣亡加指揮同知子愈茂襲職調陞援遼都司僉書子洪遠襲指揮同知職崇禎十六年李自成黨陷甘州獨西甯不下賊將辛恩貴攻破之洪遠與其妻祁氏暨家丁一百二十人死於難

國朝順治二年奉

旨旌表七年洪遠子珍品以歸附仍襲原職康熙八年卒子凌霄襲職

吳三桂黨蔓延隴右凌霄隨王進寶克復蘭州臨鞏西禮諸城加遊擊銜子問彭襲職大軍進征西藏問彭派土把總李可印率土兵從遇賊大戰可印陣亡雍正元年青海酋羅卜藏丹津叛大將

軍年羹堯進討問彭守什達巴灘泥小峽諸隘又派土千總李洪宗率土兵隨守備馬有仁剿貴德賊戰大峽腦洪宗陣亡二年奮威將軍岳鍾琪剿卓子山棋子山番賊問彭運糧有功乾隆初卒西甯府志稱問彭雍正元年出征陣亡與原案異子承唐襲職後乞休子演奠演奠子蔭筠均襲職撒拉回叛守小峽鹽茶回叛守老鴉亭堂俱有功道光

六年頒給西甯土官指揮同知清漢篆文銅印尋卒子逢時前死逢時子養元襲職二十八年卒子爾昌幼至咸豐八年襲職同治元年撒拉回作亂隨大軍進剿守順善堡有功 賞藍翎李氏世

居西甯縣南三十里乞塔城轄羅家灣山分路臺洛麻諸隘土民

九百六十三戶分四十八莊 李家臺莊 石溝莊 紅水泉莊 韭菜溝嶺莊 小哈陽莊 洛麻李

家莊 細溝康城李家莊 黑鬍爾莊 柳樹莊 東河灣莊 新添堡李家山莊 金沖溝莊 甘樹灣莊 渾水溝莊 雜巴

灣莊 山城莊 北門外莊 乞塔爾莊 倉家溝莊 阿洛善 灘莊 東溝門莊 馬家莊 白牙壑莊 那龍溝莊 紅哈上

兵防志 土族

### 甘肅新通志 卷四十二

羌

茶爾莊 下茶爾莊 喬家班彥莊 小羊圈莊 流水溝莊 丹家莊 上下北莊 水磨溝莊 上土官莊 什巴洞溝莊

弩木只溝十家莊 臺子莊 勝番溝八門莊 岡子溝九家莊 紅莊 子莊 黑山馬家莊 頭乙泉莊 朱家山莊 米拉

溝 家人莊 下山川北莊 那爾多 與屯土番回雜處歲貢秋糧 溝 伯屬莊 大哈陽李家小莊

三百六十餘石屯糧一十餘石草一百五十東有奇額設土千總

一員把總一員馬兵五十步兵五十土司歲支俸銀五十餘兩

納沙密西番人明洪武四年率部落投誠授總旗永樂元年卒子

速喇襲職隨都指揮李南哥剿北寇敗之加鎮撫職北寇犯邊有

捍禦功授左所副千戶子貴襲職貴子福福子啟俱襲正德十二

年野番入掠啟追捕之獲逆首遷正千戶子榮襲職隨官軍剿寇

有功陞指揮僉事子政襲職政子惟量襲泄事精勤歷官至河州

參將病休子汝言襲職邊夷不靖應調防剿以功授固原提標右

營遊擊子元標襲職歷署護羌營千總西甯營中軍守備北川營



守備

國朝順治二年率屬歸誠仍襲指揮僉事協同諸土司剿除闖寇餘  
孽康熙九年卒子象天病未襲象天子正乾襲職雍正初隨總兵  
黃喜林討番賊於卓子山克其巢敘功加二等擢指揮使乾隆五  
年卒子世績襲職十五年卒子獻彩幼弟世緒暫管土務二十一  
年獻彩襲職獻彩子應祿應祿子運興俱襲運興子輔君病廢咸  
豐十一年循化巴燕戎格撒回作亂焚掠南川同治元年總督沈  
兆霖督軍進討輔君子朝珍奉檄守南川仲彛加旋隨征南山後  
循先茶堡光緒四年襲職朝珍卒子延年襲納氏世居西甯縣南  
十里納家莊轄土民一百五十戶散處各莊東川沙腦 納家莊  
米拉溝 碾綫溝  
莊西川亂迭溝 納家  
紅土溝 剛咱莊額設土兵二十五名土千把外委等員遇  
有征調始由土司挑選報府委用土司承襲有部頒號紙無歲俸

甘肅新通志

卷四十二

兵防志 土族

罕

納倉斗糧三石二斗有奇

南木哥姓汪氏西甯州土人明洪武四年率所部歸順五年管領  
馬軍隨馮勝征甘肅追達酋朵爾只巴於馬蹏山降偽官及其衆  
三千餘馬四百匹復從傅友德聶偉赴亦集乃征元寶藏王俱有  
功累除金吾左衛中衛所副千戶加指揮僉事俸八年奉命赴西  
甯州代朵爾只失結管軍民九年隨馮勝赴西涼州招撫逃散降  
頭目失結古南臺堅藏等及其衆千餘又降脫林平章等衆二千  
二百餘人十年達酋也速脫火赤等攻涼州隨濮英與戰敗之殺  
賊千餘乘勝征甘肅收撫千八百九十餘戶功最十二年洮州十  
八族番叛從沐英大破番衆擒其部長三副使隨濮英招討甘肅  
降偽官及軍民二百餘進至赤斤站獲故元幽王亦憐真並金印  
部曲而還子失加襲職除留守中衛朝陽門副千戶從調陝西行

都司西甯衛中左所副千戶世襲從指揮楊政追罕東賊及西海  
腦與戰敗之獲人畜還時四川建昌衛指揮月魯帖木耳叛涼國  
公藍玉討之戰青窩戰逍遙關戰黎寨擒誅月魯帖木耳失加均  
在事有功師還調甘肅左護衛中所管軍建文元年仍調西甯衛  
中左所四年卒無嗣弟愷襲職調赴亦集乃卜顏木等處招降元  
故官把都帖木耳及其部衆隨都指揮李英扈駕北征八年次臚  
胸河木雅失里西奔追及於幹難河大敗之詔移征阿魯臺又敗  
之隨西甯侯宋琥討甘肅叛寇於沙金城番酋脫火赤等遁追至  
討來川擒脫火赤擢正千戶病休子福襲職同都指揮李英扈駕  
北征連敗兀良哈於魁列兒河及黑河小腦皆有斬獲復扈駕北  
征阿魯臺追敗餘寇於三岔口晉本衛世襲指揮僉事洪熙元年  
隨李英討安定賊獲賊黨阿爾加並獲牲畜宣德元年遷世襲指

## 甘肅新通志

### 卷四十二

兵防志 土族

聖

揮同知五年從甯夏總兵官史昭赴散卽思喊喝禿剽賊十年從  
太監王貴剿賊於鎮夷口外至青石山擊敗之正統元年擢指揮  
使十一年練軍涼州備瓦剌景泰二年卒子璽襲職璽子勳勳子  
澤繼襲正德五年澤同莊浪參將吳洪等剿寇於回回墓獲捷陞  
都指揮僉事十一年同遊擊鄭廉截套寇於平涼固原至龍尾山  
擊敗賊衆嘉靖五年卒子朝降襲指揮僉事朝卒子鏞襲職三十  
三年禦北寇於石門腦頗有斬獲後防守沙塘川以事被謫後敘  
石門功加指揮同知遇赦回籍卒無嗣弟鏗之子澄淵襲職授土  
門堡守備子陞龍於

國朝順治二年率部落歸附仍襲指揮僉事康熙九年卒子鱗襲職  
吳三桂黨陷蘭州鱗隨王進寶夜渡黃河擊敗賊衆於新城又敗  
之龍尾山復蘭州十八年卒無嗣從弟鼎襲卒子基振襲職雍正

元年青海酋羅卜藏丹津叛奉檄防西川北川有斬獲二年奮威將軍岳鍾琪剿番賊於卓子山奉檄運糧夜遇賊來劫慶擊敗之子於崑襲職於崑子光遠光遠子和鈞俱襲嘉慶七年領土官指揮僉事木質鈐記和鈞子涵貞涵貞子成芝成芝子進善相繼襲同治元年撤回反隨大軍前赴巴燕戎格所屬曲林莊防剿二年西甯逆回悉叛奉檄守府城十一年回亂平招集流亡土民復業光緒十九年病休子祖述襲職汪氏世居西川海子溝轄哈麻爾牙壑隘口管番民十八戶土民一百三十戶散處

汪家溝 總堡 莊 灰條溝

甘溝 東溝 北川馬蓮灘 西溝坪 各地額設土兵二十五

名土千把總各一員遇有征調始行選補土司無歲俸不納糧

吉保西番人洪武四年歸順授百戶二十三年調錦衣衛前所鎮撫三十年卒子朵爾只襲職調西甯衛中左所永樂十年從豐城

### 甘肅新通志

### 卷四十二

兵防志 土族

望

侯李彬討甘肅叛寇八耳思朵羅歹有功仍授百戶子祥襲職二十二年剿賊山岔口遷副千戶洪熙元年從都指揮李英追擊安定賊擒賊目一晉正千戶宣德八年招降革巴族番擢指揮僉事子安襲職卒無嗣弟榮襲職榮子永年永年子清繼襲正德七年剿賊紅柳灘有功加指揮同知子慶降襲指揮僉事子夢龍襲職未幾卒弟夢熊襲職夢熊子兆子天錫俱襲

國朝順治二年天錫率所部歸附十二年仍襲指揮僉事康熙十七年卒子象泰會隨王進寶復蘭州得病未襲象泰子大永襲職大永子承宗病未襲乾隆十五年承宗子應魁襲職應魁子朝麟朝麟子晴雲晴雲子步漢步漢子萬貴萬貴子獻瑞相繼襲職吉氏

世居西甯縣西六十里亂迭溝轄土民九十戶散處各莊

西甯縣屬亂迭

溝吉家莊 南川吉家莊 沙塘川 魏家溝吉家莊 西川攬隆 碾伯縣屬土川口吉家莊 上兵二十五名

土千把總外委各一員土司歲支俸銀四十兩有奇納倉斗糧二十一石二斗有奇草二十一束有奇每逢襲替部發號紙

循化廳

韓寶元撒拉爾明洪武三年歸誠授世襲昭信校尉管軍百戶職銜卒子撒都喇襲職奉命進征罕東剿捕番賊旋調往雲南進征建昌又征大沙團所在有功卒子貴襲宣德間追趕達賊屢有戰功正統元年陞本衛副千戶職銜復因剿番賊蒙賞狐帽二年征板井等處回任而卒子琦襲副千戶職屢從官兵討賊戰功赫赫卒乏嗣其弟愷襲職愷卒子清襲清卒子通襲嘉靖四十四年卒子仲福有疾不堪承襲仲福子勇於萬曆十九年襲卒乏嗣胞弟增承襲增卒子進忠襲因剿賊有功授鳳縣守備後又戰退回賊加都司僉事管漢羌遊擊事陣亡子愈昌護理

甘肅新通志

卷四十二

兵防志 土族

三

國朝康熙間蒙靖甯將軍張某劄委都司職銜卒子炳亦未襲因撫番有功委守備繼而征阿爾加襄貨剿王刺夫旦所在有功雍正間奉兵部號紙襲應土千戶之職旋卒子文廣襲職乾隆十一年卒子旭繼襲二十八年卒乏嗣弟昱承襲剿除逆回有功 賞三品頂戴花翎後剿滅鹽茶逆回加銜一等嘉慶初年率領土兵進剿教匪 賞給參將指揮土司旋因疾告辭子輝宗襲職道光十八年卒子伏承襲後隨肅州鎮郭某剿捕素勒色爾慢賊匪陣亡子起忠襲職管西鄉上四工韓姓撒拉

街子工 又家工 大寺工 蘇治工

韓沙班明時撫番有功授世襲撒拉族土百戶之職

國朝順治間卒子清諫繼清諫卒子承恩繼均未領號紙承恩以病休子大用繼蒙 欽差給以都司職銜雍正初奉檄率領上兵征剿番賊又從奮威將軍岳鍾琪征顯彌寺爾多寺及寫爾索逆賊

生擒渠魁脅從投誠七年授保安堡土千戶乾隆三年卒子振武襲職領兵部號紙振武卒子玉麟承襲玉麟卒子光祖請襲奉

旨允准四十六年撒拉新教叛亂光祖率土兵進剿有功 賞花翎四

十九年剿鹽茶逆匪咨部議敘嘉慶二年征川湖教匪歿於行間

子卿襲職剿番有功 賞戴藍翎卿卒子忠魁襲職忠魁卒子源

源子膺祿襲職管東鄉下四工馬姓撒拉孟達工 章哈工 清

拉與番回異類以羌而奉回教者也舊共十三工今蘇循化僅入工餘歸巴燕戎格屬矣

訖藏土百戶王國柱

國朝順治二年投誠授原職管番民五族戶三百納倉斗糧二十二

石有奇

脫屯 李屯 吳屯 李屯俱在保安營西明時防戍小土司也

按土民習俗在番漢之間奉佛拒回樂為官用

### 甘肅新通志

### 卷四十二

兵防志 土族

四

大通縣

曹通溫布大通川人乾隆元年以功補大通川土千戶職卒子那

巷花布藏襲卒子羅藏花爾旦襲卒子洛粗冲襲卒子端住布尖

木錯襲卒子才他爾加襲病休子端住布巷加爾襲卒子多爾吉

札喜襲病休子安木啄爾襲卒弟乙細旦曾安木加襲所轄大通

燕麥等川五族番民一百五十戶無關隘處所亦無額設土兵每

年應納貢馬二十四匹共折銀一百七十三兩六錢後因回亂番

民逃亡經總督左宗棠咨部暫以半價交納由大通縣管理

碾伯縣

朵爾只失結蒙古人元甘肅行省右丞洪武四年降附五年從馮

勝追敗元兵於瓜沙州六年授西甯衛指揮僉事十七年調遼東

出兵攻撻山寨二十四年調甘州前衛逾年卒子端竹襲職旋調

守西甯衛建文元年從南軍征北平陣亡贈驃騎將軍子祁震襲職始以祁爲氏永樂元年赴鎮番剿寇十年從宋琥討平甘肅叛寇授指揮同知子成仍襲指揮僉事剿寇有功陞世襲指揮同知正統九年卒子純襲職亦從征有功卒無嗣弟武武子鑑鑑子麟繼襲正德七年麟率土千戶李楨敗賊於他刺川擢指揮使子佑早歿佑子登襲職登子世勳因邊事降指揮同知子秉忠襲職授永昌參將銀定石青以二千餘騎入塞秉忠率兵三百拒之轉戰兩晝夜援軍至始遁秉忠追還所掠人畜邊人頌之擢涼州副總兵遷甘肅總兵天啟元年經略袁應泰薦其智勇令率私卒守蒲河至則遼陽已破命爲援剿總兵官率萬人駐防閭陽二年大清兵攻西平守將羅一貫戰死巡撫王化貞令秉忠赴援遇大清兵於平陽力戰被二刃三矢衆扶上馬奪圍出創重卒於途事

甘肅新通志

卷四十二

兵防志 土族

聖

聞贈秉忠少保左都督加都指揮同知再膺指揮僉事賜祭葬建祠無子以姪國屏爲嗣襲都指揮同知崇禎八年以功授莊浪參將十六年流寇蹂西甯力抗之至

國朝順治二年率部落投誠五年甘州回陷甘涼肅諸州國屏隨總督孟喬芳進剿復甘州又隨甘肅巡撫周文葉進復肅州九年授西甯衛世襲指揮同知並

錫

勅印以老乞休子伯牙襲職吳三桂反平涼提督王輔臣叛應之逆

黨陷鞏昌臨洮蘭州伯牙統各土司隨西甯鎮總兵王進寶東征至張家河灣用革囊夜渡黃河大敗賊於新城及龍尾山平蘭州率漢土官兵守之擢署守備管蘭州遊擊事晉署都司積戰功累官至鑾輿使卒無嗣弟仲牙康熙九年武進士授威遠堡守備歷遷助馬路參將

聖祖仁皇帝親征噶爾丹仲多扈從有功擢浙江金華營副將陞署温州

鎮總兵至是回籍以原官署理指揮同知印務五十七年卒長子在璿繼伯牙爲嗣襲職雍正元年青海酋羅卜藏丹津叛大將軍年羹堯檄在璿守大峽口二年隨西甯鎮總兵黃喜林剿爾噶隆寺屢擒賊黨嗣奮威將軍岳鍾琪征卓子山番賊在璿同各土司運軍糧六年卒無嗣弟在璣仲牙次子也仍嗣伯牙後襲兄職乾隆三十三年病休子調元襲職撤拉陷河州調元率屬土兵守碾伯城復奉調守巴煖城鹽茶回田五作亂調元守魯班峽旋奉檄防守省城子肇衍襲職嘉慶十二年野番不靖西甯大臣那彥成檄防守黃河沿祁家渡口子壽山道光六年襲職病休子承誥襲職同治元年撤回作亂承誥協同團勇防禦六年隨官軍剿米拉溝賊奉檄回守威遠堡以勞疾卒無嗣以從兄承訓子貴玉爲嗣

甘肅新通志

卷四十二

兵防志 土族

異

尙幼承誥妻劉氏護理印務旋卒承訓護理印務光緒十一年貴

玉襲職祁氏世居西甯碾伯縣北四里勝番溝土民七百餘戶散

處西甯沙塘川 碾伯巴川 牛承納屯糧一百二十石屯草一

百五十束額設土千總二員把總四員馬步兵共一百名轄勝番

溝水磨口隘土司俸糧歲折銀五十餘兩

李南哥西番人唐晉王李克用裔元西甯州同知明洪武初歸附

授指揮僉事世襲見明史招撫流散收捕黑章砸等處番賊有功永

樂五年卒子英襲職番酋老的罕叛英擊之討來川俘斬三百六

十人雪夜窮追盡獲之進都指揮僉事二十二年中官鄧成等使

西域道安定曲先遇賊見殺掠所齎金幣仁宗初立璽書諭赤斤

罕東及安定曲先詰賊主名而勅英與指揮康壽等進討英言知

安定指揮哈三孫散哥曲先指揮散卽思實殺使者遂率兵西入

賊驚走追擊踰崑崙山深入數百里至雅令關與安定賊遇大敗之俘斬千一百餘人獲馬牛雜畜十四萬曲先賊聞風遠遁安定王桑爾加失夾等懼詣闕謝罪宣宗嘉英功遣使褒諭宴勞之令馳驛入朝既至擢右府左都督宣德二年封會甯伯祿千一百石並贈南哥如子爵英恃功驕所爲多不法甯夏總兵史昭奏英有異志英上章辯賜勅慰諭之英家西甯招逋逃七百餘戶置莊墾田豪奪人產復爲兵部及言官所劾追逃者入官七年西甯指揮祁震子成當襲父職庶兄監藏英甥也英助爲奪之至杖人死言官交劾遂下英詔獄奪爵論死正統二年始釋後稍給其祿尋卒天順元年英宗復辟官英子昶錦衣衛指揮同知尋進都指揮使擢左軍都督僉事屢分典營務以嚴慎稱子玘登成化十七年進士官至尙寶寺卿未襲玘子甯襲職卒無嗣從子崇文襲卒子光殉難者三百餘人

甘肅新通志

卷四十二

兵防志 土族

七

先襲職萬曆十一年登武進士第遷錦衣衛指揮使子化龍襲職卒無嗣從子天俞襲職闖寇餘黨蹂躪中天俞被執送西安其家國朝順治二年英親王阿濟格至關中流寇潰散天俞謁王王賜衣冠鞍馬銀兩彩緞令回西甯招撫番族五年甘州回米刺印反天俞隨總督孟喬芳征討生擒僞都司馬胡牙等十八人斬獲八十餘級復率土兵五百餘騎從克甘肅諸城十年授西甯衛指揮同知世襲子澍襲職吳三桂黨陷蘭州總兵王進寶檄澍從征澍與弟洽預調水夫五百餘名各造木筏五十餘隻由新城河口宵濟官軍並率土兵千餘騎繼進遂復蘭州臨鞏諸城擢遊擊卒無嗣弟洽襲職卒子師臣襲職雍正元年青海酋叛年羹堯檄師臣率馬步土兵三百餘守撕撻山隘捍禦擺羊戎一帶番寇二年隨奮



威將軍岳鍾琪討卓子山棋子山番賊屢戰有功子大興襲職緣  
事革職無嗣從子國棟護理印務乾隆二年襲職子世泰襲職撒  
回犯蘭州奉檄率馬步士兵二百守狄道城鹽茶回亂率馬步兵  
三百分守蘭州省城及金城關廟灘子諸隘嘉慶十八年病休子  
繩武繩武子政繼襲政子長年光緒四年襲職李氏世居碾伯縣  
東南一百二十里上川口土民四千餘戶散處上川口 杏兒溝  
李二堡 西甯  
祁塔兒原坡 雙全堡  
羊圈 莫爾多溝 三川歲納秋糧一千三百餘石在西甯碾伯  
二倉上納  
轄土千戶一員土百戶二員額設土千總四員把總六員馬步土  
兵三百名守老鴉峽積石頭關撕撻山峽諸隘土司歲支俸銀五  
十餘兩

趙朵爾只即朵  
只木岷州人元招藏萬戶明洪武三年歸附五年收撫  
降番九年守禦梅川十二年岷州十八族番酋三副使叛朵爾只

# 甘肅新通志

## 卷四十二

兵防志 土族

吳

從沐英討之戰於噶喇子大破番衆師還授中所百戶旋調左所  
從傅友德征雲南平之子政襲職調征哈密叛賊都伯等捕獲以  
獻調征迦連至廣漢戎又討永昌叛寇均有功子勝襲職成祖北  
征勝與都指揮李英等各率所部以從戰於五狼口魁烈河三岔  
口斬獲無算擢副千戶二十三年中官喬來喜鄧成使烏斯藏次  
畢力木江黃羊川安定曲先二指揮率衆邀劫殺朝使盡奪駝馬  
幣物仁宗大怒勅李英率西甯諸衛軍討之勝與祁鎖南等並從  
至雅令闊遇賊大敗其衆晉正千戶宣德八年剿寇於亦不刺山  
十年逐寇於鎮夷口外並有功正統元年陞指揮僉事二年邀北  
寇於涼州莊浪擊敗之遷指揮同知十二年隨甘肅鎮將任禮赴  
沙州衛收都督僉事南哥全部而還進秩指揮景泰元年破賊於  
高寺原土彌干河二年加指揮僉事天順五年追敗賊於回回墓

師還而卒子斌襲職指揮使調征美砸賊有功子琛襲職琛子威  
威子榮俱襲榮卒無嗣萬厯九年威弟坤降襲指揮同知子繼勳  
襲繼勳子建鼎建鼎子瑜相繼承襲

國朝順治二年歸附十八年仍襲指揮同知瑜子文輝襲職雍正二  
年從征卓子山有功子爾良爾良子維宗維宗子懷璧俱襲鹽茶  
回田五陷通渭縣城懷璧奉檄守冰溝口嘉慶四年卒子斑貴襲  
職七年領世襲指揮同知木質鈐記道光十年卒子基襲職基子  
光前病未襲同治初撤回不靖總督沈兆霖進剿檄光前子永齡  
率所屬土兵隨官軍搜剿山後巴燕戎格等處逆黨事竣 賞戴

藍翎光緒七年永齡襲職趙氏世居碾伯縣北四十里趙家灣土

民一百二十餘戶散處

瞿曇寺  
小兒河

雙塔溝  
勝番溝

承納屯糧三十一石二

斗七升一合屯草三百二十一束九分九釐番糧九石六斗八合

## 甘肅新通志

### 卷四十二

兵防志 土族

四

額設土千總一員把總一員步兵二十馬兵五轄板棚溝強番溝  
二隘土司歲支俸銀五十餘兩

失刺蒙古人元甘肅省郎中明洪武初歸順選充小旗駐牧西甯  
聽調遣子巴爾加仍充小旗屢征伐子阿吉襲小旗始以阿爲氏  
從本衛諸土司扈成祖北征阿魯臺戰魁列兒河有功遷總旗洪  
熙元年安定曲先賊劫朝使阿吉隨李英等追賊大破之敘功授  
百戶宣德十年卒子鎖南堅藏幼弟祥襲職祥請老鎖南堅藏襲  
職卒子雄襲職剿賊於樺林兒先登陷陣擢副千戶子正襲職北  
寇犯莊浪正隨諸軍禦之於青水擊卻之晉正千戶小王子入寇  
分黨犯永昌正復從征敗賊於狼廟兒西番賊掠本衛北川正隨  
諸土司戰於早平山賊敗遁旋進秩指揮僉事擢指揮同知子清  
襲指揮僉事清子朝朝子承印俱襲萬厯十年野番寇掠本衛南

川承印擊之於扁道溝力戰陣亡加指揮同知子繼勳襲指揮同知職崇禎七年卒子鎮襲職

國朝順治二年率部落歸附未幾卒無嗣鎮從子世慈襲職康熙四十年卒子維聘護理土務旋病廢維聘子珍襲職卒無嗣珍再從子學美緣事未襲學美子進廷襲職撤回叛進廷率土兵守碾伯城旋赴老鴉峽防禦四十九年逆回張文慶陷通渭城據石峰堡進廷復率土兵協同老鴉營官兵赴南山防胭脂溝諸隘事竣乞休嘉慶七年領世襲指揮同知木質鈴記未幾卒子英賢英賢子文選俱襲同治四年逆回陷老鴉堡文選率土兵禦賊於隘賊癘集無數衆寡不敵死之部下兵勇燔焉光緒九年文選子保衡襲職二十年子成棟襲職阿氏世居碾伯縣東五十里老鴉白崖子土民一百五十餘戶承納屯糧四石五斗屯草三十七束五分額設

甘肅新通志

卷四十二

兵防志 土族

率

土兵二十五名無俸饗

帖木錄西甯衛土人元百戶洪武四年降附授原職十八年卒子大都襲職從都督宋晟討西番叛賊屢戰獲捷遷千戶永樂七年卒子甘肅襲職始以甘爲氏十九年扈成祖北征有斬級加鎮撫正統元年阿臺朵爾只伯寇肅州肅隨官軍進討累戰皆捷擢正千戶子林襲職林子祥襲職卒無嗣弟福襲卒子宗禹襲職正德七年同千戶阿吉等剿番賊於旱平山屢有斬獲進秩指揮僉事子楨襲職楨子文明襲職崇禎十六年流寇擾西甯文明子繼祖家被掠失承襲號紙

國朝順治二年繼祖率衆歸米喇印反繼祖從總督孟喬芳平賊有功未及襲職卒吳三桂逆黨延及隴右陷蘭鞏諸城繼祖子廷建率土兵三百守黃河渡口復隨王進寶征討驅川賊吳之茂等出

境隴右以安又從大軍剿平西寇敘功襲指揮僉事原職雍正元年青海酋叛廷建子國振率士兵守黃河渡口爭竣因病未襲卒子宰鳳亦以疾未襲宰鳳子靈芝襲靈芝子三元保旋襲職四十六年撤回叛亂三元保率士兵守巴煖城鹽茶反復守冰溝口嘉慶二年卒子作霖襲職七年領世襲指揮僉事木質鈐記子世榮襲職世榮子鍾瑛光緒四年襲職甘氏世居碾伯縣東南二百三十里美都川土民三百餘戶散處美都川甘家崖暖只溝承納屯糧五石九斗一升九合屯草二十八束三分三釐額設土千總一員把總一員兵二十五轄鄂家渡口清水峽二隘土司俸糧歲折銀四十餘兩

卍鐵木西甯州土人明洪武四年投充小旗永樂三年卒子金剛保襲從成祖北征追木雅失里不及移征阿魯臺連戰於元冥河

甘肅新通志

卷四十二

兵防志 土族

至

於靜慮鎮於廣漢戍金剛保皆有功復從指揮李英討番酋老的罕於沙金城大破之十一年迤北蒙古犯邊隨官軍禦之獲斬級功二十年再扈成祖北征敗賊於魁列兒河擢千戶尋卒子朱榮襲職始以朱爲氏從都指揮李英追安定賊與戰斬獲頗衆明日復戰深入沒於陣子洪啟襲職加指揮僉事從都督史昭追賊至散思恪思大敗其衆獲駝馬牛羊阿臺朵兒只伯犯涼州鎮番洪啟從總兵官陳懋禦之於黑山力戰破賊獲牲畜無數子堯義襲職堯義子鮮未及襲鮮子臣襲職臣子成成子清俱襲清子秉權未襲值明末流寇賀錦之亂失官誥號紙

國朝順治二年秉權偕子廷璋歸附康熙十四年吳三桂黨陷臨鞏蘭州廷璋率所屬士兵隨總兵王進寶屢戰破賊克復諸城三十六年入貢獲 賞四十年仍授指揮僉事世襲子宸宸子永泰鈞

未及襲永泰子孫林襲職撤回作亂孫林率土兵防守巴煖城及積石關烽臺山等隘口子貴貴子協繼襲同治四年湟中羣回肆逆協殉難衛署鈐記俱燬光緒七年藩署刊給世襲土司朱僉事木質鈐記十一年協子廷佐襲職朱氏世居碾伯縣東南二百四

西甯府志作八

十里朱家堡土民六十二戶承納秋糧三十石五斗九升

七合額設土兵二十五名守黃河隘口無俸饗

薛都爾丁西域纏頭回人元甘肅省僉事明洪武四年降附授小旗子也里只補役洪熙元年從征安定賊有功擢所鎮撫子也陝捨襲職陝捨子也榮襲職後以病廢榮子祥襲職更姓治北寇犯涼州祥隨官軍赴靖邊驛防剿戰於樺林兒賊敗遁宏治八年土魯番據哈密祥從甘肅巡撫許進往討土魯番遁入哈密九年授百戶十三年復加一級擢副千戶正德六年小王子黨寇鎮番

# 甘肅新通志

## 卷四十二

兵防志 土族

五

祥同諸軍禦賊卻之遷正千戶西番寇掠北川祥與衆土司敗賊早平山斬級甚衆陞指揮僉事子珍襲職從征有功授甘肅左協副將卒於任子鸞襲職以戰功授鎮羌營守備緣事被揭旋禦寇陣亡隆慶五年鸞子爲鑑辯復祖職仍襲指揮僉事爲鑑子國器襲職從征伐疊著戰功陞授北京昌平副將崇禎十一年

大清兵入牆子嶺至昌平川國器出戰陣亡順治二年國器子鼎歸附十七年回匪治達爾漢等叛投青海誘海夷入掠米拉溝鼎同土舍治惟合等禦之殺達爾漢及海夷九名生擒二名以獻康熙十四年鼎復同惟合等擒叛弁馬進忠正法仍授西甯衛世襲指揮僉事子光斗光斗子體正俱因病未襲五十年體正子俊祥管理土務雍正元年從總兵黃喜林剿擺羊戎逆番殺獲甚衆後隨襲職卒無嗣從子承唐襲承唐子進忠襲職旋以疾乞休子鎮邦

襲職同治十年子殿臣襲職光緒五年卒子廷鳳應襲治氏世居碾伯縣東南一百二十里米拉溝土民七十餘戶承納屯糧四十八石屯草二百五十束額設土千總一員把總一員馬步兵二十五轄青石柳峽治後山二隘無俸饌

李化鼈明世襲西甯衛指揮同知化龍之弟錦衣衛指揮使光先之次子也

國朝順治二年投誠屢從征伐有功授職百戶先是甘州回米喇印等反化鼈子天申率土兵隨本衛土司李天俞討擒賊黨馬胡牙等功最授碾伯所掌印都司職管理民務倉糧十四年蘭州之役天申隨土司李澍調水夫五百餘名造木筏於新城河夜渡官兵遂克蘭州及臨鞏城總兵王進寶嘉其功授都司劄付令回原任未經襲職卒雍正元年青海首羅卜藏丹津反天申子堯臣率土

甘肅新通志

卷四十二

兵防志 土族

三

兵守松樹莊斯撻山諸隘防禦擺羊戎番賊亦未襲職卒時大軍征卓子山堯臣子大集護運至天堂病歸亦未襲乾隆十二年大集子國鼎襲職國鼎子世元襲職卒無嗣弟世功襲職嘉慶七年藩署刊給碾伯縣九家巷世襲百戶管理土務木質鈐記亦無子以族子繩祖爲嗣襲職咸豐十年卒子做遭回逆之亂請襲未報光緒十五年做子長庚襲職李氏世居碾伯縣城九家巷土民一百餘戶分住松樹莊虎拉害等承納屯糧二十三石三斗四升三合屯草三十九束一分五釐額設土兵二十五名轄南山後巴燕戍斯撻山隘口無俸饌

朵力胤西甯州土人明洪武四年投充小旗子七十狗襲役隨土官李英扈駕北征連敗阿魯臺於元冥河等處又赴涼州沙金城討叛酋老的罕大破其衆瓦刺馬哈木入寇成祖北征朵力胤隨

諸土司扈從戰於忽蘭勿失温大敗之從征兀良哈敗賊於魁列兒河獲駝馬牛羊洪熙元年追安定賊連戰破之師還陞總旗未幾卒子辛莊奴襲役始以辛爲氏宣德三年卽爾加族番賊不靖莊奴隨李英剿平之五年隨總兵官史昭剿賊於散昔思陣斬賊級獲駝馬等畜十年隨本衛指揮陳斌赴涼州鎮番剿寇至黑山遇阿臺朵爾只伯兵擊敗之有斬級功正統元年授西甯衛百戶子榮襲職榮子政政子海俱襲海卒無嗣弟寶降襲試百戶吉囊犯甘涼寶從總兵官姜夷擊之戰於黑馬圈陣亡子威襲職威子世安襲職調署涼莊截北寇游兵後病休世安子方略赴西甯請襲行至古鄯入字嶺遇賊番答爾加宗等被戕

國朝順治二年方略子偉鼎投誠仍授試百戶職子振邦從征臨蘭鞏秦有功與子郎俱以疾未襲郎子必正必正子廣賢襲嘉慶七

## 甘肅新通志

### 卷四十二

兵防志 土族

焉

年藩署刊給碾伯縣世襲土百戶木質鈐記道光三年廣賢子長壽襲壽子三元以疾未襲同治四年回亂湟中堡寨俱燬三元子德成挈其子裕後避賊居藏地光緒十二年歸里以疾未襲德成子裕後應襲辛氏世居碾伯縣東南二百八十里王家堡土民一百餘戶承納屯糧二十八石四斗五升四合屯草九十九束五分五釐額設土兵二十名轄乾溝老鴉紅崖二隘無俸饌

哈喇反西甯州土人明洪武四年投充小旗子薛帖里加替役以功授百戶子喇苦襲以功陞副千戶遂以喇爲氏苦子貴襲職貴子泉襲以功陞正千戶泉子成未及襲成子珊瑚子憲俱襲憲子應詔未襲卒無嗣應詔弟應誼襲職嘉靖末應誼子登榮襲職

國朝順治二年登榮子光耀投誠給與指揮僉事劄付光耀子運昌未襲運昌子瓚亦以疾未襲瓚子俊英應襲喇氏世居碾伯縣東

南二百八十里喇家莊松門楊氏應琚曰按甯郡土司計十六家皆自前明洪武時授以世職安置於西碾  
二屬是時地廣人稀城池左近水地給民樹藝邊遠旱地賜各土  
司各領所部耕牧內惟土司陳子明係南人元淮南右丞歸附餘  
俱係蒙古及西域纏頭或以元時舊職投誠或率領所部歸命嗣  
後李氏和氏治氏皆膺顯爵而建忠勳迨至我 聖朝俱就招撫  
孟總督喬芳請仍 錫以原職世襲今已百年輸糧供役與民無  
異俊秀讀書亦應文武試如和伯身兄弟已登科目立功名爲  
國家大臣惟是生息蕃庶所分田土多驚民間與民錯雜而居聯  
姻結社並有不習土語者故土官易制絕不類蜀黔諸土司桀驁  
難馴也第彼官民多空乏惟事耕耨雖有額  
設軍馬有名無實調遣接濟不逮甯兵遠矣

### 平番縣

鞏卜失加元裔父脫歡封武定王爵兼平章政事明洪武四年率  
諸子暨部落歸附太祖授鞏卜失加爲百夫長俾統所部居莊浪  
以功陞百戶永樂初殉阿魯臺之難傳子失加累官莊浪衛指揮  
同知賜姓魯氏正統末子鑑襲職擢署都指揮僉事成化四年固  
原滿四反鑑以土兵千人從征諸軍圍石城日挑戰鑑出則先驅

## 甘肅新通志

### 卷四十二

兵防志 土族

三

入則殿後最爲賊所憚賊平進署都督同知尋充左參將分守莊  
浪命其子麟爲百戶統治土軍十七年坐寇入境戴罪立功尋充  
左副總兵協守甘肅寇犯永昌被劾鑑疏辯第停俸兩月俄命充  
總兵官鎮守延綏自陳往功予實授孝宗立得疾致仕宏治初命  
麟襲指揮使加都指揮僉事旋進同知充甘肅遊擊將軍魯氏世  
守西陲有捍禦功至鑑官益顯其世業益大而所部土軍生齒日  
盛麟既移甘肅帝以土軍非鑑不能治特起治之且命有司建坊  
旌其世績鑑乃條上邊務四事多議行鑑有材勇遇敵輒冒矢石  
數被傷不爲沮故能積功至大將十五年以舊創疾發卒贈右都  
督賜卹如制時麟由甘肅參將擢左副總兵豪健如其父而恭順  
不如先爲遊擊時寇入永昌失律下御史按問當戍邊但貶一秩  
遊擊如故暨爲副將調鞏州禦寇寇大入不能擊遣都指揮楊琳



遊之孔壩溝琳大敗不救連被劾麟自懇止停俸二月時已授麟子經官令約束土軍而麟奏經幼土人不受要束乞歸治之不俟報徑歸帝用劉大夏言從其請武宗立甘肅巡撫畢亨薦經及麟謀勇令率所部協戰守正統三年經既襲指揮使自陳嘗隨父有功乃以爲都指揮僉事未幾麟卒贈都督僉事賜祭葬故事都指揮無卹典以經乞破例子之經積戰功再遷都指揮使充左參將分守莊浪特命爲署都督僉事世宗立乞休巡撫許鳳翔言經力戰被創疾行愈且世將敢戰知名異域今邊患棘不宜聽其去帝乃慰留勞以銀幣尋充副總兵分守如故嘉靖六年冬以都督同知充總兵官鎮守延綏大學士楊一清言經守莊浪二十餘載屢立戰功其部下土軍非他人所能及其子瞻雖爲指揮僉事奉命統轄然年少今陝西總兵官張鳳乃延綏世將調鳳延綏而改經

## 甘肅新通志

### 卷四十二

兵防志 土族

五

陝西自可彈壓莊浪無西顧患帝立從之居二年以疾致仕久之命瞻以本官守備山丹經奏言自臣高祖後世守此土今臣家居瞻又移他鎮土軍皇皇不欲別附若因此生他患是隳先業而負世恩也乞令守故業報可二十二年宣大有警詔經簡壯士五千赴援及至而邊患已息乃遣還以經力疾趨召厚賚之明年瞻卒經以次子及孫皆幼請得自轄土軍詔許之經驍勇奉職寡過繼祖父爲大帥保功名稱良將三十五年卒賜卹如經制次子東襲指揮使積功以都指揮體統行事歷任延綏總兵東子光祖襲指揮使以功陞都督僉事子印昌襲職以功陞都督同知崇禎十年任西甯副總兵及闖寇犯河西印昌詣連城散家財享士卒提兵至西大通遇賊黨賀錦揮兵奮戰部卒被傷殆盡遂沒於陣

國朝順治十六年印昌子宏襲指揮使

錫之勅印宏卒嫡子帝臣幼以族人魯大誥代理土務會吳逆叛宏妻汪氏捐軍糧四百石加世職二級二十五年帝臣襲職卒無嗣母汪氏護理印務三十一年帝臣兄帝心襲職宏之猶子也帝臣未生之先宏卽養爲子五十七年太兵征西藏帝心病不能行子華齡以參將劄付代領土兵從征旋襲職以功給參將銜俸署西甯鎮標左營遊擊歷署永昌協副將涼州鎮總兵補甘州城守營參將華齡子鳳翥先以衛千總銜帶土弁土夫赴關外踏實堡昌馬湖紅柳灣屯田至是以華齡屢遷他鎮護理土司印務乾隆九年襲職大軍征準噶爾鳳翥辦解戰馬協濟臺站軍馬疊加軍功二級子璠襲職四十六年撒拉回攻圍蘭州會城璠率土番兵三百人赴援戰於亂古堆坪賊悍甚兵無後繼所部死亡殆盡璠負重傷猶裹創力戰竟突圍歸營事 聞加一等職銜 賞戴孔雀翎

## 甘肅新通志

### 卷四十二

兵防志

土族

五

鹽茶回復反璠領土番兵防守蘭州城五十三年卒子紀勳幼妻孫氏暫護土務五十七年紀勳襲職初大軍征廓爾喀孫氏曾捐柴二萬斤及是紀勳獲 賞戴花翎嘉慶二年四川教匪作亂紀勳率土番兵三百人從征有功道光六年逆回張格爾犯邊陷喀什噶爾英吉沙爾葉爾羌和闐四城楊威將軍長齡進討紀勳奉檄購辦駝隻運軍糧敘功加二品頂戴九年安集延擾回疆大兵進剿仍承辦駝隻紀勳娶額駙阿拉善親王女緣此習尙豪奢盛極而衰子桑爾濟賽爾丹早沒嫡孫如皋襲職咸豐初如皋捐助軍饗加隨帶二級七年省城修建錢局捐本管山場木植數萬株值錢百四十餘萬加二品頂戴 賞戴花翎同知初回亂以功加副將銜十三年西甯肅清加提督銜 賞給譽勇巴圖魯勇號光緒十九年如皋卒子燾幼母和碩特氏護土務二十一年四月燾

嗣職魯氏自燾以上世襲掌印土司指揮使駐紮莊浪分守連城  
在平番西一百四十里轄境東至莊浪東之野狐嶺爲界南至皋  
蘭縣之張家河灣河州之思家臺碾伯之川口等處爲界西至碾  
伯縣之冰溝口坪山爲界北至平番縣鎮羌驛之黃泥岡喜鵲嶺  
爲界內水田一千一百九十五畝旱田無頃畝歲共出市斗幫糧  
一千二百石管掌印指揮僉事一員指揮使二員指揮同知一員  
正千戶一員副千戶一員百戶二員土民十旗戶三千二百四十  
五口二萬一千六百八十六番民八旗守棋子山等八隘詳番文  
屬甘涼道管領武屬西甯鎮統轄土司歲支俸銀七十六兩六錢  
不納糧亦不支饌

甘肅新通志

卷四十二

兵防志 土族

五

臣曾姪孫典已襲祖職率土兵擊賊

國朝順治二年典率衆土司投誠陝西總督孟喬芳嘉其功委署鎮  
海營參將隨大軍征剿三年剿甯夏香山賀武二寇又剿莊浪十  
七族逆番屢獲戰功甘州回米刺印反典隨官軍征討恢復甘涼  
諸城授鎮羌營遊擊十八年襲指揮僉事原職

錫

之勅印典自陳前功加都督同知旋擢靖遠衛副將康熙六年卒於

任子公訓襲職五十九年卒子岱護理印務雍正元年青海酋羅  
卜藏丹津叛岱率土兵守老鴉峽二年大兵剿棋子山逆番隨營  
効力均有功未及襲職卒岱子甸邦襲職甸邦子萬策萬策子榮  
宗榮宗子斑斑子緒周相繼襲同治三年回變緒尉率所部禦賊  
陣亡子燧襲職光緒十一年卒子服西襲職自服西以上世襲掌  
印土司指揮僉事歲俸銀四十八兩九錢六分轄紅山堡 趙家

莊 炭洞溝

炭山灘子 浦家莊 蘇家莊 泉兒灣 東山 旱坪 等處番  
民不納糧不支餼管土兵五十名屬世襲掌印土司指揮使統轄

魯鏞元裔與魯鑑同族明時以官舍隨征効力防榆林邊有功授

總旗鏞卒子瑜替役以功擢試百戶瑜卒子雄襲職實授百戶雄

卒子耀襲職耀卒子世威襲職世威卒子登閣襲職

國朝順治二年登閣子大誥隨魯希聖等歸附仍授前職五年甘州

回丁國棟反大誥同希聖父子禦賊斬其黨哈遇龍康熙十四年

吳逆黨陷蘭州西甯總兵王進寶討之大誥率土兵至張家河口

乘夜渡河遇賊新城大戰殺賊數百身斬級三靖逆侯張勇圍鞏

昌大誥從征數有克捷委署鎮羌營遊擊以恢復臨洮功加都司

僉事又捐助軍糧授指揮同知晉指揮使世襲子景文襲職景文

子肇封肇封子瑩瑩子世貴均襲世貴卒弟世昌襲職道光二十

年卒子浴德幼妻朱氏護理土務嗣浴德襲職同治十一年卒

子廷棟襲光緒十九年卒子瞻泰襲自泰以上世居古城襲土指

揮使歲領俸銀七十三兩四錢四分納倉斗糧五石八斗五升五

合草五十八束有奇銀二分五釐二毫九絲管轄

黃羊川島 海

吳家園 王家散岔 水蒲 管羅灣

馬家 他喇細沙溝 等處不管土民率舍餘親丁効力

魯之鼎與魯典同族明時世襲土指揮使

國朝順治二年隨典率衆投誠逆回米喇印反甘州之鼎同典率土

兵堵剿恢復甘涼二城八年仍襲指揮使原職卒康熙十四年陝

西提督王輔臣反甯羌戕經略受吳逆偽劄還據平涼分黨陷臨

鞏蘭州之鼎子文郁率土兵隨西甯鎮兵進討同魯大誥夜渡黃

河破賊新城克復諸城有功十六年襲職子秉純未襲卒乾隆七

年秉純子翼參襲職翼參子國治國治子憲章憲章子勵權均襲

職

甘肅新通志

卷四十一

兵防志 土族

羌

勵權光緒十八年卒子如蘭早歿如蘭子維禮襲職自維禮以上世居大營灣世襲土指揮使歲領俸銀七十三兩四錢四分納倉斗糧二石二斗有奇草二十一束銀二毫六絲管轄大沙溝 西坪下浪排細溝 乃麻灘 工匠等處三渠 西灣不管土民率舍餘親丁効力

魯福魯鑑次子也從鑑征討屢立戰功明正德十四年授本衛指揮僉事卒子恩襲職嘉靖二十四年率士兵進剿番賊力戰陣亡子相襲職以父死事功加陞指揮同知子師亮襲職師亮卒子承勳襲職授黑城營守備卒於任

國朝順治二年承勳子培祚隨魯典投誠剿殺甘涼叛回有功襲指揮同知原職子維藩襲職雍正初棋子山棹子山逆番猖獗維藩隨奮威將軍岳鍾琪進剿有功十一年卒子華祝襲職華祝子荀

### 甘肅新通志

### 卷四十二

兵防志 土族

卒

清荀清子振先俱襲撒拉回亂振先隨魯瑩等防守享堂峽炭溝洞鹽茶回復作亂復隨瑩等防守東山楊家寺嘉慶六年卒子紀文襲職紀文子顯顯子箴相繼襲光緒十七年箴子應選襲職自應選以上世居西大通峽口世襲土指揮同知歲領俸銀五十三兩四錢管轄馬莊湯房等處不管土民率舍餘親丁効力不納糧魯國英元裔明正千戶傳子宗周孫大謨均襲前職

國朝順治二年投誠隨魯典剿甘涼逆回力戰陣亡康熙十四年大謨子景成從遊擊魯大誥破賊復蘭州臨鞏等敘功仍襲正千戶世職子元封襲職元封子天嗣天嗣子建基建基子廷俊廷俊子陞陞子朝陽相繼承襲光緒五年朝陽子福山襲職自福山以上世居古城歲領俸銀四十二兩八錢四分轄紅沙川一境不管土民不納糧率舍餘親丁効力

魯三奇元裔父邦俊明世襲副千戶

國朝順治二年三奇隨同族魯典歸附五年從典征剿甘涼叛回有功九年襲副千戶原職康熙十年卒子檜襲職乾隆初乞休子君裔襲職君裔子烈烈子宗禹宗禹子岳岳子國榮國榮弟國宰俱襲光緒十六年國宰子政襲職自政以上世居馬軍堡世襲土副千戶歲領俸銀三十二兩六錢四分不納糧不管土民率舍餘親丁効力

西坪土官楊茂才明正百戶崇禎末闖寇亂河西茂才隨魯典等禦之於冰溝口斬獲頗衆

國朝順治二年隨典投誠五年甘州回米喇印反茂才隨典等邀賊於鎮羌敗之九年仍襲原職子耀先未襲康熙三十五年耀先子廷秀襲職雍正七年卒子柱襲職旋乞休子嘉麟襲職嘉麟子萬

## 甘肅新通志

### 卷四十二

兵防志 土族

三

昌萬昌子國寶國寶子得榮俱襲同治中逆回叛得榮避難遠逝不知所終

西六渠土官何倫明時充小旗倫子榮以功陞總旗榮子保以功授試百戶保子通未襲通子隆寶授百戶隆子雲未襲

國朝順治二年雲子進功隨魯典投誠五年隨典剿叛回米喇印等恢復甘涼諸城敘功給都司職銜康熙十三年從征四川遇賊廣元縣奮力先登歿於陣進功子起麟襲職起麟子清未襲清子承先襲職承先子毓璠毓璠子廷相廷相子萬策俱襲萬策卒無嗣弟萬全襲職同治四年捍禦逆回創重而卒子臣福應襲率舍餘親丁効力不管土民不納糧

楊國棟明指揮同知

國朝順治二年降附五年隨土官魯典等剿甘涼叛回有功九年復

襲指揮同知康熙二年卒十四年國棟子于庭襲職于庭子洪啟  
洪啟子復興復興子俊俱以病未請襲後無考

魯察伯明實授百戶傳子澄孫才並襲前職才子三价未襲三价  
子得英襲職得英子維新未襲

國朝康熙十六年維新子襄仍襲實授百戶職子元龍未襲乾隆三  
年元龍子綬請襲未奉部覆後無考

海世臣明指揮僉事世臣子龍襲前職

國朝順治二年龍子洪舟投誠從征甘涼叛回有功九年仍襲指揮  
僉事長子日升次子內啟俱未襲內啟子承祖應襲後無考

### 永昌縣

西山流水溝寺土千戶一乾隆元年授番目地家太為土千戶乾  
隆十五年卒子木切令承襲兵部頒換號紙五十七年以病休子

## 甘肅新通志

### 卷四十二

兵防志 土族

奎

木棟柱襲道光元年病子木押里泮承襲十七年以病休其弟地  
木俄恩宗悟襲職二十七年卒其姪地木噤响本品行端方眾悅  
服至今應襲其職為土千戶管理番民五族

### 番部

#### 狄道州

番民三族 上師 中師 下師 俱歸趙土司轄

#### 河州

珍珠族 世襲國師一 禪化族 世襲國師 靈藏族 世襲禪師 札藏族 世襲百戶 沙馬

族 世襲指 葱灘族 老鴉族 撒刺族 川撒族 打刺族 向

化族 古都族 巴咱族 紅崖族 端言族 回回族 迭古

族 仰化族

以上皆康熙時舊族惟撒刺住居積石關外餘盡雜處二十四關

之內去州治或四五十里百餘里不等今其存者若珍珠老鴉撒刺等族大都屬循化廳矣

洮州廳

廳屬番族 買烏八旗在城西北一百四十里原循化屬光緒初年始撥歸洮州 惡化五旗在城西一百三十里 唵著族在城西南一百九十里 麥細族在城西南二百九十里 吉札族在城西三百四十里 石藏族在城西四百二十里 雙岔族在城南七百八十里 阿辣族在城南七百一十里

以上八族共大小九十餘處今洮人謂之南番即其地也

土司楊積慶屬番五百二十族 上冶杓哇旗境距洮城一百三十里 力吾

族 拉什族 的力族 尤路族 江卜那族 瞎的族 郭加

族 拉哇族 公哈族 班麻旗境距洮城一百四十里 勇占族 札占族

兵防志 番部

甘肅新通志

卷四十二

三

札郭族 納索族 邊古族 哈多族 拉龍族 洛哇族

多力族 岔麻竜的吾旗境距洮城一百二十里 岔巴族 札蓋那族 多

力那族 的吾多族 的吾甫族 麻竜族 約沙必拉旗境距洮

城八夏拉的族 必拉族 約沙族 哈札族 作那族 拉蓋

族 巴大族 多力禾旗境距洮城一百二十里 臺你義族 拉子義族

則你義族 七古族 拉子族 你藏族 道當族 柏古族

西莊族 上答峪族 下答峪族 阿夏旗境距洮城一百二十里 那蓋族

阿大什族 克浪族 西居族 拜賽族 那古族 你哇族

自目族 麻竜族 上下加力族 達舍族 白土嘴族 代

麻旗境距洮城一百五十里 多藏族 交那族 力尤族 杓連族 郭札

族 上下賽巴族 巴拉卡族 巴拉多族 尤哈族 卡加族

鼻子族 阿朮旗境距洮城八十里 角纏族 公沙族 公岔族 拉



的族 卡彥族 哈竜他族 哈力那族 才木車族 些藏族

惡巴族 灰老多族 沙麻竜住旗境距洮城八十里 哈力那族 沙

而多族 哈巴族 土橋旗境距洮城七十里 大札族 土橋族 畚哈

族 文布他族 尙多族 多力車族 牙象族 代象族 達

拉旗境距洮城三百二十里 蓋藏族 高則族 捏拉族 勻藏族 那象

族 那象古吾族 岡古族 加哈那族 七哇族 岡令族

古加族 那旦族 那蓋族 那知族 甫哇族 賽中族 善

札旗境距洮城一百二十里 巴什哈族 奮古族 甫拉多族 阿及那族

夏哈多族 夏占多族 私吾格族 象吾族 額臚那族

大你什族 札著他族 郭大族 他札你什族 足象族 卡

子族 郎望甫族 桑旺的哈族 札古象族 迭當旗境距洮城一百二十里 力吾族 立住族 宋巴族 哈相族 強沙族 迭當什

甘肅新通志 卷四十二

兵防志 番部

畚

族 甘棠族 的令多族 日入族 拜的族 象力茶族 楞

多族 哇占族 麻路族 牙象族 撻巴溝旗境距洮城一百六十里 江

纏族 買力你族 買力什族 哈札族 格拉族 銀加族

工巴族 郭札族 什空族 郭勻族 札自族 麻札族 竜

多族 多禾族 肖吾族 盤交族 阿及那族 丹哈族 卍

力達加的吾哇買桑旺甫多旗境距洮城一百里 的吾族 勻洛巴族

達加族 大路什族 你賽那族 奮加多族 桑旺甫族 哇

買族 夏路族 大化路族 他象那族 桑旺多族 康木車

族 亂力族 峪占兒族 峪象那族 柴你族 包吾什旗境

距洮城五十里 甯古族 阿自那族 古占族 歪則那族 日子那族

夏路族 札遜族 拉子族 古巴族 路哈族 杓巴舍族

夏視族 大哈族 巴竜什旗境距洮城六十里 惡藏族 古巴牙固

甘肅新通志

卷四十二

兵防志 番部

壘

族 古路茶子族 那麻大族 六角族 古彖族 班札牙竜

族 加哈彖族 甘札牙彖族 純札族 六蓋族 巴竜族

卓哈那族 班札麻彖族 麻札族 甘卜他族 倉禾族 朱

子那族 疊必那族 小朮部旗境距洮城五十里 勻洛族 撥勻族

思布族 車拉族 牙大族 盤院族 拉在岔族 柏路他族

卡杓哈族 拉子多洛族 甫札什族 坐洛什族 答知那

族 那子卡族 甫札哈族 朱札七旗境在洮河陰陽兩岸距洮城六十餘里 車

路溝族 大力那族 知知族 下卡占族 上卡占族 色樹

那族 格古族 無住那族 拉加族 沙的族 什彖那族

日入族 彖日那族 沙隘族 朮細那族 彖壩族 的古族

買蓋族 遠子多族 郭札族 哇日族 奮大族 怕路扭

子族 拉力族 加當族 勻泥溝族 牙兒族 阿吾茶族

拉札口族 巴吾族 麻的卡族 多加族 那兒族 潑要族

多洛族 奮蓋族 杓札牙力族 老拉哈族 用路族 你

蓋族 哈占族 用路光族 口兒的族 亂彖卡族 朮彖族

阿布岔族 你住族 拉蓋族 牙札族 的然族 拉勻族

多札族 立那族 若哇族 卓泥甫族 必那族 拉吾族

竜古族 朮然族 朮的那族 壕路族 莫勿族 古路族

朮安族 卓泥族 杓藏族 冰角族 柳旗溝族 哇路族

朮路族 卡什山族 杰巴山族 麻兒族 卜漁族 力賽

族 當多旗境距洮城三百四十里 加的族 疑勿族 大哈族 秘旦那

族 多那族 當多必若族 何力族 當多族 舍木族 亦

哇旗境距洮城二百四十里 大力族 約巴族 娘里族 哈占族 崖藏

族 多勿族 拉娃族 奮家族 大爾族 哈札族 朋多族

敖及力中族 那加族 牙自族 牙西族 卜岡族 沙力

族 竹吾族 牙乃族 知自族 麻乃族 甯巴旗境 距洮城二百四

里竹象族 多肉族 要力族 阿路族 卡象族 拉那族

拉路族 拜札族 札力族 上疊部拜札旗境 距洮城二百四十里 你占

族 哇尤族 截札族 初代族 丹哈族 沙愛族 合力族

加力族 麻竜族 丹哈牙竜族 上疊部哇巴旗境 距洮城二百三

里才卡族 次象族 沙拉族 念古族 吾子族 作什族

作愛族 牙愛族 郭札族 麻路族 朋多族 愛巴族 空

自族 日蓋族 卡買族 札哈族 下臺族 肉甫族 肉竜

多族 上疊部什巴旗境 距洮城二百四十里 答竜族 敖敖族 包在族

年下族 撒浪族 歪佳卡族 牙古族 上疊部買麻卡送

旗境 距洮城二百四十里 札什族 你象族 甲者族 谷古族 卒如族

甘肅新通志 卷四十二 兵防志 番部 奕

卡浪族 工古族 你什族 舍舍族 阿自他族 以上四

旗即古疊州地 拉布什旗境 距洮城一百二十里 羊沙口族 秋峪族

夏哇族 山旦嘴族 象院山族 南溝族 哈家灘族 哈六

族 東山族 閻家山族 牌路族 東古族 什拉路族 力

洛族 陽莪族 大溝族 山旦族 沙札族 結納族 卡日

山族 牙兒山族 盧家山族 朱古象族 四下川族 達窩

麻那族 達窩牙那族 納兒族 卡苗族 白石嘴族 丁哈

族 哈布族 夏家山族 哇兒溝族 牛營族 私吾什旗境

距洮城十五里 阿吾多族 思古多族 下哈族 拉竜族 朮札族

冰艾族 亂路族 洛巴族 朮札那族 火兒札族 連族

娘下族 眼藏族 拉麻那旗境 距洮城一百二十里 知巴族 酌那族

圖札族 浪札族 冬蓋那族 駝洛麻古族 駝洛卡古族

納浪大族 納浪小族 若竈族 朝勿族 冬禾索旗境距洮

城五十里答札族 秋各族 多巴族 那力族 郭索族 小族

拉路族 雲江族 尤舍族 大峪溝旗境距洮城六十札那族 奮

力古族 七車族 占占族 洽卜族 冰古族 他古族 札

列族 阿亦那族 其卜族 口子下家人旗境距洮城二十口子下

族 娘夏族 肉路溝族 捏仁族 尤怕初陰陽二旗境距洮城一

百八十里純哈族 居日族 豆吾族 勿約族 夏札族 蓋夏族

車力代族 車力買族 拜札族 的力族 卡買族 銀固

族 舊怕子族 新怕子族 黑番陽山旗境距洮城四拉亦族

曾布族 日日族 瓜子溝族 纏坪族 下達念族 上達

念族 力族 黑番鐵壩旗境距洮城五札路族 鐵壩族 喇

嘛蓋度族 言坪族 買竜溝族 駝什族 拉哈族 如蘭族

甘肅新通志 卷四十二

兵防志 番部

奎

岔坪溝族 陰折族 多折族 上木頭嶺族 下木頭嶺族

喬玉族 西吾族 王家山族 小古的壩族 大古的壩族

西州族 瞎閏族 干杆族 黑番陰山旗境距洮城四上駱

駝族 麻尼山與見道族 下駱駝族 谷來壩族 旦代族

康哈族 駝老族 岔岡族 古當族 角兒族 黑番代巴旗

境距洮城五見的族 古的壩族 阿竜溝族 懷溝族 兩岔

壩族 陽坡族 的兒坎族 克麻溝族 支亦族 崖石頭族

卓兒浪族 朮滿族 蜂園子族 札答族 江哈那族 茶

路族 下疊部截你溝旗境距洮城四東路卡族 牙力卡族

皂子卡族 代如卡族 象亦那族 初象卡族 甫吾族 你

拉卡族 卡浪族 你占族 什拉族 可代卡族 亦札族

蓋舍卡族 冬哈卡族 札古卡族 你蓋卡族 則知族 娘

如巴族 拉哈族 錯日族 尼俄娃藏旗境距洮城二百四十里 次力那

族 俄你族 瞎阿卡族 納浪甯族 哇藏族 你巴族 板

札族 阿思族 麻牙族 唵子旗境距洮城二百五十里 你力卡族 從

的族 娘札族 什空族 竜哈卡族 竹象竜卜族 歪力卡

族 吾賽卡族 次力卡族 卡巴力秀旗境距洮城二百四十里 朮自甫

族 苦你族 怕哈族 苦牙族 錯日什族 卡巴族 力秀

古族 力秀愛族 娘如族 娘哈族 娘愛族

土司管天錫屬番七十六族 上西路旗境 烏藏族 麻大族

申臧族 干臧族 前後左那族 古占山族 加哈路族

大哈族 古占川族 板臧族 迭巴族 干布他族 月札族

拉直族 煙箭溝族 下西路旗境 宜舍族 目的破族

端溝族 青泥河族 業路族 口兒亂族 拉布族 壕路族

甘肅新通志

卷四十二

兵防志 番部

奕

木鐸族 塞路族 俞家莊族 牙布族 練哈那族 丹臧

族 楮安族 牙卡路旗境 資堡族 紅崖族 的兒族 班

札灣族 新莊坡族 娘夏族 東山族 次炭族 腰路坡族

眼藏族 南溝族 眼藏灣族 灣箇嘴族 琵琶侯家莊子

族 南鄉那麻那旗境 洛臧族 窩頭族 點哈山族 車尼

山族 若巴山族 若竜族 牙呢族 羊花山族 東鄉象元

山旗境 象元山族 後溝族 哈巴溝 南山族 下哈路族

約沙旗境 惱索族 和尚山族 什拉路族 羊餓族 沙

路族 阿目族 大灣族 竹古樓族 劉旗族 北鄉拉布什

旗境 力洛族 丁哈族 卡固族 納兒族 上達窩族 下

達窩族 洽布族 元里族 夏哇族 拉接族

土司楊永隆屬番七族 著遜族 達子坡族 牙布族 革瀉

族 余家莊族 塔兒木多族 大蜀族

垂巴寺僧綱趙班麻多智所轄番人十族 他移那族 牙當族

木多族 先梯族 鹿巴族 洛路那族 札札族 果著族

當住那族 下路族

著洛寺僧綱楊溯洛旺秀所轄番人二十三族 著藏堡族 班

藏族 上阿子他族 下阿子他族 九日卡族 八舍族 甘

爾族 出路那族 伊子多族 力札族 上著洛族 鹿角族

他那族 簸箕帳族 上拉布族 下拉布族 那細象族

沙哈甫族 捏日族 哈古族 巴里什族 達哈族 別力族

麻爾寺僧綱馬昂旺丹主所轄番人二十一族 陽坡莊族 黃

胡族 老虎灣族 惱節族 牙當族 盤圍族 普藏什族

菜子族 達加那族 卡勺卡族 那子卡族 尤布唐哈族

甘肅新通志

卷四十二

兵防志 番部

究

著洛甫族 倉禾族 鹿兒溝族 鹿兒臺子族 板鹿他族

馬巴族 札札族 巴的族 下藏族

圓成寺僧正侯洛札旦主所轄番人四族 寺底下族 小族

木的坡族 尤爾哈卜族 按洮州志內地番人頗染漢風其俗務

無異但多居樓下而樓之上則堆積柴草焉食尚乳酪衣惟褐裘

春冬不易室中喜光潔常擦摩之使無纖塵但有羶氣襲人佳客

至則婦女饋食甚敬出則鮮衣乘馬佩刀負銃以表其氣概少年

尤甚婦女椎髮被頸而下富者首項飾珊瑚銀錢車渠瑪瑙之屬

以珊瑚穿作牌約五六寸頭戴頂名為班瑪婚娶最論財請期後

召親戚盛人馬厚財幣載羊豕親迎及門女家閉門升屋而歌壻

輩亦歌答之既啟門女輩提杓昏水徧澆之乃入布幣成禮歌舞

歡飲日以繼夜達旦迎婦去女家人馬送者稱是及門澆水夜飲

亦如之次朝女家仍載女去比十二月二十四日乃送婦夫家焉

凡生子嫡承祧餘悉度為僧嫡天傷聽一弟還俗故其戶口無所

增而往往有雜祀者此亦自滅生齒之一法重僧佞佛凡治病送

喪禱雨壓牛羊報豐年靡不作佛事親死為尤甚或死者無後族

黨即將生所積盡數給僧為佈施誦經卷名曰開經堂門雖日

外野番見喇嘛則側身立脫帽為禮及遇有名由僧不能高攀即

以馬足下土撮於頭上頂之心喜甚以為受戒矣但好鬪輕殺

雖彼此小隙必合數村人動兵馬用刀鎗擊之如戰陣然所戰之

地行道者旁觀者依然如常不避亦不怪戰後則按彼此所殺人  
數相折餘者每人納命價一百五十千文以了其事若負者恃強  
不納則欠作命債雖數十年後必報復之其有彼此酣戰勢不相  
下者餘黨即請自僧至拖禪裙擲地則戰者寂然不動任自僧調  
停之無有不遵服者雖嗜好不一其篤信自僧真為一邱之貉或  
劫奪所得或貿易所致金銀財物盡數供於自僧任其揮霍無吝  
色無怨聲其望於自僧不過一舉腕之勞使彼手及我額則榮欣  
已無極矣其葬貴人用地葬餘則葬法不一有載尸至山巔任飛  
鳥食之越日不食則謂生無善行即邀僧輩誦梵偈超度之鳥乃  
食謂之天葬又有掘尸作猴蹲勢斂以布昇置窰窰下積薪上澆  
之以以油火焚之謂之火葬染疫死者則支解而沈諸河至外地生  
番則毳幕輕遷野性難馴少耕稼所食惟酥酪及牛羊野牲之肉  
所衣惟牛羊野牲之皮而牛羊糞則作薪焉間有種圓根製作餅  
為乾圓根售諸內地持糧而去作炒麩食之者男女率無袴衣長  
裘喜右袒足履皮鞞漢語謂之駱蹠遊牧遷徙逐水草而居牛馬  
羊無數皆以山谷量其貧者或劫奪為生云 李殿圖番行雜詠  
番族由來百種羌滇池池北抵河湟卓泥世隸洮岷道囑固山南  
翻土疆 頭街茶馬舊時同手信添巴事已空木舍東西皆赤子  
信符何必鑄金銅 六哨蟲庫隸洮衙什藏雞鈴共洛巴惟有俄  
和號鼠竊橐鞬捍禦倚楊家 喇伍什巴介漢番漢番話語各能  
言聲巴力生番族西北封圻過閭關 雙垂力則尚深閨三瓣  
平分迨吉兮鐵木普兒多益善金鈎斜映月生西 班嗎青鎮髮  
髮箍辮垂豐路雜珊曼詞一唱同聲和絕勝劉家大小姑 勝  
國西陲遍驛騷法王佛子萃神皋祇今歲逐班禪隊誰把團窠製

甘肅新通志

卷四十二

兵防志 番部

牛

附番寺及僧綱世襲

戰袍 番人亦自好樓居刺噶層層板屋疏半跨山腰半溪礮上  
甯婦子下儲胥 拾蘇拉日未分明奔布昌阿夾岸迎咀疊道旁  
擎臘蓋熙然噶吉聽聲聲 翩翩帽上炫銀牌菸葦纏腰笑語諧  
有母合應思請遺忙將一鬢寘於懷 昭靖當年自請纓納麟七  
站出奇兵依稀瘦嘍成擒處偉績千秋說流英 羊嶺鵝溪古  
戰場黃頭九百豬礮房正嘉剿撫均無策漳臘何曾是大荒

垂巴寺僧綱趙班麻多智距城七十五里始祖阿旺老布藏原係  
西藏喇嘛明成化三年入關在洮州衛地西古務他誦經集來僧  
人百餘名建修寺院後因流賊變亂遂及於難寺亦焚毀其姪阿  
送惱布於正德四年重招僧人又在洮河北格吾那地建修寺院  
於嘉靖元年阿送惱布之姪洛札排銷又建寺院二處為象巴寺  
江口寺請咨到部賞給僧綱之職管理三寺永為世襲洛札排銷  
之姪車吉洛知於萬曆八年承襲勅賜垂巴寺名號及管理象巴  
江口二寺勅書等件車吉洛知於天啟二年傳其姪且巴牙拜

國朝康熙二十五年旦巴牙拜又傳其姪堪布喇嘛乾隆三年堪布喇嘛傳其姪洛只扯點嘉慶九年洛只扯點傳其姪旦知次力至道光二十三年旦知次力遂傳其班麻多智現居寺俗名牙當寺在洮城西七十里管寺院三處

著洛寺僧綱楊溯洛旺秀居洮城西七十里始祖楊永魯係著藏族番目明永樂十六年以功授昭信校尉洮州衛指揮使司著藏族百戶分守隘口永魯之姪鎖南藏卜於宣德二年爲僧宣傳佛教授都綱司世職招中茶馬鎮南藏卜子領占倫卜於正統九年承襲至正統十二年領占倫卜子班南尖助以功授卓尼寺世襲都綱班南尖助子昂旺桑落於萬厯閒襲都綱司職招中昂旺桑落子班就尖采於天啟年承襲約番守隘至

國朝康熙十四年班就采尖子楊生格以恢復洮岷功授都綱司之

## 甘肅新通志

### 卷四十二

兵防志 番部

三

職管部洛一十八族生格子楊世傑於康熙三十九年承襲世傑子楊松羅布加木燦於乾隆十四年承襲松羅布加木燦子楊望宗者於乾隆五十八年承襲望宗者子洛札加定於嘉慶九年承襲洛札加定子楊丹增達節於道光元年承襲丹增達節子楊洛札車排於道光十四年承襲洛札車排之姪楊丹巴加綻於道光三十年承襲至咸豐七年楊丹巴加綻之姪楊國相以襄辦狄河鞏昌洮州等處逆回案內保奏四品花翎儘先都司丹巴加綻之姪楊溯洛旺秀於同治三年領所管番兵剿撫洮州叛回至十三年仍襲前職

麻爾寺僧綱馬昂旺丹主在城西六十里始祖力車加綻原籍西藏人歷授封膳王明洪武六年以功授西藏膳王千戶世襲其子入點旺秀於永樂三年承襲後帶僧人百名入關駐居洮州衛地



陽坡莊建修麻爾寺以疊番案內保奏賞加禪師銜世襲僧綱兼管百戶分守閭隘中馬八點旺秀之姪祥巴桑節於正統二年承襲祥巴桑節子桑節次力於正德十二年承襲賞賜呼吉禪師約僧管民桑節次力子勺吾加綻於嘉靖二十八年承襲請頒寺號勅賜麻爾寺名號勺吾加綻之姪昂旺加層於萬曆十四年承襲昂旺加層之姪札巴多智於萬曆四十五年承襲奉陝西總督蘭州撫院洮州衛檄分撥三十三族番民札巴多智子昂哈旺秀於國朝順治四年承襲因范家嘴丁七起戕官劫庫之案肅清有功奉委護理舊洮指揮守備兼管部落昂哈旺秀之姪洛藏爾麻於康熙十四年承襲洛藏爾麻之姪札巴江錯於雍正七年承襲札巴江錯之姪洛札初正於乾隆十四年承襲洛札初正之姪勺麻次力於乾隆五十二年承襲勺麻次力之弟馬祥於嘉慶十九年承

甘肅新通志

卷四十二

兵防志 番部

三

襲馬祥之姪馬成龍於道光八年代理僧綱二十六年以功保奏藍翎千總馬成龍子馬中魁於咸豐八年代理僧綱同治二年以河回之變馳往鞏昌各屬救援有功保奏花翎儘先都司馬中魁子馬昂旺丹主於同治十年承襲

圓成寺僧正侯洛札丹主居城南十里始祖侯顯明洪武間以太監供差奉朝旨命詣烏思藏奉迎如來大寶法王顯故後傳於姪朔納加產再傳於依世加產又傳於桑納達節至

國朝康熙間桑納達節傳於姪依世旺丹依世旺丹傳於姪溫卜溫卜傳於姪完卜完卜傳於姪著樣達節著樣達節傳於姪郎乍郎乍傳於姪昂望圖紙昂望圖紙傳於姪旦智加產旦智加產傳於姪札巴加綻札巴加綻傳於姪旦只加產旦只加產傳於姪洛札旦主至

國朝定鼎以來胥仍其舊自同治兵燹承襲原案焚毀無存

集慶寺即舊江口寺番語謂札木凱寺達喇嘛棍楚克丹彌呢瑪

主之現管僧人三百四十五光緒三十一年十月十九日奉

旨賜名慶會寺三十二年頒到匾額更名集慶寺

禪定寺禪師現土司楊積慶兼攝始祖與土司同原係僧綱

國朝康熙四十九年主僧池蓮因貢赴

京承

聖祖顧問為土司楊朝棟之孫送

賜崇梵淨覺禪師名號並

勅禪定寺匾額例土司生二子以一子襲禪師焉至嘉慶十九年無人

承襲土司楊宗基兼攝至今所管寺院三十六 牙路寺 力佳

寺 郭坐寺 普佑寺 囊多寺 恰蓋寺 杓勿寺 卡多寺

兵防志 番部

甘肅新通志

卷四十二

三

代麻寺 窩臧寺 札義寺 拉子寺 柏古寺 係紅衣僧 古加寺

係紅衣僧 牙古頭寺 龍元寺 牛營寺 賽當寺 桑佳寺 札力

寺 茶古寺 巴彖寺 彖哇寺 代力卡寺 拉索寺 則哈

寺 那光寺 那古麻寺 代岡寺 撒浪寺 舍舍寺 加路

巴寺 車力寺 多洛河陰陽二寺 哇藏寺 那古寺 按洮地番僧分

紅黃二教番僧自稱舊或係紅教今多改為黃教云

閣家寺僧正閣蘇奴達節居城東三十里現今無力承襲

岷州

熟番四十三族 多納族 栗中族 本真族 栗林族 車聶

族 答哈族 竹力七族 只比族 占藏族 茲的族 托柯

族 葉多哈族 額力族 哥力族 莪卜只族 入樹族 任

臧族 當比族 朱柯族 牆堰族 尖樹族 下尖樹族 六

五族 葉納族 麻子川族 占藏六族 吾麻族 鹿兒壩族

西甯溝族 喇子族 達喇族 出路族 鐵住族 巴路族

康都族 色都族 策古族 節藏族 祿壩族 著藏族

板藏族 喇達族 恰主族 舊屬土司趙廷賢今為歸安里已

歸州治久與漢民無異惟白水江以南南山內外迄於松茂皆黑

番所在名曰若瓦南山以東馬土司所轄以西楊土司所轄分卓

挂鐵布二類卓挂者其真種也鐵布者非真種漢民逃入番地者

也在鐵布以西明時招中互市設番廠於西營以處來者設隘寨

七十六處今則招中久廢番廠不修各隘寨均罷惟城南四十里

之麻子川設經制一員兵一哨以衛近番各堡寨而已岷人之入

山採木者時被劫其牛馬閒或傷人而內地則無敢侵入者其地

天生寨以東宕昌以南頗饒穀產果蔬以西地寒略種燕麥青稞

# 甘肅新通志

## 卷四十二

兵防志 番部

古

再深入則並此亦無之

李殿圖番行雜詠鐵卜中分上下旗常將

大導師 黑以名番義獨奇或緣黑水故稱斯不然涅得松煙色肇賜嘉名諒有之

番寺 舊三十餘所有曰阿藏寺者在箭口寺僧四五百人據寺

自守番匪不敢犯近則披剝漸少通州屬不過二三百人而已其

舊寺亦尚可考曰 大崇教寺 在城東北四十里宣德元年勅建欽賜珠傘棕轎金印等物 圓

覺寺 在茶埠峪 國師居此 講堂寺 撒藏寺 宏教寺 宏福寺 法藏寺

朝定寺 藏經寺 裕隆寺 三槐寺 石崖寺 魯班寺 在城

東南五里明 廣德寺 廣善寺 永安寺 羊卷寺 宏濟寺

昭慈寺 崇隆寺 寶定寺 永甯寺 些爾多寺 舊志有讚林西多寺

寺 年家寺 張家寺 喇嘛寺 毛家寺 新寺 荔川寺

土司門寺 吉祥寺 哈撒寺 石門寺 格隆寺

國初為僧綱司后丹子達節所轄其先后綠竹尖挫明永樂時大智

法王班丹劄釋之後也成化間以征番有功封宏濟光教大國師  
尖挫之後數傳至只卽丹子任本衛番僧綱司康熙十四年吳逆  
之亂丹子糾土兵恢復洮岷有功靖逆侯張勇題敘仍授宏濟光  
教國師達節卽丹子親姪首徒於三十二年承襲居茶埠峪距城  
東北十五里管番人竜古喇哈等二十四族世加國師號傳至同  
治間以回匪之變職貢久不修焉李殿圖番行雜詠講經講法兩  
途升蓋洛同參最上乘郎俊關  
經那楞法於中選得坐床僧 書從兩藏取形模依克查奇體格  
殊旁向略將回部似左行祇是異痕都 嗎哩巴渾證佛機風來  
舞作梵音飛傳將法語憑天籟更拜高高嗎哩旗 嗎哩修成  
結子香非丸非豆似荒唐須知能象精靈在七寶融爲舍利光  
文縣

縣屬番族雍正八年知縣葛時政奉文改番歸流土司裁革所管  
番地仍列於後以備掌故

王百戶番地 東仲溝縣西三十里 灘卜溝縣西五十里 下

### 甘肅新通志

### 卷四十二

兵防志 番部

七

麥鵝堡縣北六十里 得勝寨縣北六十里 麥鵝堡縣北七十

里 圓嘴堡縣北七十里 官地堡縣北八十里 札多寺縣北

八十里 殺番溝縣北九十里 堡子裏縣北一百里 草坡山

縣西一百里 香花山縣西北百一十里 鷄子坪縣西百一十

里 羊田山縣西百一十里 上哈殺縣西北百四十里 梁寸

峪縣北百五十里 太平族縣西北百五十里 野不咱縣北二

百里 崖道堡縣北二百四十里 下札多縣北二百四十里

王家溝縣西北二百四十里 下赦書縣西北二百四十里

馬首戶番地 英坡山縣西南十五里 夾石山縣西南二十里

核桃坪縣西南二十五里 煙霧坪縣西南二十五里 麥貢

山縣西南三十五里 志山縣西南四十里 中嶺山縣西南四

十五里 入貢山縣西南四十五里 枕頭壩縣西南五十里

郎藏山縣西南五十里 雪卜寨縣西南五十里 草坡山縣西南五十五里 木人山縣西南五十五里 鹽土山縣西南六十里 木路山縣東南二十里 沙壩族縣東南二十五里 黎園山縣東南三十里 博多壩縣東南三十五里 蒲池山縣東南四十里 白固族縣東南四十里 郎卜山縣東南四十里 月牙族縣東南四十里 古坪溝縣東南五十里 班鴿山縣東南五十里 札麻溝縣東南五十五里 野人山縣東南五十五里 深溝族縣東南六十里 馬尾山縣東南六十里 文縣志文番即氏羌遺種

甘肅新通志

卷四十二

兵防志 番部

夷

延薪識悔謂之火葬婚禮納彩不用簪環帕冠等物于歸後一日即歸母家二三年始聽本夫用錢帛贖回此文邑番俗之大概也

西甯縣

珍珠族 在縣東北一百里居威遠堡東明兵備劉敏寬招撫之  
隆奔族 在縣西六十里即今西川國師營等處明洪武十三年招撫居牧塞內外周西納族南西北三隅有城郭廬室塞外者列帳有夷警徙塞內有國師指揮其支屬舊有奔巴爾族居西石峽西納族 在縣西北六十里所居地連圓覺寺即今西納川也明洪武十三年招撫授國師賜銀印牙章舊有小西納其支屬也居牧古鄯北

安定族

在縣東北九十五里威遠堡東即紅帽兒族沙州番也

一云即安定王部落明正德中為海敵殘破流沙州後徙西甯塞外善射海敵畏之時亦梗內地萬曆十九年經略尙書鄭洛招撫

之後卻爾失加與瞿曇寺有娑城復徙牧其境居廬室效順焉一

支爲刺卜爾族

鄭洛收復番族疏據西甯兵備道按察使石楨呈會同贊畫主事梁雲龍僉事萬世德議照西甯古

湟中地也乃甘肅涼莊之右臂河州洮岷之前戶萬山迴合二千餘里諸番羅列奚啻數萬顧附近境內而歲納茶馬者謂之曰屬番其散出山外而易茶屬番者謂之生番種類不一遠近攸分要之皆爲中國之藩籬向未款之先松套諸虜遠莫敢犯間有海夷內寇諸番兵力既足相抗又畏漢兵之尾其後步擄其巢穴以故忽來忽去未爲大害第自數年以來夷借中國之款不獨海上而延甯松套諸夷會盟蟻聚長驅大進始而搶山外之番矣在該鎮則曰此生番也非吾族類坐視荼毒毫不爲異以故生番俛首歸順歲納添巴願爲部落如紅帽兒姑古只等不知其幾已繼而搶境內之番矣在該鎮則曰此雖屬番非吾百姓也曲爲隱忍莫之以救以故屬番甘心順從亦歲納添巴而招中漸廢如俺官阿落受等族又不知其幾已諸番既順又因而搶土漢之民矣陰受劫奪陽爲誤及在將領亦曰番漢雜處原無分別互相容隱量爲些須罰服粉飾塘報以邀重賞綱校等物利不止數倍故土民無依亦做效諸番添巴之例而歲納不缺甚至有土官爲土民而賞給有差者亦添巴之別名也年復一年剝削日甚以麥豆青稞口食取之番也褐疋毛布輕煖取之番也迨其搶掠或令爲嚮導或驅爲前鋒兵力亦取之番也且往年該路將領既不能保番又能害衆加以鼠竊小事輒率兵攻打堡帳希圖牛羊資財之利其偷趕達子馬匹本爲報復則又代爲追還倍加罰服內困於法外困於

甘肅新通志

卷四十二

兵防志 番部

三

夷諸番蹙額之情誠仰天而莫訴矣然夷黨日增則夷謀叵測漸生不軌之心故一犯而西甯殺副總兵李魁再犯而洮州殺副將李聯芳又犯而河州殺遊擊李芳長驅洮渭騷動三秦擄掠之慘道路痛心今特命大臣經略贊畫司道分猷創夷招番招回生屬番人共一百六十族部落該七萬四千七百一十餘名傾心歸順各無異詞等因到臣議照兩河皆番而河西爲甚河西四郡皆番而西甯爲甚蓋緣遠連青海近接河湟古先零罕拜遺種在焉其於匈奴種類既殊居住各異故甘肅一鎮北則匈奴南則羌番漢稱河西五郡斷匈奴右臂者以夷不能越此而南牧也祖宗略地西陲緣俗立教加意諸羌故大建梵宇特賜專勅番僧爲衆推服者大者國師小者禪師其諸豪有力者或指揮千百戶各授有差各寺崇奉勅書及原領金玉印章在焉又以諸番資茶爲命故許納馬中茶以示羈縻屬番無異編民生番雖不敢內嚮而所資茶篋則轉資於屬番二百年來分方住牧內外相安若時有跳梁或撫或剿旋即安定其松套諸夷雖嘗垂涎搶掠然以甘鎮斥埃聯絡夷即潰牆而南畏我乘之旋即宵遁且夷敢掠番番亦殺夷利害得失亦略相當故番人爲我保疆無敢異志自款貢以來夷王南牧許之借途因而牧番此後夷騎因仍不爲禁制遂致夷縱蹂躪番失憑依子女牛羊皆夷所有生死予奪惟夷所制日招月引番安得不盡歸之夷也以故夷舍故巢率趨西海豈獨水草豐美實以諸番可利初尙利番之財物繼則利番爲爪牙久之則利爲心腹矣蓋夷驅番以掠漢而其禍本胚胎則漢爲夷而驅番也臣細問積弛皆謂番夷交通大防已潰西海四郡何地非番何地非夷驅之不能招之不可蓋驅番則明以予敵招番又恐隱爲夷

應卽地方官員亦謂此輩浸淫日久必不可招招則引賊入室難與共居將付之無可奈何而已臣竊謂番夷之勢不分則心腹之患無已故欲蕩兩川須清西海欲清西海須鼓諸番乃大修播告廣詢羣策乘其極困誘以真情略其往愆開之新路乃各番遠近傳聞風勢感動始而余加七族自夷逃回既而紅帽一族賓妻送返臣至西甯凡番首投見者皆進之臺階撫之善語慰其苦處賞以口食各番無不感激涕泣願歸故巢奮勇殺夷者臣益加鼓舞乃守備神德遍歷番巢遊擊曾光祖多方樹幟按察使石欝悉心區畫主事梁雲龍僉事萬世德極力經營且條分縷析部落有數中馬有額安插有所保護有方不惟屬番復歸卽生番亦附不惟番慕義而逃歸卽夷亦畏威而速返千里之藩籬旣撤而復附萬里之戎羌旣叛而復歸從此土宇如常邊疆無改戎羌安堵俺囊不侵張天朝之靈寵擅國家之盛事蓋收此羌戎有六利焉番不附夷夷必讎番夷旣讎番番益叛夷其約旣解其勢卽分夷旣難偷趕馬畜或竊殺夷級使夷不甯居流寇自息利二也羌富畜牧筋角皮革可供軍需利三也牛羊氈酪繹絡來市邊民財貨日通閭閻無匱連年殘壞可以甦息利四也山林通道樵牧來往番漢無猜小而薪爨大而材木源源資給利五也我旣示恩番必懷感日與土人相親睦睦不出五六十年與西納等族俱可化爲良番利六也而其安危喫緊尤在於番夷勢分夷難深入者此皆事理易見土俗之人俱能言之然臣之所以皇皇爲善後之慮固不在今日安插之難而特爲後日紛更之慮也

甘肅新運志

卷四十二

兵防志 番部

夷

刺卜爾族 在縣西南六十五里卽今之大康纏也明初居塞外爲火落赤所掠萬曆十九年經略尙書鄭洛招撫二十三年前後助兩川之捷有功勅授國師指揮以下有差遂徙內塞偵探禦敵數得其力

巴沙族 在縣東北百餘里今名巴札族明洪武十三年招撫居牧塞外北至大通河西至北川塞外東接大通城廣袤五百餘里所屬有咎哱思俄思哥等小族恃險阻數出掠正德間總兵徐謙襲破之其族遂微

咎哱族 在縣東北一百二十里卽巴沙小族也名稱至今尙仍其舊明時巴沙散弱遂有其地南北百餘里東西三百里支屬散處各自爲族無統攝有大咎哱小咎哱上咎哱中咎哱下咎哱六古咎哱等族薛哱族劄爾的族巴哱族巴的族設加族思冬沙族

阿洛受族思哥迷族刺哱族亞思革族倉阿思加族冲哱族馬其沙族馬其冲杓族思蠻哱族諸貢族奔阿族思加濟族阿洛朵只族北俺官族哈爾麻族工巴族舍加族寫爾定族茶住族麻爾日居大通川者則輸馬於莊浪大管哱戶一千五百口四千刀羣利善使巴哱戶三百口八百有奇帶甲勝兵三百海夷云紅帽善箭管哱善刀恆畏之嘉靖九年以後掠碾伯等處其蹂躪我土地荼毒我人民不可勝計官軍不能一大創之種類日繁負險爲固十九年經略尙書鄭洛鼓番族以逐海夷遣使招撫之得工巴以下七族而大管哱始歸焉二十三年兵備按察使劉敏寬參將達雲禦夷兩川出勝兵三百五十助戰破夷之後頗畏威力令諸族歲輸馬六百五十餘匹

甘肅新通志

卷四十二

兵防志 番部

表

巴哇族 在縣北五十里居七塔爾腦明洪武十三年招撫初居牧北塞外與巴沙鄰巴沙屢糾其族及所屬阿爾加倉叛天順七年入掠沙棠川大破之其衆寢弱正德十一年總兵徐謙襲巴沙而巴哇亦散亡流處沙棠川北川哈刺只溝一帶

白札爾的族 在縣東北九十里居牧紅崖溝腦有城堡廬室蓋肅州西山僧烏思藏所遣來居塞內者

斜札族 廣化族 俱在縣東北與巴札管哱巴哇三族今共稱之爲蕃五堡

北邊族 在縣北八十里卽今之七塔爾古岔一帶

申中族 在縣南五十里地連塔爾寺一名申冲明洪武三十年招撫居牧貴德峽後徙塞內孤山灘古牛心堆西也居有城郭以田畜爲業所居十二莊 申中臺 加牙陳加灘 羊毛溝 加



牙阿看莊 加爾藏 羣他爾 什張加 俊爾加 貨爾加

沙爾灣 阿爾計 丹洛麻 按西甯府志西番即西羌族種甚多自甘肅歷四川雲南西徼外皆有之

而散處河湟間者為中國患尤劇漢趙充國張奐馬賢段熲魏郭淮晉馬隆隋劉權唐婁師德哥舒翰宋王韶王厚之所經營皆此地也元遣駙馬章古鎮西甯於河州設吐蕃宣慰司統制番眾明洪武二年太祖定陝西即遣官來河湟招諭其酋長皆觀望復遣員外郎許允德招之乃多聽命又遣歸附元甘肅右丞朵爾只失結西甯州同李南哥招撫其酋長至者亦悉授官以茶馬互市山後貴德等州西番諸部落亦皆以馬來市是時西甯共十三族耳至正德四年蒙古部酋亦不阿爾禿廝獲罪其主擁眾西奔瞰知青海饒富襲而居之大肆焚掠番人失其地多遠徙其留者不能自存反為所役屬自是西碾始有海寇之患後真相移駐莽刺川火落赤移駐湟工川逼近西甯日蠶食番族番不能支則折為寇用拉力克又西行動之勢益熾經略尚書鄭洛中丞田樂兵備副使劉敏寬參將達雲剿撫悉合機宜番人漸復業為中國用矣其所嚮服私饋皮幣曰手信歲時加獻曰添巴其俗多毛布男子衣二截上修倍下下多縱縫冬衣獸皮貴賤異等女子椎髮被頰而下貴者其飾珍珠珊瑚琥珀瑪瑙臘珀海螺其飲食恆牛羊戎餅重茗酪間獵黃牛黃鼠麋鹿野牛馬雉兔充之其市麝香犏牛羝尾馬尾土豹狐皮其婚禮以馬為聘貴者十餘匹下亦二三月初每歲元旦及至日萬壽節十三族受爵大酋咸赴衛城隨班朝賀次日宴於衛堂頒賚而去至 國朝王化涵濡遠被無外今

甘肅新通志

卷四十二

兵防志 番部

平

之屬族僻居山邊者仍其榛樸之舊至與漢民雜住之處廬室衣服無或異也婚喪慶弔相與往來惟女子裝飾為別耳且其子弟亦多送入鄉塾曩年入洋者亦間有之

番寺三十八所城東北佑甯寺西南塔兒寺南則白塔寺沙冲寺皆大寺也餘詳寺觀

將軍郎談請禁西甯寺廟諸番給蒙古納進疏照得先經西甯土司指揮同知李洽 奏請罷西海等處廟寺與邊外諸蒙古納進白塔等處邊外諸民應遣入邊各歸本境部議令總督提督察議 皇上以總督佛倫去其地甚遠令臣與提督孫思克就近察議臣等差官至西甯同總兵官詳查此事自順治十五年因侍郎西圖同昂厄會同諸蒙古台吉議將托巴等諸寺廟諸番給達賴等諸蒙古納進明朝時未有此事白塔等處諸民乃順治六年因回番丁國棟等作亂懼罪逃於白塔等處開田立舍招聚逃亡累至萬戶西圖等為此事嘗至西甯察議臣等愚意內境百姓不可使居邊外與蒙古納進有關 國體宜盡宥其罪悉移邊內不然恐日久釀成邊患况當噶爾丹多事之秋豈可置之度外臣已差人潛訪此處人民背向真情俟噶爾丹事畢之日臣等先遣人諭蒙古酋長設若不從臣請以兵從事再請 聖裁又郎談請禁喇嘛不得任意出邊並除異端疏竊查邊內非蒙古所居之處塞口非喇嘛任意來往之所番下愚民無日不修廟寺漸增至數千餘所西海境諸民盡衣赭衣鮮事生產者幾萬戶臣意欲嚴令諸隘口官吏不得令喇嘛任意出入俾內地消息洩於邊外蒙古再邊內菴浪諸蒙古易以民服

隨民納糧以備兵饗凡自古所有寺廟應存留者令焚修者居之其餘喇嘛愚民任意蓋造者宜悉毀之驅游惰之徒歸於田賦充而游民少俟噶爾丹平定後再以李洽所奏事行之庶不致震動邊陲也

貴德廳

熟番五族 舊有五十四族

東車族 在廳西五十里共番莊一十五

攬角族 在廳東南二十五里至七八十里共番莊十

工巴族上工巴 在廳東南四十里番莊六

下工巴 在廳東南二十里至七八十里番莊一十七以外有麻

巴族及東山族俱悉熟番附城種地 那彥成清釐河南番族編查戶口明定章程並河北番照

情形疏竊查自雍正年間平定青海插旗定地以黃河為界河北二十四旗蒙古河南有五旗蒙古其餘均安番族而河北地土肥饒河南則水草不能皆好自來番族皆謂偏袒蒙古盡與善地常有垂涎河北之心當其始分族而居每族不過百餘戶或數十戶地廣人稀游牧尚可相容迨後丁口日繁互有強弱搶劫蒙古乃其世仇覬覦河北亦其素志而今之蒙古孱弱已極不但不能自

甘肅新通志

卷四十二

兵防志 番部

全

強且均逃散或依附官兵營卡或避至附近州縣游牧則無牲畜謀食又無生業多在西甯甘涼肅等處乞食窮苦實在可憫一時遂防衛甚甚至無由知其消息而要知今之佔踞河北之番原即河南之族是以欲辦河北先辦河南總由該番等素無統屬散處游牧因而貪圖水草潛行渡河馴致嘯聚成羣劫掠雖現在河南循貴各番族尙知安分未敢偷渡而推其初心亦未必不垂涎於河北若不先趁其畏懼之時立法約束使之恪遵則將來紛紛效尤盡佔河北數萬蒙古無處安生再復句結漢奸則勢已成而愈不可制且方今驅逐河北野番使歸原牧業將其糧茶斷絕時當冬令草枯畜牧疲羸又有官兵營卡嚴布口隘句通已斷欲避不能識路不敢離巢任則糧茶俱無勢將坐困衆心渙散窮蹙已形目下不過苟延於河北至苟延之不能則暫退河南防制少疏又復偷渡是令其歸巢不難其難實在於令其不復偷渡自應於其時設法清釐俾有鈐束亦須分弱其勢不能再事鳴張然番性多疑俟其歸巢以後始與河南同議編查不惟人數衆多一時難以稽核且彼見河南各族向未分別人戶因其過河一旦驅使俯受鈐束紛擾之餘轉滋驚懼故欲河北之番悉消叵測必先將河南之族申以條規臣等愚昧之見先治河南正所以清釐河北前已將督飭所屬文武趕速籌議緣由隨摺聲明在案嗣據各委員會同循化貴德二廳查明各屬之番族開具清摺齎送前來臣等查貴德所屬有生熟野番二種熟番五十四族向來種地納糧均能謀食生番十九族住居貴德之東南畜牧為生亦距河稍遠野番八族戶口強盛內有汪什代克一族近已全數移居河北其餘七族

現俱插帳河濱遠難控制難保無接濟河北賊番及偷渡爲匪等弊不得不先爲清釐至循化番族舊止生熟二種熟番十八族生番五十二族大半皆有種地又與四川之松潘相近購辦川茶自行運賣生業較爲充裕而近年如葉什羣等族亦頗不安本分竟行闖入河北又該處有拉卜浪宗卡隆務三大寺招住喇嘛不下二三萬人亦不免易藏奸宄均須逐細編查清其積弊臣那彥成於武闡竣事之先即遣員弁帶同喇嘛札莫落碩等前往河南各族剴切宣諭令其頭目人等赴西甯續於本月初間據該員弁等將貴德之千布彙下拉安揣哨上下剛哨完受都受他受七族千百戶完的等暨循化之賀爾索乃黑温家什加加官受多哇布什巴瓜什則等八族千百戶安木加官布等前後抵湟臣那彥成亦即趕到當日遂逐一傳見諭以汝等皆係安分良番遵守王法向不作賊之人然各族內有逃至河北及句結賊番者此時即行喚回或即行擒獻毋得隱匿不報自干重罪河北野番過河以後查清其人戶如有爾等族內之人即交爾管束若有漢奸亦即捆獻必加重賞該千百戶等咸各俯首聽命查撫輯邊夷之道貴在渙散其黨以孤其勢不可使有偏強偏弱現在到湟之各番族頭目有一族而分數人者即有一人而管數族者衆寡不齊弱者弱而強者愈強既恃其強必不安分因爲分其戶口每三百戶設千戶一人千戶之下設百戶百總十總凡百戶一人每管百戶三百戶歸一千戶管理百總一人每管五十戶兩百總歸一百戶管理十總一人每管十戶五十戶歸一百總管理向來各大族多有一千戶幾至二千者倚其人衆便易生事今定以千戶爲大而千戶所管只准三百戶不許增多但計戶數至一千以上即分爲三人

甘肅新通志

卷四十二

兵防志 番部

全

管理勢分力弱自易遵法又令其公舉誠實公直之人飭令充補至舊例千戶五品頂戴百戶六品頂戴百總十總七八品頂戴其千戶之出力者賞給藍翎再有出力加賞花翎此次既分設千戶名目自應照例給予頂戴仍明白曉諭此時暫准照例戴用虛頂再過三年管理無過方發給印照號紙作爲實缺臣等又復加重賞給銀兩綢布糧茶各番目歡舞叩頭趕緊各回原牧遵照章程清查俟辦理完竣再來回話各自歡忻前去並將酌定易換糧茶章程計口授食每年准買兩次由戶總報明千戶千戶結呈廳營給予照票註明實係良番置買糧茶若干官爲經理發鋪照買若有不遵法度之人即不准領票至所必需之布緞靴帽木碗之類亦與票內註明一同換買總之均由官爲經理奸商斷不得昂索價值正可絕其私交以杜漢奸串通之弊給買之後即將照票繳銷不准重用仍一面嚴飭文武實心經理不得任聽吏役從中才難勒指又曉諭番族等內地奸商最爲可惡積年以來重利盤剝刻若番民今者皆令官爲經理則勿許私相交易物價亦得公平所有爾等拖欠人民帳目概不必償還漢奸拖欠爾等之帳即刻呈出立刻代爲追給並將漢奸治罪將其家產查變加倍償還如有漢奸前往索欠立即縛送並有重賞當經繕寫告示各十二則曉諭循貴二廳番族即交現來之千百戶帶回仍一面飛飭派委明白熟悉文武分赴各該處清查其戶口照內地保甲一例編查此外各族生番尚有觀望不前者即行曉諭令其來見亦照現定章程妥爲措置此時河北野番正當進退維谷之時尙特向河南爲之歸宿今則各清各族概不容留孤立之勢已成而前南漢奸既除繫援之路又斷前後各絕萬不能以久延此時若一招徠自

必乘機杼誠悔罪冀延喘息但不使之窮蹙至極倍嘗艱苦則仍易犯法此時並嚴查卡隘糧茶大約旬月之間諒可肅清河北至河北之番半係各族强悍可以作賊之人原係一時烏合今即趁其過河之時查明原係何族之人歸於何族安插十家管束一人亦易為力其自為一族人戶眾多者均即照河南之例辦理設立千百戶等選擇承充伊等見各番族均已遵從亦可免其疑懼是河南之法一定河北之番但一過河即在穀中既散其人又令其自然歸我法制似不勞而理統俟各野番有渡河確信臨時或有更動再行斟酌奏明辦理

生番五族 舊有十九族

坎卜拉族 在城東一百一十里番莊八

思昂拉族 西甯府志作思囊拉 在城東南二百八十里番莊七

思朵布族 在城東番莊八以外有多加族及古哇族俱係生番

亦種地完糧糧缺則就近在巴燕戎買食

野番十九族 舊係八族戶口強盛內有汪什代克一族道光初移居河北餘七族俱插帳河濱按今採訪冊則十九族

都受族 完受族 他受族 俱在城南自一百二十里至二三百里山路險峻不甚馴良

甘肅新通志 卷四十二 兵防志 番部 全

揣咱族 在城東八十里番莊四

剛咱族 在城東一百一十里

拉安族 在城西南自六十里至一百里有上拉安下拉安及卓

色族共番莊三以外有寶達倉族 查乃亥族 阿粗乎族 贊

咱族 朵加族 歪戶族 雪倉族 魯倉族 加素族 卓巴

爾族 麻什干族 主古象族 汪波洛族 俱係野番均須進

口買糧

番寺二十餘所工巴寺最大其次曰白佛寺 國巴寺 思得六

寺 恩古魯寺 迭纏寺 餘皆小寺 詳寺觀

循化廳

口內熟番十二族 珍珠族 老鴉族 札藏族 紅崖族 端

口內熟番十二族 珍珠族 老鴉族 札藏族 紅崖族 端

言族 回回族 仰化族 迭古族 川撒族 牙黨族 鴻化族 靈藏族

口外西番四十九寨 都網寺寨 迭恩慢加倉寨 甯巴寨

火龍布寨 貨力蓋寨 多瓦寨 勒門瓦寨 熊為寨 為刺

干滅寨 為刺功滅寨 刺迭寨 青稞兒寨 下龍布寨 埤

塘寨 虛路寨 哈墻寨 曲桑寨 坡藍寨 加臥寨 多柰

寨 思記寨 郎家寨 麥受寨 素胡寨 札木寨 鐵布寨

火力加寨 錯勿日寨 塞黑吉寨 他思迭寨 果思迭寨

務細寨 初密寨 沙卜浪寨 和洛那寨 恩沾木寨 合

兒寨 多巴寨 深兒宗寨 貨那寨 哈兒則滿束寨 營朋

寨 攢都寨 汶涅寨 坡素古寨 商處古寨 達沖寨 阿

巴喇寨 雙朋寨

甘肅新通志

卷四十二

兵防志 番部

畱

口外南番二十一寨 甘家寨 火力藏寨 上南喇寨 黑錯

寨 下哈家寨 下則蓋寨 咱又寨 多兒替寨 常岡寨

木採寨 其暗寨 希力甯己寨 那力工寨 思記寨 貨戶

洞寨 章娃寨 波合拭寨 果莽寨 波拉寨 上哈家寨

哈喇 陀寨

丹噶爾廳

南鄉熟番一族名曰東科寺佃戶住土房耕田與漢民雜居

河南西番八族管轄三十九小族 千布象族 管小族十一 完受族

剛咱族 管小族十 曲加洋沖族 汪什代克族 管小族十二 公窪他爾代族

都受族 管小族二 拉安族

武威縣

番屬舊貢馬於海彝黃臺吉歲納天巴馬雍正元年十月策妄糾

諸海彝入寇西甯番乘閒爲亂涼莊道蔣洞等練民兵平之自此編隸爲民其頭目俱予漢姓名每歲貢馬就各該管營汛交納  
峽溝番民三族隸張義堡營大頭目一任營西九十里青土峴爲札提加木族小頭目二任營西北三十里峽溝寺爲納受索族每年貢馬三匹

沙溝番民一族住南山每年貢馬一匹

地屬武威營屬古浪

卯藏寺番民四族隸上古城營總頭目一小頭目三每年貢馬四匹外管番僧二百三十五

南山上下大水寺番民五族隸南把截營總頭目二俱住黃草頂小頭目三每年貢馬五匹外管番僧四百一十七

南山番民四族隸西把截營大頭目一任車輪溝及禿葫蘆小頭目三每年貢馬二匹外管番僧二百七十七乾隆時報懇熟地六頃三十九畝七分每年承納衣單糧一十九石一斗九升一合草一百三十七束七分

南山番民四族隸炭山堡大頭目一任天口子及白旗口小頭目三每年貢馬一匹

### 鎮番縣

八力漫插漢番族環居縣東北境接甯夏邊界隸賀蘭山額駙部下族類亦繁粗知大義雍正四年移駐南山居三載不服水土牲畜倒斃甚衆復回故地

### 永昌縣

番民五族隸城守營住牧距縣境數十里或百里歲貢馬六匹

### 古浪縣

東山圍場溝番民四族隸黑松營大頭目一任牧圍場溝小頭目

三一牧龍溝腦松林一牧白土坡一牧石炭溝壑峴每年貢馬三匹

黃羊川番民二族隸大靖營大頭目一住牧野馬墩小頭目七一牧野馬墩一牧条子溝一牧莊浪溝一牧酸茨溝一牧小直溝一牧大小南沖寺一牧尙家溝每年貢馬六匹

柏林溝番民二族隸安遠營大頭目一小頭目二均住牧柏林溝每年貢馬二匹 安遠堡西南可可口黑番兒加洞族住牧 堡北三里毛達坡熟番都刺住牧依深山而居不植五穀惟事畜牧婦人喜以螺鈿爲飾跣足被髮土人呼之曰狗西番

平番縣 莊浪同知駐城內 乾隆十八年設

熟番三十六族咸豐初番民繁衍至十萬餘同治五年回變後逃亡殆盡數不滿千光緒十四年招墾至今共四百六十三戶皆零

甘肅新通志

卷四十二

兵防志 番部

矣

落散居無撤回別教惟間有漢民入族爲番者

阿洛族 阿蓋族 色異族 阿謝族 且暴族 馬家族 馬

耳加定族 煞爾吉族 後山思鵝課族 都爾谷族 白札爾

族 思冬奔族 前山思鵝課族 麻加族 上耳加定族 上

朵卜藏族 下朵卜藏族 上華藏族 下華藏族 丹馬族

加棟族 白札族 朵什族 紅番擦損二族 俄錯族 西擦

損族 札的族 那迷族 朵爾麻族 冬木耳族 郝爾族

托把族 煞馬族 亦述族 丹馬族 按平番縣志所載納糧番民曰煞爾吉族番千戶一

麻吉族阿謝族上朵卜藏族頭目各一四族每年各納旱糧一十六石下朵卜藏族上阿洛族下阿落族馬家族耳家定族頭目各

一五族每年各納旱糧八石思冬奔族頭目一每年納水糧六石旱糧八石惟

四升六合華藏上托的族頭目一每年納水糧六石旱糧八石惟水糧隨徵草六十束餘俱免徵共十一族俱番千戶約束隸莊浪

監屯廳催徵糧草 又貢馬番民曰羅家族色異族且暴族三族頭目各一各貢馬二匹阿爾蓋族頭目一貢馬三匹四族共男女八百五十二口隸莊浪營曰思鵝課族頭目一貢馬五匹都爾谷

族頭目一白札爾族頭目一各貢馬一匹麻家族頭目一貢馬二匹四族共男女一千二百口隸鎮羌營亦番千戶約束

番寺十有四所皆黃教以白僧為寺主共喇嘛三百六十餘名其

領衣單口糧者惟報恩祝貢華藏南沖上大水下大水卯藏等七

寺餘若天堂石門延禱極樂腦皮溝朵什白土坡等七寺皆賴耕

牧為生以上屬莊浪同知所轄

番民八族在洛洛城等十三村堡 上馬爾族 下馬爾族 爾

加穰族 單約族 錢多爾族 思加木族 爾加藏族 爾卜

族原屬西海貝勒爾得尼管轄因屢肆猖獗雍正元年剿撫後交

魯土司就近約束撥給田地習耕種守棋子山棹子山竹林溝羊

胸子城坪山他拉土胖卜拉峽八隘戶四百五十三口二千三百

六十五

張掖縣

# 甘肅新通志

## 卷四十二

兵防志 番部

全

唐烏忒黑番三族漢西羌種也康熙三十五年噶爾丹脅從添巴

噶爾丹滅屬番傾心歸誠三十七年川陝總督吳赫奏請安插經

理藩院題准正首領給五品銜劄付副首領六品銜劄付用滿蒙

漢三種字其酋率由衆番公舉世襲雍正初總督年羹堯改番歸

流男女皆從漢服種地納糧

一族隸甘州城守營乾隆中葉酋長副頭目鎖南鐵令每年貢馬

二匹住牧西流水河灣山場地界近內地一百二十里

一族隸南古城營乾隆中酋長正頭目阿幹段住每年貢馬一十

二匹住牧大都麻地界近內地三十里

一族隸紅水營乾隆中酋長正頭目化密加副頭目官卜札什每

年貢馬八匹今頭目名岡棟札什住牧黃草溝界近內地五十里

撫彝通判



西喇古兒黃番五族在祁連山內俱隸黎園營黃番本明罕東左衛丹枝部落亦蒙古裔也爲土魯番所侵嘉靖七年總督王瓊移之甘州南山俗稱黃鞵子今甘州城西南百里曰板答口黑水之所自出也黑水以東皆黑番一曰白道人其西皆黃番

大頭目家乾隆時酋長正頭目端都札什副頭目薛令札什每年貢馬一十五匹牧牛心灘距營一百三十里

半莫家乾隆時酋長正頭目納卷缺吉副頭目班茅嗎烏藏布每年貢馬二十三匹牧牛毛山距營一百里

五箇家乾隆時酋長正頭目善巴副頭目薛兒加什每年貢馬二十三匹牧思蔓處距營一百里

八箇家乾隆時酋長正頭目簪巴嘎副頭目爾旦木架每年貢馬一十二匹牧本木耳千亦曰唎囉口地有金礦距營一百九十里

### 甘肅新通志

### 卷四十二

兵防志 番部

矣

羅爾家乾隆時酋長正頭目貢格副頭目洋喇什嘎每年貢馬九匹牧半箇山近內地九十里牧海牙溝距營二百里

唐烏特黑番三族

南吾兒族 住牧豐樂川河東三山口東至十八壩河西至豐樂川河南至總水山河北至清水堡小頭目四一在黃壩山口內一在黃草壩山口河西一在榆林壩山口一在乾壩山口

小宛卜族 住牧豐樂川河西六山口東至豐樂川河西至壩莊口南至烏喇嵩北至各山口小頭目六一在起龍山口一在觀音山口一在紅山口一在野韭坪山口一在磁窰東山口一在磁窰西山口 舊云烏思藏番僧曰普爾咱住牧於此傳至長吉思冬其族甚衆乃分爲大宛卜小宛卜二枝云

伯喇宛冲族 住牧卯來泉山人口內共十二山番界東至駱駝

山西至羊溝南至松打板北至土山小頭目十一一在泉兒溝一在乾壩溝一在駟馬溝一在大火燒溝一在小火燒溝一在羊蹏溝一在腦皮溝一在上下壩莊口一在松打班溝一在大直溝一在柴棗溝一在三岔溝 以上番民俱依南山種地閒有牧畜爲生者曰生番

西喇古爾

肅州志云本師刺國

黃番八族設正副頭目部給守備千把總職

銜劄付歲貢馬一百一十三匹彙納梨園堡都司收牧其民戶或種田或牧畜亦有充伍者 臨城三墩一族 臨城饅尖一族

臨城河北壩一族 城東壩頭墩一族 臨城河北野狐溝一族

城西黃草壩一族 臨城小泉兒一族 城東黃泥鋪一族

高臺縣

唐烏忒黑番一族隸紅崖營每年按壯丁二十名納馬一匹由甘

甘肅新通志

卷四十二

兵防志 番部

完

肅提督撥交營伍

西喇古爾黃番二族隸紅崖營

回族

今之回回卽古回鶻畏吾兒回回三種人也回回爲大食種故國在今亞喇伯遼史部族表有回回大食部元時始入中國別名色目人回鶻者匈奴別部袁紇之裔後稱韋紇唐初稱回紇武后時契苾思結渾部徙於甘涼德宗時其汗自請改名回鶻後酋長入居中國別部扈特勒居甘州宋時散處磧西服屬於蒙古至畏兀兒則吐谷渾素和貴之裔宋王韶取西甯畏兀主懼遷於瓜沙明嘉靖閒徙哈密之畏吾兒哈喇回白帽回入於肅州城東是也是三種人者古則類別區分今則混而爲一矣蓋錯處久而性情習衣服同而氣類化奉教一而形勢亦易合居內地者概稱回回卽

在塞外者亦不過纏頭回漢裝回而已其為回回為回鶻為畏兒莫能辨也若夫循化洮州之邊外有所謂撒拉回者則又以羌而奉回教者也回教創自亞喇伯王謨罕默德彼徒美其名曰天方唐時撒哈八與幹葛思來中國傳教回紇多從之後人因呼曰回教其誦經祈福之師名阿訇漢民呼為阿渾所稱教師後裔貴種和卓者在阿渾中尤尊明史所稱和者即和卓之音訛也阿渾倚掌教之權得朴責回民有吉凶事必往誦經平日皆有賄賂金粟畜產無物不納於是阿渾相擠增立新教名目繁多以河湟為甚門戶互爭往往械鬪且與漢民猜嫌素積遂藉此為變端夫回以摩教而化畛域者數種亦教足以奪人心之驗至甘省漢民雖有隨教然亦無幾惟自

國朝定鼎甘州回米喇印倡亂以來而華林而石峰而同治間之全

### 甘肅新通志

### 卷四十二

兵防志 回族

卒

省糜爛光緒二十一年之河湟跳梁大抵不離於爭教洩茲土者其能默化潛移令回民薰陶於聖學焉亦即弭亂之道也至其羣居之處則西路之河湟南路之張家川東路之平固化平北路之靈甯一帶所在皆是也茲錄其教之支分派別者備覽焉

老教

新教

嗶伽場

黑褐衫

舍勒爾

以上三門皆新教中支派

大會

中人吸煙飲酒彼族以為穢污教門恆仇視之故同治初元回日辨教逆首馬桂源將大會中人壓死石磊下者百餘人花寺彼族相傳河州回酋某於印度取經回即於河州建一禮拜寺做漢廟繪以丹青五彩輝煌故入其教門者均謂之花寺云

撒喇十二工

撒喇不知所自考其種即今新疆之纏頭回也河州志撒喇川在州積石關外二百里今循化城在撒喇

十二工適中之地距河州正二百里是此地本名撒喇川其先番人所居云

西鄉六工

街子工

草灘壩工

均距循化廳治十里

查家工

距廳治二十里

查汗

大寺工

距廳治四十里

蘇只工

別列工

均距廳治三十里

以上六工謂之上六工

工

東鄉六工 清水工 打速古工 孟打工 張哈工  
均距廳治 均距廳治 均距廳治 均距廳治 均距廳治  
崖慢工 夕廠工 以上六工謂之下六工  
均距廳治 均距廳治 均距廳治 均距廳治 均距廳治  
四十里 五十里 七十里

甘肅新通志

卷四十一

兵防志 回族

全

